

NY FAHENDRENA

MANOHITRA NY FINOANA

 Misaotra anao, Rahalahy Neville. Ny Tompo hitahy anao. Manao ahoana, manao ahoana. Rahalahy . . .

² Manao ahoana, ry sakaiza. Faly ny tafaverina eto an-tranon'ny Tompo!

³ Vao avy nantsoina aho tao ambadika tao, fotoana vitsy lasa izay, mba hivavaka ho an'ny mpitoriteny antitra iray. Ary efa tratry ny fahatoranana iray fotsiny izy, tahaka an'izany. Tsy nisy na inona na inona tsy mety hita taminy. Olo-masina antitra iray an'ny Tompo fotsiny izy. Teny amin'ny lâlana nanketo, dia nanandrana hanao ahy harary i Satana, mba handò, ihany koa. Hoy aho hoe, "Tsy maintsy hifampivavaka fotsiny isika." Marina izany. Hia. Noho izany, Rahalahy Coggins ilay izy. Mahafantatra azy tsara mihitsy isika, eto amin'ny tabernakla. Avy any Carolina izy. Ary efa tena, tena narary izy, izao fotsiny—nitsangana fotsiny ary torana. Fa tsy toy ny hoe nisy zavatra anankiray tsy nety taminy, tsy nisy ara-batana. Noho izany, ny devoly niezaka naka fanahy azy fotsiny izany. Noho izany, mpaka fanahy lehibe izy, ary izy dia anankiray tsara, ihany koa.

⁴ Efa renareo ny tantara mikasika an'ilay anabavy antitra izay nandeha teto am-piangonana, tsy te-hilaza na inona na inona ratsy mikasika na iza na iza. Hoy izy, "Inona no neverinareo mikasika ny devoly?" Hoy izy, "Eny, mpifaninana tsara iray izy." Noho izany dia izany izy—ny maha-izy azy.

⁵ Faly isika, izao maraina izao, ny tonga ato an-tranon'ny Tompo indray, amin'ity herinandro ity, miandry ny Fihavian'ny Tompo Jesosy.

⁶ Ary ankehitriny, saiky hiresaka teo amin'ny lohahevitra aho, izao maraina izao hoe, "Alofan'ny Rà," fa toy ny hoe somary nanova ny hevitro mikasika an'izany ny Fanahy Masina. Ary manana lohahevitra iray hafa aho, an'ny fampianarana. Satria, noho izany, rehefa avy, nilaza aho, omaly hariva hoe, "Nahoana Izy no nanova ny hevitro mikasika an'izany karazana lohahevitra izany hoe, 'Alofan'ny Rà?'" Azonareo hoe aiza no hisy an'ilay lahateny, "Isiraely teo ambanin'ny rà, nandeha nankany amin'ilay teny fikasana," hitanareo. Ary mety hiresaka an'izany aho, amin'ny andro hafa iray.

⁷ Noho izany dia tsaroako, tao amin'nynofy iray izay nananako teto, vao tsy ela akory izay. Ary izaho, tao amin'ionofy io, natao hitahiry ny Sakafo ato amin'ny tabernakla aho, hitanareo, eto tao amin'ionofy io. Firy no mahatsiaro

an'izany, herinandro vitsy lasa izay, nanana an'ilay nofy? [Hoy ny fiangonana hoe, "Amena."—Mpand.] Tsy afaka nanome anareo ny fandikana azy aho. Ary raha tsy haka fotoana ela loatra amiko izany, dia hoteneniko aminareo fotsiny, raha tianareo ny hihaino. ["Amena."] Eny àry.

⁸ Mahalana aho no manofy zavatra izay tsy misy dikany fotsiny. Ilay izy, mazàna, matory tara aho, ary avy eo dia mifoha. Ary mikorontan-tsaina sy reraka, manofy ianareo, avy eo dia mandeha matory sy manofy, avy eo dia mifoha. Fantatrareo hoe ahoana ilay izy, olona iray mikorontan-tsaina tahaka ny tenako.

⁹ Ary nivoaka niaraka tamin-dRahalahy Wood sy Rahalahy Sothmann aho, ary vao avy nanome ahy olona ny Tompo...tonga niaraka tamin'ny...tany... Ary izany dia tany Tucson, Arizona. Ary ny Tompo dia manome tanteraka mihitsy, ao amin'ny tranga tsirairay, an'ireo fandikana nofy.

¹⁰ Ankehitriny, hitanareeo, rehefa misy olona iray manome, miteny amiko mikasika ny nofy iray, ny fomba tokana azoko anomezana ny fandikana, dia ny mandinika an'io nofy io. Ary maro aminareo eto no mahafantatra, fa ny sasany aminareo izay miteny zavatra amiko, dia tsy niteny tamiko ny rehetra mikasika an'izany, tao amin'ilay nofy. Fa rehefa hitako ilay izy, eo indray, dia azoko izay tsy noteneninareo. Hitanareo? Ary noho izany dia tsy maintsy mijery azy indray ianareo, ary amin'izay fotoana izay dia miteny aminareo Izy. Noho izany, indraindray dia mandratra ilay izy. Indraindray dia mafy ilay izy, mahasosotra an'ilay olona. Fa tsy maintsy marina ianareo, satria ny Tenin'ny Tompo izany. Hitanareo? Satria, miandry an'izany izy ireo. Ary Izany dia tsy mihitsy...Efa tsara tamiko ny Tompo, mba hamela an'Izany ho marina foana.

¹¹ Ary noho izany tamin'io alina io aho—nandeha natory aho, ary nanonofy, ny tenako. Ary nihevitra fa izaho dia...Lehilahy iray izay nanaovako ady totohondry, taona maro lasa. Maro, ianareo an'ny andro fahiny...

¹² Nieritreritra an-dRahalahy Roy Slaughter mihitsy aho, mitsangana etsy am-baravarana. Efa niaraka tamin'izany izy, ataoko fa saiky ny iray amin'ireo mambra tranainy indrindra eto, ato amin'ny fiangonana. Rahalahy Slaughter, ataoko, no saiky iray amin'ireo mambra tranainy indrindra. Ary izaho—izaho fotsiny...

¹³ Raha mbola miresaka mikasika azy aho, dia misy toetra tsara maro mikasika an'i Roy Slaughter izay tsy fantatry ny olona. Marina izany. Rahalahiko izy, ary aleoko manome azy fehezam-boninkazo kely iray ankehitriny, na tsimo-boninkazo iray, toy izay amboaram-boninkazo iray manontolo rehefa lasa izy. Marina izany. Misy toetra maro mahafinaritra. Efa tena rahalahy iray ho ahy Rahalahy Roy, izy sy ny fianakaviany, mipetraka any, ary niasa mafy ho an'io fianakaviana kely

io, ka nitaiza andian-janaka mahafinaritra. Fantattro ny zanakavaviny sy ny zanakalahiny rehetra, ary nitory teny tamin'ny fandevenana ny zananilahy kely aho rehefa maty izy.

¹⁴ Ary tsaroako, indray mandeha teto, nanana lehilahy iray izay niasa teto amin'ny fiangonana izahay. Ary ny... Ary natao hanao an'izany izy, amin'ny maha-mpandrafitra iray fotsiny. Tsy nanana vola betsaka izahay. Ary izy no saika hametraka an'io anatiny ato io. Fa tonga ny olona iray izay te-hiasa, fa tsy nataony izany. Dia nipetraka teo, nilaza izy fa niasa antsasak'adiny, na zavatra iray, ka naratra ny tongony. Ary noho izany izy, ampy fotsiny mba hitoriana ny fiangonana, sy hampandoa anay iray alina dolara. Eny, tsy nanana na inona na inona izahay. Tsy nahafantatra na inona na inona mikasika an'izany izahay raha tsy efa namoaka didim-pitsarana izy ireo. Hitanareo, nitory izy ireo. Ilay-ilay lehilahy, tsy nanana fiantohana izy, ary noho izany dia nilatsaka teo aminay ilay izy. Tsy nanana izahay, handoavana.

¹⁵ Ary tsy adinoko mihitsy ilay hariva, nipetraka teo mihitsy, tato aoriana *tato*, izay nangaronan'i Roy ny paosy. Tranainy iray... Mamelà ahy, Rahalahy Roy. Poketra tranainy, rovidrovitra, ary namoaka an'ireo sek'y izay azony avy tamin'ny fitateram-pakony, ireo zavatra tahaka an'izany. Hoy izy, "Eny, Rahalahy Bill, hapetrako eo amin'izany ity."

¹⁶ Evelyn antitra kely, ny anabaviny, mipetraka eto mihitsy angamba izy, any ho any ankehitriny. Izy, "Ranadahy Branham, ny tranoko tranainy kely, mitentina telonjato dolara fotsiny, saingy hapetrakay eo amin'izany mihitsy izy." Hitanareo? Izany no tena izy, tena fitaovana, raha miresaka amiko ianareo. Ao amin'ny bokiko izany, tena misy izany.

¹⁷ Tsaroako arak'izany, taty aoriana kelin'izany, teo amin'ny fivoriako voalohany aho. Tany St. Louis aho, tao amin'ny iray tamin'ireo fivoriako goavana voalohany. Ary tonga ny telegrama iray hoe, "Mandry eo an-dàlam-pahafatesana ny zanakovavy kely. Rahalahy Slaughter. Tongava izao dia izao." Nandeha teo fotsiny aho, nanomboka nametraka an'ireo akanjoko tao anatin'ny vata. Izany ihany no nisy tamin'izany. Tsy afaka nandao azy aho. Ary tonga teto izahay. Tonga tany an-trano aho, niditra tao amin'ny efitra. Ireo mpampivelona, tany, ilay hopitaly tany, tao amin'ilay hopitaly Katolika any New Albany, dia nandao ny zananivavy kely. Vantany vao niditra ny efitra izahay, dia nanasitrana azy ny Tompo Jesosy. Teo izy, hitanareo. Hitanareo?

¹⁸ Ary tahaka ny mofo eo ambonin'ny rano, dia hiverina aminareo izany indray andro any. Niala tamin'ilay lohahevitra; saingy hiverina any amin'ny voalohany.

¹⁹ Ary nanao ady totohondry aho taloha. Ary nisy lehilahy iray nalaza teto amin'ity tanàna ity. Misotro betsaka mihitsy

ilay lehilahy mampalahelo ankehitriny. Ao amin'ny tafiky ny polisy ny iray amin'ireo zananilahy. Smith, George Smith, izy ireo dia miantso azy hoe, "Smith enina segondra." Nandeha nanazatra ahy hanao ady totohondry izy, rehefa nanana izahay... talohan'ny nanombohan'ny Golden Gloves. Teto amin'ny governemanta izahay. Ary tao amin'izany, nahoana, izy no olona masiaka indrindra izay hany hitako. Namely ahy fotsiny izy, dia nihodinkodina fotsiny teny amin'ny rivotra aho. Dia niverina aho. Hoy aho hoe, "Tsy tokony ho tena masiaka mikasika an'izany ianao. Hitanao?" Hoy aho hoe, "Nodominao niala tamiko ny fofon'aina."

²⁰ Hoy izy hoe, "Teneniko aminao, Billy," hoy izy, "tsy mampaninona na tsara toy ny ahoana aza no nanazarana anao, sy traikera atletika firy no anananao, ary matanjaka toy ny ahoana ianao, amin'ny habenao, na zavatra tahaka an'izany," hoy izy, "ny kapoka iray dia mampijanona ny rà rehefa midòna tahaka an'izao." [Mitehaka ny tânany Rahalahy Branham—Mpand.] Dia hoy izy, "Mety mankahala ahy ianao ankehitriny, saingy rehefa miakatra eo amin'ny kianja eo io ianao, samirery," hoy izy, "dia hankasitraka an'izany ianao." Hoy izy, "Ny vatanao no manangana an'izany, mba hiverina haingana. Raha voadona ianao, dia hianjera mihitsy, ary mandry eo ka hahazo fanisana. Fa raha voaorina ny vatanao ka afaka mahatanty an'ireo kapoka," hoy izy, "amin'izay fotoana izay, rehefa mamele azy ianao, kapoka mafy no mandòna anao," hoy izy, "amin'izay fotoana izay rehefa ianao... afaka miverina haingana ianao," hoy izy, "miverina amin'ny tongotrao indray. Voadona mafy tafavoaka ny kianja ianao, dia mitsambikina miverina indray." Nasiany mafy hatramin'ny farany tafavoaka ny kianja mihitsy aho. Noho izany dia hoy izy hoe, "Tsy maintsy manao an'izany fotsiny ianao. Hitanao?" Ary tiany ny hamono ahy. Saiky teo amin'ny telopolo na efapolo livatra noho izaho ny havesany. Ary izy afaka... Mpiady iray izy ary izaho dia mpianatra iray fotsiny, noho izany dia saiky namono ahy izy. Hoy izy hoe, "Saingy hankasitraka an'izany ianao rehefa miditra ao amin'ilay kianja." Hitako fa izany no fahamarinana.

²¹ Avy eo, efa nandre an'ireo serzà tao amin'ny tafika aho nanazatra an'ireo zazalahy, ary mafy. Halan'izy ireo io serzà io. Fa rehefa tonga teo amin'ny ady ilay izy, dia tian'izy ireo izy, noho ilay fanazarana henjana.

²² Tahaka an'izany no niezahako nanazatra an'ireo Kristiana. "Aza tapahana ny volonareo. Aza manao fandokoan-tarehy. Aza manao an'ity." Nanao an'ilay izy ho mafy. Hankasitraka ahy ianareo rehefa tonga eo—eo amin'ny faran'ny lâlana aho. Hitanareo? Manazatra, hitanareo, manao an'io fanazarana io tsara. Saingy ndao isika—ndao isika hanohy tsara miaraka amin'ny Teny. Mety ho mafy Izy, manapaka an'ireo fahasamihafana ara-anaram-piagonana ho potipotika, saingy

hankasitraka an'izany ianareo rehefa tonga eo amin'ny faran'ny lâlana. Hitanareo? Nijoro teo akaikin'ilay Boky ianareo.

Noho izany, ny vadiko, naka, nanao ny sandriny tao amin'ny ahý, dia niakatra izahay.

²³ Ary George Smith ankehitriny, izy dia, ataoko, lehilahy fotsy volo iray izy. Ataoko fa izy dia fito na valo, antitra folo taona kokoa noho izaho. Ary niverina teo amin'ny kianja izy, ka nanao ady. Ary ireo lehilahy tanora izay niakatra, zazalahy lehibe mivela-tsriska, tsy afaka nifanandrina taminy, mihitsy. Izy ireo fotsiny . . . Nikaravasy azy ireo tao anatin'ny iray minitra fotsiny izy. Dia hoy ny lehilahy tanora iray hoe, "Afaka mikaravasy an'io lehilahy antitra io aho. Fantattro fa afaka aho." Noho izany izy, lehilahy atletika goavana be, nitsambikina nankao amin'ilay kianja tany. Tsy naharitra antsasa-minitra akory izy. Niverina nivoaka izy, nanao hoe, "Tsy fantattro hoe avy aiza ilay izy, fa azo antoka fa lehilahy iray izy."

²⁴ Ary tamin'izay fotoana izay mihitsy, dia njery ny vadiko aho, tao amin'ilaynofy, ka hoy aho hoe, "Ry vadiko, fantatralo, izy no nanome ahy ny fanazarako voalohany."

²⁵ Ary avy eo, fantatrareo, mahatsikaiky ireonofy. Tonga teo amin'ny—ny ranomasina goavana iray aho, ary tena nanonja ireo rano. Ary ilay mpivoy lakana . . . Ankehitriny, tsy niaraka tamiko i Meda tamin'io fotoana io, ny vadiko. Ary avy eo, tao amin'io, ilay—tonga teo ilay mpivoy lakana, ary nanome ahy lakana kely iray saiky roa dian-tongotra sy sasany izy, telo dian-tongotra ny halavany. Dia hoy izy hoe . . . Tena fotsy ilay izy, plastika fotsiny, ary fotsy. Hoy izy hoe, "Ity ny lakanao."

"Oh," hoy aho, "tsy afaka hiampita aho, ho an'ity, ao anatin'ity."

²⁶ Hoy izy hoe, "Eny," hoy izy, "handeha dimampolo maily isan'ora io, mandroso-sy-miverina amin'ity lâlana ity."

²⁷ Hoy aho hoe, "Mety izy, mandroso-sy-miverina amin'ilay morona, fa tsy hety izy etsy. Hitanao?" Hoy aho.

²⁸ Hoy izy hoe, "Eny, mandehana miaraka amin'izy ireo." Dia njery aho, ary indro nipetraka Rahalahy Wood, sy Rahalahy Fred Sothmann, ireo rahalahy roa izay niaraka tamiko tamin'ny alina izay nanofisako an'ilaynofy. Ary nipetraka tao anatin'ny lakana maitso iray izy ireo niaraka tamin'ny fitaovana marobe tao anatin'y, fitaovana filasiana, tranolay, sy ny sisa. Dia nipetraka teo izy ireo. Hoy izy hoe, "Mandehana miaraka amin'izy ireo."

²⁹ Hoy aho hoe, "Tsy mpivoy lakana akory aza izy ireo." Hoy aho hoe, "Fantattro izany." Hoy aho hoe, "Mpivoy lakana iray aho. Ary izaho—fantattro ny mikasika ny lakana, ny mitondra azy. Fa," hoy aho, "izy ireo, tsy hahay mihitsy izy ireo. Tsy afaka hahavita

an'izany izy ireo. Tsy te-handeha tahaka an'izany aho, na ahoana na ahoana."

³⁰ "Eny," hoy izy, "tia anao izy ireo." Ary hoy izy, "Nahoana ianao no tsy miverina eto ka mitahiry?"

³¹ Noho izany, dia niverina aho. Ary ilay toerana kely izay nisy anay, toerana kely iray antsoina hoe Klondike, teo amin'ny efapolo maily miala amin'ny fandrosoana rehetra, magazay kely anankiray ho an'ireo mpiompy sy ny sisa. Toy ny hoe tany Klondike ilay izy, ary natao ho ity tabernakla ity ilay izy. Nitsangana teto mihitsy aho. Nampiditra barika lehibe, an'ny sakafotsy tsara indrindra izay hany hitako aho. Rady, toy ny hoe, telo dian-tongotra ny halavany; sy nave, sy maitso, sy ovv, ary ny zavatra rehetra.

³² Hoy izy hoe, "Mitehiriza betsaka amin'izany." Hitanareo? Dia nitsangana teo aho, nitahiry an'izany fotsiny.

³³ Ary nifoha aho. Tsy nety azoko ilay izy. Nihevitra aho fa nofy iray fotsiny ilay izy, dia nanohy. Nanelingelina an-dRahalahy Wood sy ny maro tamin'izy ireo izany. Noho izany, dia ity ilay fandikana. Tsy maintsy niandry aho, tahaka ny noteneniko taminareo imbetsaka mihitsy. Tsy maintsy mitranga ireo zavatra alohan'ny ahafahanareo; ireo zavatra sasany izay mampifanaraka an'ilay izy. Ity ilay fandikana. Izy ireo . . .

³⁴ Nikasa ny handeha tany ampitan-dranomasina izahay. Rahalahy Miner Arganbright, sakaizako akaiky, dia saika handoa ny fandanian'ny vadiko sy ny ahy, ho an'ny dia any Palestina. Ary saika handeha any Suisse izahay, ary hanohy any Afrika, sy eo amin'ny asam-pitoriana iray amin'ny Jona. Ary ny vadiko, sy Rebekah, ary izy ireo, dia nientantana tokoa ny nahafantatra fa handalo an'i Alemania izy ireo, Angletera, Frantsa, ary Palestina. Tsy maintsy miandry mandrapahavitako an'ilay asam-panompoana Afrikana izy ireo, avy eo dia haka azy ireo eny an-dàlana miverina. Ary teo ambanin'ny fiandrasana lehibe izy ireo. Efa nandre ahy ianareo nilaza hoe, "Raha sitraky ny Tompo," isan'andro. "Raha sitraky ny Tompo, dia mikasa ny hitondra an'ity asam-pitoriana ity any ampitan-dranomasina aho. Tsy mbola mahafantatra marina tokoa aho." Noho izany dia niandry an'izany aho.

³⁵ Fa ity ilay izy. Io Atoa. Smith io, George Smith, izany ilay mpanazatrako voalohany tany, ary tsy misy iray amin'ireo olona tanora izay ato amin'ny firenena amin'izao andro izao hifanandrina aminy, amin'ny fiadiny. Izy no fanazarako voalohany, tao amin'ilay laharam-bavaka. Hitanareo?

³⁶ Imbetsaka, mampanatona ny olona aho, misy ireo fahitana. Miandry. Hia. *Ity* anankiray ity, fahitana. *Itsy* anankiray itsy, fahitana. Tsy nety tsara fotsiny mihitsy ilay izy. Ankehitriny, rehefa nanomboka voalohany aho, dia tsy namela olona iray mihitsy aho . . . Raha tsy efa nahita zavatra iray aho tao amin'ilay

laharana, izay tsy marina mihitsy tokoa, ary nampijanona ahy Izy, ny Tenany, hitanareo, ka niteny tamiko mikasika an'izany, dia nandroso aho ary nivavaka ho an'ny olona. Ary, oadray, ireo—ireo vokatra dia an-jatony, satria aho tsy maintsy... Nivavaka ho an'ny efatra na dimanjato aho tao anatin'ny alina anankiray. Tamin'ity fanao ity, dia angamba dimy amby roapolo na telopolo, angamba tsy betsaka tahaka an'izany. Angamba fahitana folo na dimy ambin'ny folo, ary izaho dia... tsy maintsy nitondra ahy nivoaka ianareo, saiky.

³⁷ Niverina teo amin'io zavatra iray io ihany indray, hitanareo, niverina tamin'ny fanazarako voalohany. Sady izay koa, tsy nisy na inona na inona teny amin'ny saha hany nifanatrika tamin'Izany, na afaka, hitanareo, satria ny Teny izany. Tsy anaram-piangonana iray izany. Ny Teny izany. Hitanareo?

³⁸ Ary avy eo, tany, avy eo dia mahamarika an'ilay ampahany manaraka aorian'izany ianareo, lasa niala tamin'ilaynofy i Meda. Rehefa tonga teo amin'ilay ranomasina aho, izany hoe: nandeha tany ampitan-dranomasina.

³⁹ Ankehitriny, niantso ahy Rahalahy Arganbright, indray hariva, nientantana tanteraka, ka nanao hoe, "Rahalahy Branham, ho fakan-drivotra goavana anankiray izany. Tratry ny aretim-po iray Rahalahy Shakarian, noho izany dia nofoanana ireo fivoriana tany ampitan-dranomasina." Ary izy ireo... Ilay fivoriana tany Suisse, nila ahy nandeha tany ho an'ny hariva anankiray fotsiny izy, ka tsy maintsy nanao an'io fivoriana hariva anankiray io aho. Avy eo ny sisa tamin'izany dia ho fakan-drivotra daholo, nandehandeha nanerana an'ilay firenena fotsiny. Oh, ilay izy, ankehitriny, izay tena mahafinaritra; Rahalahy Arganbright dia ambony mihitsy, Kristiana iray, sakaiza akaiky amiko sy ny fianakaviako.

⁴⁰ Ary, fa, hitanareo, ilay lakana kely, plastika fotsy tiany andehanako, dia ny Tenin'Andriamanitra. Ary tsy misy toriteny betsaka ao anatin'izany, mba hiantso ahy hiampita an'ilay ranomasina. Hoy aho hoe, "Hah-ah, tsy izany. Ho an'izany fotsiny ve? Hah-ah."

Hoy izy hoe, "Noho izany dia mandehana, mandehana miaraka amin'izy ireo, tahaka ny andehanan'izy ireo."

⁴¹ Hoy aho hoe, "Tsy mpivoy lakana izy ireo, mpitory teny. Mpitoriteny iray aho. Raha nandeha izy ireo, dia ho fakan-drivotra izany, ny manontolo, miaraka amin'ny fitaovana filasiana ao anatiny." Fa tsy te-hanao an'ilay izy aho. Nolaviko ilay izy. Noho izany dia io ny fandikana an'ilay—an'ilaynofy. Hitanareo?

⁴² Ary avy eo dia niantso ahy Atoa. Arganbright, hariva vitsy lasa izay, ka niteny tamiko fa—fa ny—ny... Mazava ho azy, renay fa efa nofoanana ireo fivoriana tany ampitan-dranomasina, nohon'ny amin'i Rahalahy Shakarian. Ary avy eo dia tsy nisy... .

Tany, ilay anankiray tany Suisse, nanana hariva anankiray fotsiny aho. Ary izaho... .

⁴³ Tsy maintsy niteny tamiko i Meda, aloha, hoe tsy te-handeha izy. Noho izany dia nantsoiko izy, avy tany Florida, indray hariva, na Georgia, ka niteny taminy aho. Hoy aho hoe, "Niantso Rahalahy Arganbright ka nilaza fa tsy maintsy miala isika amin'ny faha-roapolon'ny May."

⁴⁴ Hoy izy hoe, "Tsy mety izany. Tsy mety izany." Hitanareo? "Eo am-panaovana ny fanadinany mihitsy ireo ankizy amin'izany fotoana izany. Tsy afaka mandeha aho." Hitanareo, tsy maintsy nolaviny izany, ny tenany, satria izy no anankiray tafiditra. Fakan-drivony ilay izy. Ary teo izany.

⁴⁵ Na dia ireonofy aza, ny zavatra rehetra, dia ho an'ny dikany iray. Ny zavatra rehetra dia manana zavatra iray any ho any. Noho izany, dia manana fandikana ireonofy.

⁴⁶ Ankehitriny, niverina... Afaka milaza aho mba hahazoanareo, ary atao horonam-peo ity. Teo amin'ny lalana, nandeha nody... .

⁴⁷ Talohan'ny nivoahako tany mihitsy, firy no mahatsiaro ahy namerina an'izany eto, hoe tonga tamiko ny Feo iray, tao amin'ny efitra indray maraina taorian'ny fahitana iray, ka nilaza mikasika, niteny mikasika an'ilay menarana, ary voafatotra izy, ka tsy tokony hatahotra na inona na inona? [Hoy ny fiangonana hoe, "Amena."—Mpand.] Hoy Izy hoe, "Aza matahotra." Hoy Izy, "Tsy efa nanaporofo ve Aho fa homba anao na aiza na aiza alehanao?" Hoy Izy, "Tsy efa nanaporofo ve Aho fa homba anao any amin'ireo dia fihazanao?" Tsaroanareo ve rehefa niteny taminareo mikasika an'izay ho azoko aho, talohan'ny nialako, sy izany rehetra izany? ["Amena."] Hitanareo? Hoy Izy, "Tsy efa nanaporofo ve Aho fa homba anao?" Avy eo dia tonga ny Feo tena mamy iray, nanao hoe, "Ilay Fanatrehana tsy diso mihitsy an'i Jesosy Kristy dia momba anao na aiza na aiza alehanao." Ary fantatro, amin'ny alàlan'izany, fa manatona zavatra iray isika. Tsy fantattro hoe inona ilay izy. Tsy afaka milaza aho.

⁴⁸ Tonga tany an-trano, indray hariva, na indray andro, na talohan'ny nahatongavako tany an-trano mihitsy, dia niditra tao anatin'ny fahitana iray aho. Ary nahita lehilahy kely vitsivitsy aho, mahia, toy ny hoe zazalahy tanora, na zavatra iray, nanao kasikety. Ary nitsangana izahay, nihaza. Ary nitifitra bera volotany iray ngeza, goavana iray aho. Ary noho izany dia nitodika izy ireo ka nilaza tamiko, nanao hoe, "Fa misy fifanjevoana iray mikasika an'ilay favoriana."

⁴⁹ Hoy aho hoe, "Tsy mampaninona na inona ilay fifanjevoana, raha natao handeha aho, na aiza na aiza izany, dia handeha aho na ahoana na ahoana, hitanareo. Tsy mampaninona izany." Dia nijanona ilay fahitana. Tsy fantattro hoe aiza ilay izy. Fa, eo

amin'ny horonam-peo ity. Hitranga izany. Hitanareo? Tsarovy fotsiny, hitranga izany. Fahitana iray izany.

⁵⁰ Noho izany, ankehitriny, amin'ny Alahady heriny, dia ho any Tennessee aho, raha sitraky ny Tompo, amin'ny Sabotsy heriny hariva sy Alahady, miaraka amin-dRahalahy M. E. Littlefield, any, oh, ilay foiben'ny fiangonan'Andriamanitra any Cleveland, Tennessee. Rahalahy M. E. Littlefield, any amin'ny fiangonany, ilay anankiray izay notokanako ho azy teto, roa na telo taona lasa izay, any Cleveland, Tennessee, amin'ny Sabotsy hariva sy Alahady maraina. Hisy favoriana Alahady maraina fotsiny ihany, ny Alahady. Ary hanome ahy fotoana, handeha hiaraka amiko ny fianakaviako, ka hiverina izahay. Nampanantena azy aho, ho tonga sy history teny indray ao amin'ny fiangonany. Amin'ny Alahady heriny izany.

⁵¹ Avy eo, ny Alahady manaraka, dia ho eto Rahalahy Arganbright miaraka amin-dRahalahy Rowe, ilay diplomacy avy any Washington, izay efa, nanompo teo ambanin'ireo filoha telo na efatra. Tokony ho eto izy ireo amin'io Alahady io, ary miaraka amin'ny horonan-tsary vaovao iray. Tiako ny olona rehetra hiezaka ho tonga eto, raha azo atao, ho an'io fotoana io. Te-ho eto aho, ny tenako.

⁵² Ny Alahady manaraka dia Paska. Manantena favoriana lehibe iray isika eto, Paska. Raha sitraky ny Tompo, dia te-ho eto aho ny Alahady Paska. Satria...Ary manana ny favorian'ny fiposahan'ny masoandro isika, araka ny mahazatra. Batisa, ianareo rehetra izay hatao batisa, amin'ny Anaran'ny Jesosy Tompontsika, dia tongava eto amin'ny Alahady. Ary efa voalahatra izany, na voateny, vao teo, satria tsy manana efitra hipetrahana isika, dia mety haka ny Boy's Club, mametraka fito na valonjato, eto ambony eto fotsiny, manodidina mihitsy, klioba vaovao iray eto amin'ny zoron-dàlana eto mihitsy, dia miverina eto avy eo ho an'ny fotoan'ny batisa. Ary hiverina any, mba ahafahan'ny olona rehetra hanana sezà iray hahazoana aina ho an'ny Paska maraina. Hiezaka izahay ny hikarakara an'izany, amin'ity herinandro ity, ka hahita.

⁵³ Avy eo ny favoriana manaraka, dia hanomboka arak'izany amin'ny...Miala eto aho ny roapololo...ny faha-dimy amby roapololo na fahenina amby roapolon'ny volana. Ary avy eo ny fahafito...fahenina, fahafito, fahavaloo, ary fahasivy, sy fahafolo, dia any lavitra be aho eo amin'ny...any ivelan'i Van...na Victoria Island, any lavitra any eo anivon'ireo Indiana, izay tsy maintsy handehananareo eo ambonin'ny lakana iray, mba ho tonga any amin'izy ireo.

⁵⁴ Ny sakaizako misionera kely iray, rahalahy, niaraka taminy aho tamin'ny fararano farany teo amin'ny dia fihazana iray. Ary avy amin'ny ankohonana maha-te-ho tia iray, izy sy ny vadiny. Ary ireo sandriny, ny zavatra rehetra, dia miendakendaka

daholo, amin'ny toerana samihafa. Eny, izany ilay izy. Noho ireo parasy izany, kongom-pandriana sy ny sisa, hitanareo, izany no niainan'izy ireo mihitsy tany, izay tsy maintsy niainan'izy ireo tamin'ny zavatra rehetra, teo anivon'ireo Indiana ireo. Nitondra ny sasany tamin'izy ireo tao amin'ny favoriana aho, ilay sefo. Katolika izy rehetra, saiky izy rehetra. Ary nidina tany ny Fanahy Masina ka naka an'io sefo io, ary ireo rehetra niaraka taminy, ka nanasitrana ny tsirairay avy tamin'izy ireo mihitsy tany tao amin'ny favoriana. Narehitr'izy ireo fotsiny io morontsiraka io, ambony-sy-ambany, niaraka tamin'ireo lakany nandeha. Mpanjono mpivarotra izy ireo, ambony-sy-ambanin'ilay morontsiraka. Ary miantso Rahalahy Eddie, ka manana fihetseham-po kely iray handeha aho, hitanareo, handeha any.

⁵⁵ Ary avy eo dia miala any izahay, ka hanana dia iray andro avy any, ary hanana hariva roa na hariva telo any Fort St. John. Izany dia lavitra eo amin'ilay lâla-malalak'i Alaska. Ary hariva roa any.

⁵⁶ Avy eo, miverina any an-trano, ary ny...Heveriko fa ilay izy dia ny fahafito, fahavaloo, fahasivy ary fahafolon'ny Jona. Ankehitriny, ity no toerana iray izay azonareo rehetra handehanana, ho any amin'ireo favoriana eto ireo, dia ny any Southern Pines. Fantatrareo ilay rahalahy izay namoaka lahatsoratra mahafinaritra iray teto, vao tsy ela akory izay. Eo amin'izay ihany, dia nandefa magazina vitsivitsy amboniny ho ahy izy. Tokony ho nentiko izy ireo. Ho entiko eto izy ireo amin'ny Alahady heriny, raha sitraky ny Tompo. Ary any Southern Pines izany, saiky fotsiny, oh, familiana fiara adiny enina na valo avy eto, Southern Pines, North Carolina. Na, South Carolina ve izany? North Carolina. Hia. Marina izany. Avy eo, marina, avy eo dia hiainga izahay ny fahafolo.

⁵⁷ Ary ny faha-iraika ambin'ny folo sy faharoa ambin'ny folo, miaraka amin-dRahalahy Bigby any Columbia, South Carolina. Ary izany dia ilay lehilahy, ilay Presbyterana izay nanoratra an'ilay lahatsoratra. Ho ahy, dia izany no nandôna ahy tsaratsara kokoa noho ny zavatra rehetra izay hany nosoratan'izy ireo mikasika ahy. Presbyterana iray izy, dokoteran'ny momba an'Andriamanitra. Ary tonga tany Chicago izy ka nanoratra an'ilay lahatsoratra. Mikasika...Adinoko hoe inona ilay izy ankehitriny. Tena nahafinaritra ilay izy. Manana azy aho any ho any, ary ao anatin'ny magazina iray. Zavatra mikasika ny "Presbyterana iray, mihaona amin'ny Pentekosta," na zavatra tahaka an'izany, "mpaminany pentekotista iray amin'ny Presbyterana iray," zavatra iray. Ary hiaraka aminy izy.

⁵⁸ Avy eo, omaly hariva, dia niantso an-dRahalahy Roy Borders izahay, izay efa any amin'ny Morontsiraka Andrefana. Ary misy olona sasany any izay manana fiangonana betsaka dimy amby telopolo hatramin'ny efapolo miara-miasa ao anatin'ireo

fivoriana; Sedalia, California; ary any Grass City, ary avy any . . . na Grass Valley, raha ny marina. Ary avy any, dia hanohy any Oregon; hanohy hatrany—hatrany Washington.

⁵⁹ Ary avy eo Rahalalahy Arganbright, tonga, dia handeha izahay, mikasa ankehitriny, amin'ny herinandro faran'ny Jolay, ho any Anchorage, Alaska, mba hikarakara fivoriana iray any ho an'ny Christian Business Men, fifohazana mitohy eo amin'ny enina-na valo andro eo no antenaiko ananana, mafy, henjana tahaka an'izany any Alaska. Fantatrareo hoe ahoana izany, mpitrandraka sy mpihady vato fotsiny. Ary ny vidin'ny fehinkisoa sy atody iray vilia dia telo dolara sy dimampolo cents. Izany dia—toerana iray henjana marina tokoa izany, saingy mila ny Filazantsara izy ireo.

⁶⁰ Ankehitriny, ny kasaiko hatao, dia, ireto zavatra izay ampiaraniko eto ireto, mitahiry an'ity Sakafo ity ary manomana azy ireo, te-handeha aho ankehitriny. Tsy manana fitarihana voafaritra hankany amin'ny toerana iray aho, fa mandeha aho, mamafy voa, nirahina avy tany ho any, nanomboka.

⁶¹ Ny vadiko, eto izy any ho any. Nahazo taratasy iray avy tamin'ny ramatoa iray eto any Illinois izy indray andro. Nandrehitra ny fanahin'ny foko mihitsy ilay izy. Hoy io ramatoa io hoe, “Rahavavy Branham,” hoy izy, “tsy isalasalana fa matetika, ary hatramin’izay, hatramin’ny nanambadianao, dia tsy maintsy niharitra betsaka ianao, rehefa lasa i Ranadahy Branham, mikarakara an’ireo ankizy.” Ary hoy izy, “Ireo ankizy, mazava ho azy, miantsoantso ny rainy sy ny sisa.” Dia hoy izy, “Fantatro ny tianao lazaina, satria manana vady iray maha-te-ho tia aho, ny tenako.” Hoy izy hoe, “Saingy, teneniko aminao ny toerako.”

⁶² Hoy izy hoe, “Izaho—efa nahazo fandidiana efatra lehibe aho, nandrity ireo efa-taona farany.” Hoy izy hoe, “Izaho dia maka eo amin’ny, fampitoniana dimy ambin’ny folo na enina ambin’ny folo isan’andro.” Ary hoy izy hoe, “Maka tsindrona Lexron telo samihafa aho, sy ny sisa, isan-kerinandro.” Dia hoy izy, “Mametraka andiana pilina fampatoriana aho, ary ilay zavatra farany indrindra, ka mampitony an’ireo hozatra. Ary ireo tsindrona, ary maka anankiroa aho, pilina fampatoriana roa amin’ny alina, fa tsy mety matory aho.” Dia hoy izy hoe, “Niteny tamiko ny dokoterako mba handeha hankany amin’ny toerana fitsaboana adala alohan’ny tsy ahafahako miverina. Mety misy fanantenana iray izay azoko hamonjena ny saiko.” Ary hoy izy, “Ary tsy misy na inona na inona ao amin’ireo faritra arapitsaboana na aiza na aiza afaka mikasika ahy.”

⁶³ Dia hoy izy hoe, “Nihevitra ny hamono tena aho, nikasa an’izany, mba handao ny vadiko maha-te-ho tia sy ny zanakovavy kely.” Hoy izy hoe, “Mipetraka any Kansas izahay.

Tiako ilay izy, satria mahita an'ilay voa masaka aho, ary mieritreritra an'ilay fijinjana."

⁶⁴ Heveriko fa Metodista izy. Ary nilaza fa teo... Ary noho izany, tany amin'ilay kolejy Metodista any Bloomington, Illinois, dia naka gazety iray izy ireo, hoe tokony ho any aho, iraika ambin'ny folo taona lasa izay. Maro aminareo no mahatsiaro an'ilay fivoriana tany Bloomington. Tany ianareo.

⁶⁵ Ary hoy izy hoe, "Nitondra ahy ny vadiko, sy sakaiza vitsivitsy, ka niainga." Dia hoy izy, "Fantatry ny Tompo fa tsy afaka nahatanty an'ilay izy andro iray amboniny aho." Tena efa lasa lavitra izy. Ary hoy izy, "Izaho no olona voalohany. Ny zanakalahiniao, Billy Paul, no nanome ahy karatra iray. Ary tamin'io hariva io, rehefa ny—rehefa niantso an'ireo nomerao ny vadinao, dia izaho no olona voalohany tao amin'ilay laharana, mba hivavahana." Ary hoy izy, "Vantany vao tonga teo amin'ny lampihazo aho," hoy izy, "dia niteny tamiko ny fiainako izy ary niteny tamiko an'izay nataoko, ary izay rehetra hany mikasika an'izany, ka nanao hoe, 'HOY NY TOMPO HOE, tapitra ilay izy.'" Hoy izy, "Tamin'io ampaha-minitra io mihitsy, dia tsy nanana fanaintainana iray hafa intsony aho." Hoy izy, "Nilanja fitopolo livatra mahery aho. Milanja enimpolo amby zato mahery aho ankehitriny." Dia hoy izy, "Rahavavy Branham, rehefa iry ianao," hoy izy, "dia fantatro hoe ahoana no tsapanao, mizara ny vadinao amin'izao tontolo izao, sy ireo zavatra tahaka an'izany. Saingy," hoy izy, "tsarovy fotsiny, afaka ny mpikarakara tokantrano kely iray avy any Kansas androany, satria nanaiky ny hankatò ny Tompo izy."

⁶⁶ Nasehoko an'i Billy. Hoy aho hoe, "Billy, tiako ianao handefa an'ity any amin'io kolejy Metodista io."

Nanatsotra tànana izy ka naka antontany iray, nanao hoe, "Vakio ny sasany amin'reto."

⁶⁷ Hoy aho hoe, "Fantattro. Fantattro fa mahafinaritra izy ireo, saingy ity anankiray ity dia ampy. Ity fotsiny dia efa nametraka an'ilay toerana."

⁶⁸ Efa renareo ve izany? "'Tsy madio! Tsy madio!' Ireo fanahy ratsy no nitondra azy," hitanareo, tany ivelan'ny sainy mihitsy, "nankao anatin'ireo fasana. Rehefa tonga Jesosy, dia nandefa ny babo ho afaka Izzy." Ary Jesosy no Teny. Noho izany, dia raiso ny Teny, fa Izzy no handefa ny babo ho afaka.

⁶⁹ Indro aho miresaka, maka ny fotoako, maka ny fotoanareo, ary tena betsaka ny ho lazaina.

Ndao isika hanondrika ny lohantsika.

⁷⁰ Tompo, amin'ny maha-mety maty, dia fantatray fa tsy manana fotoana betsaka loatra hiresahana izahay. Rehefa mijery eo amin'ity andiany kely ity aho, an'ny mpivahiny manana fo noana izay tonga avy any amin'ny saha, avy any amin'ny

fiompiana, ny sasany amin'izy ireo dia avy any amin'ireo asampanjakana, avy any am-piasana, ary ny sasany amin'izy ireo namily fiara nitety an'ireo tendrombohitra, ireo tany efitra, ary ireo saha sy honahona, ary miangona eto, ary avy eo dia tsy maintsy mitsangana. Fa mpivahiny izy ireo. Tsy an'ity izao tontolo izao ity izy ireo. Ho vavolombelona fotsiny no mahaeto azy ireo, toy ny hazavana iray mipetraka eo ambonin'ny havoana iray, izay manome Hazavana ao amin'ny fokonolona izay ipetrahan'izy ireo. Ary noho izany rehefa tonga miaraka izy ireo, mba ho voatokana indray, sy ho feno ny Teny, dia mitsangana izy ireo, tratra ny fihenjanan-kozatra izy ireo ao amin'ny ranjony, ary ny—ny antitra sy ny tanora, mitovy.

⁷¹ Tia Anao izy ireo, Tompo. Izany no antony maha-eto azy ireo. Ny rehetra dia mahafantatra fa tsy ho tonga ny olona iray, ka namily fiara nandritr'ireo maily, sy mitsangana manerana ny rindrina, miankina, ary mihenjan-kozatra ireo ranjo, mba ho hita fotsiny. Ary miaraka amin'ity andiany ity, Tompo, izahay dia—olona mahamantra izahay. Tsy tonga ao amin'ny fitafiana tsara tarehy izahay. Tonga eto izahay mba hanompo Anao. Fikasana tokana no ao am-ponay, tanjona tokana sy antony tokana, Ianao izany, Tompo.

⁷² Mivavaka aho, Andriamanitra, mba Hamalianao soa betsaka azy ireo. Enga anie tsy hisy anankiray hiampita amin'ireo varavarana ireo, androany, ka tsy hanana Fiainana Mandrakizay. "Tsy hidika na inona na inona ireo asa mafin'ny lâlana, rehefa tonga eo amin'ny faran'ny lâlana isika." Raha marary izy ireo, dia sitrano, Tompo.

⁷³ Ary vao avy niresaka ny amin'ireo fivoriana hafa ireo izahay ankehitriny, na tsy misy fahafantarana voafaritra, noho izany dia mandeha aho, raha izany no Sitrakao, manely an'ireo Voa fotsiny. Haniry Izy ireo, raha milatsaka eo amin'ilay tany tsara Izy ireo. Mivavaka aho, Tompo, mba Hitarihanao Azy ireo ho any amin'io tany tsara io.

⁷⁴ Mipetraka eto amin'ny lampihazo, na ny polipitra, no tokony nolazaiko, eto izao maraina izao, dia misy an'ireo mosara, fonosana kely. Izany dia midika fa marary ireo olona, manana ilaina. O Andriamanitra ny Lanitra, Izay nanangana an'i Kristy tamin'ny maty ka nanolotra Azy ho anay amin'ity andro farany ity, tamin'ny endrika Fanahy Masina, enga anie Izy Izay manatrika mandrakariva hijery midina; faratampon'ny fahaizana, mahafantatra ny zavatra rehetra; faratampon'ny hery, mahery tanteraka. Mijere eto amin'ireo fonosana kely ireto. Ary enga anie izy ireo, rehefa mikasika an'ilay marary sy ory izy ireo, dia enga anie ny Fanahy Masina hamelombelona an'izao vavaka izao eo amin'ireo sofin'Andriamanitra, ka enga anie izy ireo ho sitrana eo no ho eo.

⁷⁵ Tompo, eritrereto io vehivavy kely mampalahelo io. Vao avy nanonona ny fijoroany vavolombelona aho hoe, "Any Kansas any androany, faly, tsy misy fanaintainana iray. Tsy nisy dokotera afaka mahita zavatra iray tsy mety aminy. Tsy misy fanaintainana intsony, tsy misy fampitoniana intsony, tsy misy pilina fampatoriana intsony; matory tsara sy milamina. Mety tsara ny zavatra rehetra." O Tompo, marina tokoa, rehefa tonga Ianao, dia mety tsara ny zavatra rehetra amin'izay fotoana izay. Misaotra Anao izahay ny amin'izany.

⁷⁶ Ankehitriny, Ray, raha mitodika amin'ny Teny izahay, dia tahio Ny Teninao. Enga anie Izy tsy hiverina foana Aminao, fa enga anie Izy hanatanteraka an'izay nikendrena sy nanokanana Azy. Amin'ny Anaran'i Jesosy no angatahanay an'izany. Amena.

⁷⁷ Ankehitriny, afaka mandre tsara mihitsy ve ianareo, ny olona rehetra? Any amin'ny farany aoriana, mety tsara ve ilay izy? Iza no tsara indrindra, raha miresaka tahaka an'izao aho, na miresaka tahaka an'izao? Ny eto, ity ilany eto ity ve no tsaratsara kokoa? Izao ve no tsaratsara kokoa aminareo rehetra any aoriana any? Eny àry, hahodiko eto ity, akaiky kely kokoa fotsiny arak'izany.

⁷⁸ Tamin'ny Alahady lasa, herinandro iray, izaho—tara kely aho, nanao favoriana tena ela. Tsy tiako ny ho tahaka an'izany. Ary ankehitriny, matetitetika, tsy hanelingelina ahy izany na kely aza, raha mipetraka ny olona iray, mahita an'ireo mitsangana ireo, te-hifandimby toerana amin'izy ireo, vetivety, mampitsahatra azy ireo. Ho tena hetsika Kristiana iray mahafinaritra izany. Ary ankehitriny, ankehitriny, angamba, hatramin'ny—hatramin'ity Paska ity, dia mety manana toerana iray hafa isika hanaovana ny—ny—ny favoriana lehibe.

⁷⁹ Ankehitriny dia tiantsika ny hamadika, izao maraina izao. Ianareo miaramila rehetra dia raiso ny—raiso ny Sabatrareo ankehitriny, ary hanao ady amin'ilay fahavaloo isika. Mihira an'ilay hira kely fantatrareo taloha hoe:

Mandeha ny ady, O ry miaramila Kristiana,
Mifanatrika ao amin'ny laharana tery.

Efa renareo ilay hira.

Mamiratra ireo fitaovam-piadiana, ireo faneva
mihevaheva,
Raikitra ny ady eo amin'ny marina sy ny diso;

Hitanareo? Marina izany.

Mandeha ny ady, saingy aza reraka,
Aoka hahery ary mihaizôna mafy ao amin'ny
Heriny;
Raha momba antsika Andriamanitra, dia eo
ambonintsika ny Fanevany,
Hihira ny hiram-pandresena isika amin'ny farany.

⁸⁰ Marina izany. Te-hamadika isika ankehitriny mba, voalohany, mba hamaky ny famakiana ny Soratra hita ao amin'ny Masindahy Jaona 10, ny andininy dimy voalohany.

*Marina tokoa, marina tokoa, lazaiko aminareo,
Izay tsy miditra amin'ny varavarana ho amin'ny
valan'ondry, fa mananika ny fefy amin'ny fomba hafa,
dia mpangalatra sy jiolahy.*

*Fa izay miditra... amin'ny vavahady no mpiandry ny
ondry.*

*Izy no vohan'ny mpiandry varavarana; ary—ary ny
ondry mihaino ny feony: ary izy miantso ny ondriny
manokana amin'ny anarany, ary mitarika azy ireo
mivoaka.*

*Ary rehefa mamoaka ny ondriny manokana izy, dia izy
no mandeha eo alohan'izy ireo, ary ny ondry manaraka
azy: satria fantatr'izy ireo ny feony.*

*...tsy hanaraka vahiny izy ireo, fa handositra azy:
satria—satria tsy fantany ny feon'ny vahiny.*

⁸¹ Ankehitriny, ny lohahevitra izao maraina izao, izay nofidiako hampianarina vetivety, dia: *Ny Fahendrena Manohittra Ny Finoana. Ny Fahendrena Manohittra Ny Finoana.*

⁸² Ankehitriny, loharano roa ihany no misy, na amin'ny alàlan'ny loharano roa, no tsy maintsy hivelomantsika. Efa fantatrareo ve izany? Ankehitriny isika...

⁸³ Manana Soratra maro aho voasoratra eto. Ary tiako ianareo... Hitodika amin'izy ireo angamba isika, arakaraky ny andehanana. Ary—ary hiezaka aho ny hivoaka haingana arak'izay azo atao. Ary tsy hiezaka ny... Hamoaka an'ilay izy fotsiny, mba ahafahanareo mandray azy manomboka eo. Hitanareo?

⁸⁴ Fa loharano roa ihany no misy izay ahafahantsika misintona ny fiainantsika. Ary ny iray amin'izy ireo dia ny fahendrena, ary ilay iray hafa dia ny finoana. Ary raha mieritreritra an'izay vokarin'ny fahendrena isika, ary avy eo dia izay vokarin'ny finoana! Fa, ireo loharano roa ireo, hiverina isika izao maraina izao ka haka azy ireo ho an'ny lesona sekoly Alahady, ary hamoaka azy ireo avy ao amin'ny Baiboly; sy haneho hoe inona izy ireo, ary inona no hataon'izy ireo, sy izay efa nataon'izy ireo, amin'ny alàlan'ny fanampian'ny Tompo.

⁸⁵ Ankehitriny, ny finoana sy ny fahendrena. Ankehitriny, eo am-panombohana, dia hahamarika isika, fa, ao amin'ny Genesisy, ny toko faha-1, dia hitantsika fa—fa nampahafantarina ny finoana, ary nampahafantarina ny fahendrena. Ary, androany, dia mbola ampahafantarina amin'ny taranak'olombelona foana ireo loharano roa ireo. Hitantsika, fa, Andriamanitra no Mpao ny finoana, mba hinoana, mba

hinoan'ny olona sy hatokiana Ny Teniny. Ary Satana no mpanao ny fahendrena, miezaka ny hanao ny olona hanaiky ny fahendreny, ary hisintona azy ireo hanalavitra ny finoana izay ao anatin'ny Tenin'Andriamanitra. Ireo loharano roa ireo.

⁸⁶ Hitantsika fa tena hafahafa ilay izy hoe Genesisy, io tokon'ny voa io, dia manomboka tahaka an'izany. Ary hitantsika fa ny zavatra rehetra izay ananantsika, androany, dia nanomboka tao amin'ny Genesisy tany am-piandohana, satria ny teny hoe *Genesisy* dia midika hoe “ny fiandohana.” Ary raha mahita an'ireo zavatra ireo isika izay isika no, androany, ny maha-izy azy ireo, dia tsy maintsy nanana fiandohana iray izy ireo tany ho any. Tsy maintsy mikaroka ny zavatra rehetra miverina hatrany amin'ny fiandohana iray ianareo.

⁸⁷ Ary ity misy fisainana kely iray ho anareo. Ny zavatra rehetra izay nanana fiandohana iray, dia manana fiafarana iray. Fa ireo zavatra izay tsy nanana fiandohana iray, no tsy manana fiafarana, ireo zavatra tokana izay Mandrakizay.

⁸⁸ Noho izany, dia te-hametraka an'ilay fanontaniana aho. Ahoana no mba ahafahantsika hampisy dikany ny teny hoe “ny maha-zanak'Andriamanitra Mandrakizay”? Raha Zanaka iray Izy, dia nanana fiandohana iray Izy. Raha Zanaka Mandrakizay Izy, dia ahoana no Ahafahany ho Zanaka iray ka ho Mandrakizay? Satria, *zanaka* dia—dia vokatra iray an'ny zavatra iray. Fa, raha Izy no—Izy no, tsy mety ho Zanaka Mandrakizay. Tsy misy ny zavatra tahaka an'izany hoe, “Zanak'Andriamanitra Mandrakizay.” Satria, raha Izy—raha tsy nanana fiandohana iray mihitsy Izy, amin'izay fotoana izay dia tsy afaka ny ho hafa afa-tsy Mandrakizay Izy. Fa, raha Zanaka iray Izy, dia nanana fiandohana iray Izy, noho izany dia tsy afaka ny ho Zanaka Mandrakizay iray Izy.

⁸⁹ Izany no Andriamanitra Mandrakizay voaseho tao amin'ny Zanaka iray. Ah-hah. Hitanareo? Andriamanitra Mandrakizay, satria Andriamanitra no zavatra tokana izay Mandrakizay.

⁹⁰ Ary ny fomba tokana izay hany ahafahantsika ho velona dia satria manana Fiainana Mandrakizay isika. Maty ity vatana ity, ny ampahantsika rehetra dia maty. Fa ilay ampahany izay Mandrakizay dia Andriamanitra, ary tsy mety maty. Ankehitriny, ankehitriny, ny Teny, ny Baiboly, dia Mandrakizay, satria Izany no Andriamanitra ao amin'ny endrika Teny. Ary izay tao amin'Andriamanitra, tao amin'ireo Fisainany, talohan'ny nisian'ny Teny voambara iray, dia Andriamanitra izany. Hitanareo ve ilay izy? Andriamanitra izany. Noho izany, satria voafidy mialoha, isika izay misy; manao hoe “isika,” matoky fa miaraka aminareo izay voafidy mialoha aho; no ireo—ireo zavatra izay niaraka tamin'Andriamanitra tao amin'ny Mandrakizay.

⁹¹ Ary noho izany, raha zanak'Andriamanitra nateraka indray ianareo, ianareo dia, ka manana ny Fanahy Masina ao anatinareo, dia ianareo no fanehoana an'ny Tenin'Andriamanitra voambara talohan'ny naaha-Teny iray Azy. Tsy maintsy ho fisainana iray ilay izy alohan'ny ahafahany ho Teny iray. Ny Teny iray dia fisainana iray voambara. Ary tao amin'Andriamanitra ireo fisainana, ary noho izany dia tao amin'Andriamanitra tao amin'ny Mandrakizay isika, ary voateny ho amin'ny fisiana tamin'ny alàlan'ny Teny isika. Oh, inona ny... Tamin'ny alàlan'ny Teny inona? *Ity* Teny ity, ny Tenin'Andriamanitra.

⁹² Ankehitriny, Andriamanitra no Mpanao ny finoana. Satana no mpanao ny fahendrena. Satria, Andriamanitra dia nanome Ny Teniny ho an'ireo Zanany voalohany, ka niteny tamin'izy ireo hoe tsy maintsy mino an'Ity izy ireo; ary nametraka fahafatesana iray, fisarahana, fanasaziana, raha diso amin'ny finoana an'Izany izy ireo.

⁹³ Dia tonga i Satana ary miezaka manolotra ho an'i Eva, ny fahendrena hoe, "Ho hendry ianao, mahafantatra ny tsara sy ny ratsy, tahaka an'Andriamanitra." Ankehitriny, hitanareo, mba hanombohohana, dia hitanareo avy hatrany mihitsy fa avy amin'ny devoly ny fahendrena. Hafahafa izany, sa tsy izany? Saingy izany no fahamarinana. Avy amin'ny devoly ny fahendrena. Izy no mpanao ny fahendrena.

⁹⁴ Ankehitriny, mazava ho azy, ny zavatra rehetra izay ananan'ny devoly, dia famadihana iray an'ilay tany amboalohany. Ny fahotana dia famadihana iray, famadihana ny fahamarinana. Ny fijangajangana no famadihana ny—ny fihetsika ara-dalàna iray. Ny lainga no famadihana ny fahamarinana.

⁹⁵ Ary noho izany ny—ny fahendrena izay tiako ifantohanareo, alohan'ny hanombohantsika. Misy ny fahendren'Andriamanitra, ny fahendren'Andriamanitra, dia, mijanona amin'Ny Teniny. Fa Satana, tao amin'ny fahendreny, dia niezaka nanodina ny Teny, koa izany ilay fahendrena izay resahako.

⁹⁶ Misy habetsaham-pinoana anankiray izay mandeha miaraka amin'i Satana. Mba—mba hanekena an'i Satana, dia tsy maintsy mino an'i Satana ianareo, noho izany dia misy finoana voavadika iray ho an'ny zavatra voavadika iray. Ary ny zavatra rehetra izay hiezaka hanodina ny Tenin'Andriamanitra, mba hanao Azy hilaza zavatra izay tsy Lazainy, dia ilay fanahy diso, hitanareo, manolotra ny fahendrena manohitra ny fahendren'Andriamanitra. Noho izany, dia hitodika amin'izany ho fahendrena isika, fa tsy ny finoan'i Satana.

⁹⁷ Maro amin'ireo olona izay mino an'izany, no tso-po, ary mino, amin'ny finoana rehetra izay ananan'izy ireo fotsiny, hoe marina ny azy ireo. Hitanareo? Mila mitandrina

ianareo. Mihitatra mankany amin'ny lafiny roa ilay bodofootsy ankehitriny. Fa, izy, izy ireo dia... Ny fomba tokana hahazoana antoka, dia ny miverina amin'ny Teny tany am-piandohana. Eo no mifototra ny zavatra rehetra, eo amin'ny Teny.

⁹⁸ Ankehitriny, hitantsika fa ireo fizarana roa ireo, na loharano, dia: ny anankiray, fahendrena; ary ilay iray hafa, finoana. Ary nifanohitra izy ireo hatrany amin'ny famoronana, tao amin'ny sahan'i Edena.

Ankehitriny, dia misy zanaka eo amin'ireo andaniny roa.

⁹⁹ Ankehitriny, inona ilay—ilay fahendrena izay resahantsika? Zavatra izay tsy hanaiky fa ity Teny rehetra ity no Fahamarinana. Izany dia zavatra izay manaisotra avy amin'ny Fahamarinana, maneho ny tenany ho fahalalana ambony kokoa, fahendrena betsaka. Raha avy amin'i Satana izany karazana fahendrena izany, dia mivelona amin'izany fahendrena izany ireo zanany.

¹⁰⁰ Ary raha avy amin'Andriamanitra ny finoan'Andriamanitra, ary Andriamanitra no Teny, dia mivelona amin'ny finoana ireo zanak'Andriamanitra. Nilaza ve ny Baiboly hoe, "Ny marina velona amin'ny fahendrena"? [Hoy ny fiangonana, "Tsia."—Mpand.] Finoana! "Ny marina ho velona amin'ny finoana." Tsy izay azony ianarana, fa izay azony inoana. Eny àry.

¹⁰¹ Ankehitriny, ankehitriny dia mahita isika. Ndao raisintsika ny fahendrena, aloha. Manana fandanjalanjana ny fahendrena. Ny finoana tsy manana fandanjalanjana. Fa ny fahendrena no manana fandanjalanjana. Ndao isika hanomboka hamadika ao amin'ny Baiboly, ka ndao isika hamadika ao amin'ny Genesisy ankehitriny, ny toko faha-3 ao amin'ny Genesisy, ary hampianatra an'ity fotsiny.

¹⁰² Ankehitriny dia inona no ataontsika, ezahantsika hatao izao maraina izao? Manaraka an'izay nolazain'ny Tompo, "Tehirizo ny Sakafo." Hila an'Izany ianareo, indray andro any. "Tehirizo ny Sakafo."

¹⁰³ Ankehitriny, Genesisy 3:1, ndao isika hamaky ankehitriny, jereo hoe ahoana no ananan'ny fahendrena an'ireo fandanjalanjana.

*Ary ny menarana dia fetsy noho ny biby rehetra eo amin'ny saha izay nataon'ny TOMPO Andriamanitra.
Ary hoy izy tamin-drivehivavy, Hia, efa nilaza ve Andriamanitra hoe, (mino, milaza ny Teny), Aza hihinanareo ny avy amin'ny hazo rehetra eo amin'ny saha?*

Fa hoy ravehivavy tamin'ny menarana hoe, Azonay ihinanana ny voa avy amin'ny hazo eo amin'ny saha:

Fa...ny voa avy amin'ny hazo izay eo afovoan'ny saha, no efa nolazain'Andriamanitra hoe, Aza

hihinananaareo ny avy aminy, (manonona ny Teny), aza kasihanareo koa izany, fandrao maty ianareo.

¹⁰⁴ Ankehitriny, mifikitra eo amin'Izany ny finoana. Hitanareo? Diniho ankehitriny.

...hoy ny menarana tamin-dravehivavy hoe, Azo antoka tokoa fa tsy ho faty ianareo:

¹⁰⁵ Fandanjalanjana iray, ireo fandanjalanjana, “Tsara loatra Andriamanitra. Mamindra fo loatra Andriamanitra. Tia anareo be loatra Izy.” Mandre an’ilay devoly tranainity iray ihany ianareo amin’izao andro izao. “Tsara loatra Andriamanitra ny hanao an’ity. Tsy hanao an’ity Andriamanitra. Tsy hanasazy Andriamanitra.” Hanao marina tokoa an’izay nolazain’Ny Teniny fa Hataony Izzy. Hitanareo?

¹⁰⁶ “Azo antoka tokoa fa tsy ho faty ianareo.” Hitanareo? Inona no ezahany hatao? Hanao azy handanjalanja miaraka aminy. Amin’ny minitra iray izay andanjalanjanareo mikasika ny Tenin’Andriamanitra, amin’izay fotoana izay no mahavery ny finoana ianareo. Hitanareo? Aza manana an’ireo “eny, tsia, angamba izany.” Mijanona tsara amin’Izany. Hitanareo? Nanana an’ilay fanatonana tsara i Eva, saingy nihaino an’ireo fandanjalanjany izy.

¹⁰⁷ Misy olona maro mihitsy amin’izao andro izao no manana ny fahalalana tsara, izay mahafantatra fa tokony ho Tenin’Andriamanitra ity Teny ity, ary Tenin’Andriamanitra Izzy, saingy mitsangana izy ireo ka mamela mpianatry ny seminera handanjalanja amin’izy ireo hiala amin’Izany, hiala lavitra amin’ny Fanahy Masina, hiala lavitra amin’ireo zavatr’Andriamanitra. “Ireo fandanjalanjana, tokony hariansika izy ireo.”

¹⁰⁸ Ankehitriny, andininy faha-4.

Satria . . .

Hoteneniko aminareo hoe nahoana no nilaza i Satana. Hamaky ny andininy faha-4 aho, aloha, avy eo ilay faha-5.

Ary hoy ny menarana tamin-dravehivavy hoe, Azo antoka tokoa fa ianareo dia tsy ho faty—faty:

Satria fantatr’Andriamanitra fa amin’ny andro izay ihinananaareo azy, dia hahiratra ny masonareo, ka ho tahaka an’ireo andriamanitra ianareo, mahafantatra ny tsara sy ny ratsy.

¹⁰⁹ Hitanareo, manome azy fandanjalanjana iray izy hoe, “Tianareo ve ny hitovy amin’Andriamanitra? Raiso...” Amin’ny teny hafa, “Te-hahitsy marina tokoa amin’Andriamanitra ve ianareo? Raiso ny toro-hevitro. Henoy aho. Tsy Izany no tian’Andriamanitra lazaina. Tsy nilaza mihitsy Izzy.”

¹¹⁰ Rehefa mandre an'izany ianareo, dia mialà lavitra an'izany. Marina izany. Izany no hisitrisity ny menarana. Toy ny hoe mitombona ilay izy. Fa aza mandanjalanja, mihitsy. Inoy fotsiny ilay izy, izay nolazain'Andriamanitra. Ankehitriny, rehefa ny . . .

Ary rehefa hitan-dravehivavy fa tsara ho fihinana ny hazo, . . .

¹¹¹ Hitanareo ve hoe inona ilay izy? Ireo fandanjalanjany no nitondra azy hahafantatra fa tsara ilay izy, marina ilay izy.

. . . ary izany dia nahafinaritra ny maso, sady hazo mahatsiriritra . . .

¹¹² “Mba hanao anankiray hanana finoana ve”? [Hoy ny fiangonana hoe, “Tsia.”—Mpand.]

. . . mba hanao anankiray hanana fahalalana, hanao hendry anankiray, . . .

¹¹³ Hitanareo ve hoe inona ilay izy? Satana manolotra fahalalana, fahalalana izay nifanohitra tamin’ny Teny, “anankiray mba hanao hendry anankiray.”

. . . naka tamin’ny voany izy . . . ka nihinana, ary nomeny koa ny vadiny niaraka taminy; ka nihinana izy.

Dia nahiratra ireo mason’izy roa, ka fantany fa nitanjaka izy ireo; ary niaraka nanjaitra ravin’aviavy izy ireo, ka nanao aron’akanjo ho an’ny tenany.

¹¹⁴ Ankehitriny, dia inona no nanomboka an'izany? Fandanjalanjana. Hitanareo? Tsy manana fandanjalanjana ny finoana. Ianareo tsy mandanjalanja, mihitsy. Mino ianareo. Rehefa ivavahana ianareo, ka manaiky ny Tenin'Andriamanitra ho fanasitranana, dia aza mandanjalanja amin'ireo fihetsehamponareo. Aza mandanjalanja amin'ny inona na inona hafa. Tsy misy fandanjalanjana amin'izany. Andriamanitra no niteny an'izany, dia milamina hatreo izany.

¹¹⁵ Oh, toy ny ahoana no hitiavako hijanona eto minitra vitsy, ka hijanona eo amin'izany, ary hisintona lahateny iray avy amin'izany. Tsy afaka hanao an'izany aho, ka history an'ireto, eo amin'ny lahateny efapolo na dimampolo izay nosoratako eto ireto. Fa ny fandanjalanjana . . .

¹¹⁶ Rehefa manome fahitana iray ny Tompo . . . Hoteneniko aminareeo fotsiny, ny fanaoko manokana an'ankizy kely. Manome fahitana iray ahy ny Tompo ny amin'ny zavatra iray izay hitranga, nahoana, tsy ahoako izay mifanohitra amin'izany.

¹¹⁷ Ary tsarovy, ny zavatra rehetra izay azo aseho, mifanohitra, dia hataon'i Satana izany. Hiezaka handanjalanja izy hoe, “Tsy afaka manao an'izany ianao.”

¹¹⁸ Ohatra, izany ilay vao avy notononiko fotoana vitsy lasa izay, mikasika ny nandeha . . . Ankehitriny, ity dia karazany tany ivelan'ilay lâla-masaka. Talohan'ny nandehanan'ny reniko

mihitsy. Ary fantatry ny Tompo fa tsy ho afaka hihazona an'ireo fifamotoana amin'ireo rahalahy aho, mikasika ny fandehanana mihaza. Ary nanome fahitana iray, ka nandefa ahy lavitra tany British Columbia tany.

¹¹⁹ Ary rehefa tonga tany izahay, dia hoy ilay mpitari-dàlana hoe, "Tsy mbola nahita mivolom-bolafotsy iray mihitsy aho. Nipetraka teto aho nandrity ny fiainako rehetra. Ary ankoatr'izany, miditra mankao amin'ny faritry ny ondry mihitsy isika, eo ambonin'ny soavalys. Tsy misy mivolom-bolafotsy eo. Tsy misy... Tsy banana an'izany ianao any." Hitanareo? Hitanareo? Miezaka, hitanareo, miezaka hanalavitra; fandanjalanjana.

¹²⁰ Hoy Satana tamiko hoe, "Izany dia ho, ianao fotsiny—tsy azonao tsara fotsiny ilay fahitana."

¹²¹ "Fa tsy hoe tsy nahazo aho. Hisy izany. HOY NY TOMPO HOE." Ary rehefa niseho ilay ombimanga, dia azonay izany, izay tao amin'ilay fahitana, araka ny fantatrareo rehetra.

¹²² Noho izany dia nilaza izy, nilaza tamiko ilay mpitari-dàlana; rahalahy tena mahafinaritra, hiaraka aminy ankehitriny afaka herinandro vitsy, Kristiana tanora. Hoy izy hoe, "Rahalahy Branham, tratry ny androbe ny rahalahiko. Ary nitaingina teo ambonin'io soavalys io ianao tamin'io andro io, ka niteny tamiko zavatra anankiray hatao, ka 'hitsahatra ny androben'ny rahalahiko." Hoy izy hoe, "Rehefa nanao marina tokoa an'izay notenenin'ny Fanahy Masina taminao ho tenenina amiko aho," hoy izy, "dia tsy nanana famelezana iray intsony izy, nanomboka tamin'io andro io."

¹²³ Hoy izy hoe, "Ankehitriny dia eto isika, eo an-tampon'ity tendrombohitra ity. Ary eo amin'ny telo maily midina, dia tsy misy kirihiitra efatra inches akory aza ny haavony. Tsy misy afa-tsy lomot'ombimanga, myrtilles vitsivitsy, ary roa na telo inches fotsiny ny haavo ananan'izy ireo." Hoy izy hoe, "Lomot'ombimanga sy myrtilles, eo amin'ny faritra misy hazo mihitsy, ary ireo soavalintsika dia nifatotra tao amin'ilay faritra misy hazo. Ary ankehitriny, araka ny noteneniniao tamiko talohan'ny nahatongavantsika teto, hoe, any ho any eo anelanelan'ny eto sy izay itsanganan'io zazalahy io, manao an'io lobaka misoratsoratra io, dia hamono bera grizzly mivolom-bolafotsy iray sivy dian-tongotra ianao."

Hoy aho hoe, "Izany no HOY NY TOMPO HOE." Hitanareo? Inona izany? Satana miezaka hanao ahy tsy hino an'izany.

¹²⁴ Nanomboka nidina ny tendrombohitra izahay. Arakaraky ny nanakaikezanay, no nanohizany nilaza hoe, "Rahalahy Branham, eo amin'ny maily iray miala amin'izany fotsiny no misy antsika ankehitriny."

Hoy aho hoe, "Misalasala ve ianao, Bud?"

“Tsia mihitsy.”

¹²⁵ Tonga teo amin’ny antsasaky ny maily iray izahay. Hoy izy, “Eo amin’ny antsasaky ny maily iray fotsiny isika ankehitriny.”

¹²⁶ Hoy aho hoe, “Marina izany.” Hoy izy, “Eritrereto fotsiny, eo amin’ny antsasaky ny maily iray!” Mandrodana an’ireo fandanjalanjana.

¹²⁷ Hoy izy hoe, “Jereo. Afaka mahita ny zavatra rehetra eo anoloantsika mihitsy isika. Tsy misy na inona na inona eo.”

¹²⁸ “Saingy,” hoy aho, “ilay Andriamanitra Izay nanome ahy ny Teny dia afaka mamorona anankiray eo. Aza mandanjalanjana. Inoy fotsiny ilay izy. Aza miraharaha an’ireo fandanjalanjana. Tsy misy idiran’izany amin’io. Inoy fotsiny izay Nolazainy. Izay ihany.”

¹²⁹ Nitsangana teo aho, nijery teny ambonin’ireo havoana, hatraiza hatraiza, lomotra mavo an’ny ombimanga fotsiny; nilentika ny masoandro; ireo havoana, tsara tarehy. Afaka nahita ny toerana kely rehetra ianareo na taiza na taiza, teo amin’ny telo maily teo ambonin’ny tendrombohitra, teo amboniko mihitsy. Ary rehefa nitodika aho mba hijery, teo amin’ny roa maily teo alohako, na maily iray sy sasany, na maily roa, nitsangana ny grizzly mivolom-bolafotsy iray sivy dian-tongotra. Ahoana no nahatongavany teo, tsy fantatra. Fa teo izy. Hitanareo?

¹³⁰ Aza mandanjalanjana. Minoa. Tsy mampaninona ireo toe-javatra, aza miraharaha an’ireo toe-javatra. Minoa.

Ankehitriny dia hoy Andriamanitra hoe, “Ny—ny andro ihinananareo azy, dia izany no andro ahafatesanareo.”

¹³¹ Hoy Satana hoe, “Mamelà ahy hiteny zavatra aminao, hitanao. Ankehitriny, Izany, izany dia... Oh, hia, milaza isika fa marina Andriamanitra. Azo antoka. Marina izany. Mino an’ity Teny ity isika. Oh,” hoy Satana, “mino an’ity aho, tena azo antoka. Saingy, henoy, mamelà ahy hiteny aminao, tsy Izany marina tokoa no Tiani lazaina.”

Izany no Tiani lazaina. Izay Nolazainy mihitsy no Tiani lazaina.

¹³² Hoy Satana hoe, “Ankehitriny, jereo, hoteneniko aminao hoe nahoana Izy no nanao an’izany. Izy marina tokoa... Hitanao, ianao dia—ianao dia—tsy hendry ianao, tsy mbola. Tsy manana fahendrena mihitsy ianao. Hitanao? Tahaka ny ondry iray fotsiny ianao, mba hotarihina. Tsy mahaleotena ianao.” Tahaka an’izany no ilan’Andriamanitra anareo. “Ianao tsy manana mihitsy... Tsy manana Ph.D. ianao, tsy mbola. Ianao—ianao—tsy manana fianarana betsaka fotsiny ianao. Hitanao? Fa izaho manana fahendrena. Hoporofoiko aminao izany. Ankehitriny, jereo, tsy mahafantatra ny tsara sy ratsy ianao. Fantatrao fa misy izany zavatra izany, saingy tsy fantatrao hoe inona izany. Mamelà ahy

haneho aminao hoe ahoana no anaovana azy.” Izay ihany no tiany notenenina tamin’io vehivavy io. Izay ihany no tiany natao. “Mamelà ahy haneho aminao hoe ahoana no anaovana azy.”

Hoy izy hoe, “Fa ho faty izahay.”

¹³³ Hoy izy hoe, “Azo antoka tokoa fa tsy hanao an’izany Andriamanitra. Fa Fantany fa ho hendry koa ianao.” Hitanareo?

¹³⁴ Mametraka ny fahendreny hanohitra ny Tenin’Andriamanitra. Io ilay fahendrena izay resahako. Hitanareo? Ny fahendrena manohitra ny finoana, manohitra ny finoana. Io ilay ady voalohany. Ary mihazona mafy sy marina ny Tenin’Andriamanitra. Rehefa nandray anjara tamin’ilay voarara izy ireo, dia maty, ary efa, hatramin’io. Hitanareo? Teo no, voaporofeo teo mihitsy, any ankoatry ny aloky ny fisalasalana.

¹³⁵ Ankehitriny dia harahintsika vetivety izany. Ankehitriny, nanana ny Genesisy 3:1, 17 aho, ary ankehitriny...na 1 hatramin’ny 7, raha ny marina, ary ankehitriny, ankehitriny, eo amin’izay ananan’ny fahendrena an’ireo fandanjalanjana. Firy no mino an’izany ankehitriny? Manaova hoe, “Amena.” [Hoy ny fiangonana hoe, “Amena.”—Mpand.] Hitanareo? Milaza ianareo ankehitriny... .

¹³⁶ Hoy ireo dokotera hoe, “Eny, hoteneniko aminao.” Jereo ankehitriny, alaivo ity vehivavy kely izay vao avy njoroako vavolombelona ity. Hoy ny dokotera hoe, “Tsy misy na inona na inona azonao atao. Vita ny aminao. Tsy misy fanantenana ho anao. Mandehana mankany amin’ny toerana fitsaboaana adala. Ento any izy.”

¹³⁷ Hoy izy hoe, “Alohan’ny hidirako ao amin’ny iray amin’ireo efitra ireo, dia hamono ny tenako aho.”

¹³⁸ Avy eo dia inona? Tonga teo amin’ny sehatra Andriamanitra. Ary tamin’ny alàlan’ny filazany, any ho any ao amin’ny gazety iray any Kansas lavitra any, avy any Bloomington, Illinois, no nandrenesany. “Ny finoana dia avy amin’ny fandrenesana.” Hitanareo? Eny, ny vadiny no nitondra azy niaraka. Tena malala izy ireo, nifankatia.

¹³⁹ Eritrereto. Efa-taona, ary fandidiana lehibe efatra; fampitoniana dimy ambin’ny folo, enina ambin’ny folo. Ampy hamono mety maty iray izany. Hitanareo? Ary ireo tsindrona rehetra ireo, indroa na intelo isan-kerinandro. Ary fantatro ny iray amin’izy ireo fa Lexron, ary adinoko hoe inona ilay iray hafa. Zavatra iray ho an’ny aretin-tsaina izany. Naka an’ireo tsindrona ireo izy, ary, ankoatr’izany, pilina fampatoriana roa. Nefa tsy afaka natory akory aza, niaraka tamin’izany. Fahoriana, marary ny andro manontolo, ny alina manontolo, ny taona miditra sy taona lasa. Tsy nisy na inona na inona azo natao.

Saingy, “Ny finoana dia avy amin’ny fandrenesana.” Hitanareo?

¹⁴⁰ Ankehitriny, rehefa tonga teo izy, dia nametraka azy teo amin’ny lampihazo Andriamanitra, ilay voalohany. Hitanareo? Ary tao amin’ny inona... Nahoana, inona? Rehefa nanatona azy aho, dia hoy aho hoe, “Manao ahoana ianao, ranabavy?” “Manao ahoana ianao?” Tsy nandre na inona na inona mikasika an’izao izy. Tsy nahafantatra na inona na inona ny amin’izany izy. Fa hoy aho, “Ianao no Rtoa. *Ranona-sy-ranona*. Avy any Kansas ianao.”

¹⁴¹ Ankehitriny, haingana mihitsy, izany no manao azy mba-mba hieritreritra. “Andraso iray minitra. Nandre azy aho nilaza, hoe, ‘Kristy no tsy miova omaly, anio, ary mandrakizay. Ary nopofointsika teto, tao amin’ny Baiboly, izao hariva izao, hoe Kristy dia nampanantena fa hiseho amin’ny andro farany, ao amin’Ny Fiagonany, ary ireo zavatra izay nataon’izy ireo tany Sodoma, sy ny sisa,’ raha nanohy nitory izy.” Izany no toriteniko fanokafana. “Fa, ankehitriny, dia hitako miseho eto izany, eto mihitsy.” Hitanareo? “Ankehitriny, eny.”

¹⁴² “Ankehitriny, efa tany amin’ny dokotera maro ianao. Efa nanana fandidiana efatra ianao.”

¹⁴³ “Aiza no ahazoany an’izany fampahafantarana izany? Avy taiza izany? Io lehilahy kely, sola loha io dia tsy mahafantatra an’izany. Avy taiza izany?”

“Ary teo amin’ny lèlanao nanketo, zavatra *izao-sy-izao*.”

¹⁴⁴ “Hono ho’aho!” Hitanareo? “Ankehitriny, izany marina tokoa no vao avy notoriandy. Ny Teny izany.”

¹⁴⁵ Fa, fantatrareo, hoy Satana hoe, “Fantatrao, manaiky an’izany ianao, ny pasiteranao...” Tsy misy idiran’io amin’izany. Hitanareo? Ario ireo fandanjalanjana. Hitanareo? “Fa ny dokoteranao no nilaza fa tsy maintsy mandeha mankany amin’ny trano fitsaboana adala ianao.” Ario ireo fandanjalanjana.

¹⁴⁶ “Miandry ny hahita an’izay ho lazain’Andriamanitra mikasika an’izany aho.” Hitanareo? Noho izany Andriamanitra... Tsy fantatro izay ho lazaina. Noho izany dia ny Fanahy no naka an’ilay izy ary namoaka an’ilay izy.

¹⁴⁷ Nino an’izany izy. Tsy nandanjalanja mihitsy izy hoe, “Isantaona, isan-taona, fikorontanan-tsaina, very saina, fandidiana sy ny zavatra rehetra, ireo zavatra rehetra ireo; nahoana, tsy mitombona izany, mieritreritra fa afaka ho sitrana aho eto, ao anatin’ny iray segondra.” Fa tsy nieritreritra an’ireo fandanjalanjana izy. Nino fotsiny izy. Ny finoana no nanao an’izany, ary sitrana izy, tamin’io fotoana io.

¹⁴⁸ Raha te-honoratra aminy ianareo, nahoana, dia afaka manome anareo ny adiresiny i Billy. Eny àry, ankehitriny. Ankehitriny, fi-...

¹⁴⁹ Handanjalanja ny fahendrena. Ankehitriny... Fa tsy manana fandanjalanjana mihitsy ny finoana. Tsy manao afa-tsy ny mifikitra amin'ny Teny izy. Mihazona ny teny fikasana izy.

¹⁵⁰ Ankehitriny dia ndao isika hamaky kely. Ndao isika hamadika ao amin'ny Romana, toko faha-4, ary hamaky kely fotsiny. Ary izany dia mandra-pahatonga antsika ho voaterin'ny fotoana marina tokoa, hamaky an'ireto Soratra ireto fotsiny isika, Romana, ny toko faha-4. Satria, tiako marina tokoa ny mamaky ny Teny. Mahasoa anareo ny—ny mamaky Azy. Romana, ny toko faha-4, ary ndao isika hanomboka amin'ny andininy faha-17. Henoy.

¹⁵¹ Paoly, manoratra ny fanehoan-kevitra mikasika ny fiainan'i Abrahama, fantatrareo, tsy misy na inona na inona voalaza mikasika an'i Abrahama nandositra nankany Gerara, ary na inona na inona ao anatin'ilay fanehoan-kevitra, fantatrareo. Ilay izy fotsiny dia hoe, "Nino an'Andriamanitra i Abrahama," Paoly, io apostoly malaza io, manoratra fanehoan-kevitra iray mikasika an'i Abrahama.

¹⁵² Andininny faha-17, "Araka ny voasoratra hoe..." Tiako izany: Paoly, mijanona amin'ny Teny.

(Araka ny voasoratra hoe, Efa nataoko ho rain'ny firenena maro ianao,)...

¹⁵³ "Izaho efa." Dimy amby fitopolo taona i Abrahama. Niaina niaraka tamin'ny vadiny fony izy... samy tanora izy roa. Anisan'ny anabaviny izy. Tsy nanan-janaka; tsy niteraka izy ary momba. Fa nihaona taminy Andriamanitra ka nanao hoe, "Izaho efa," fotoana lasa, talohan'ny fanorenana an'izao tontolo izao, mazava ho azy, "efa nanao anao ho rain'ny firenena maro." Tsy hoe an'ny zanaka maro, fa firenena maro. Eritrereto fotsiny izany.

...teo anatrehan'izay ninoany, Andriamanitra, dia Andriamanitra, izay mamelona ny maty, sy miantso an'ireo zavatra izay tsy misy ho toy ny misy.

¹⁵⁴ Aza mandanjalanja, mihitsy. Henoy.

...miantso an'ireo zavatra izay tsy nisy ho toy ny nisy.

Izay tsy nisy fanantenana aza...

¹⁵⁵ Oadray! "Tsy nisy fanantenana iray akory aza." Ahoana moa raha nandanjalanja izy? "Tsy nisy fanantenana iray akory aza."

Izay tsy nisy fanantenana fa nino tamin'ny fanantenana, fa ho lasa rain'ny firenena maro izy; arak'izay voalaza hoe, Ho tahaka an'izany ny taranakao.

¹⁵⁶ Tsy mampaninona izay voalazan'ny zavatra hafa. "Andriamanitra no niteny an'izany, dia milamina hatreо izany." Oh, raha mba nianona tamin'izany fotsiny mantsy i

Eva! Hitanareo? Fa nijanona izy, mba handanjalanja, hahazo fahendrena iray. Tsy nila fahendrena mihitsy i Abraham. Nila ny Teny fotsiny izy. “Andriamanitra no niteny an’izany, dia izany no mamarana an’ilay izy.”

¹⁵⁷ Fantatrareo, efa nitory teo amin’izany aho, imbetsaka. Nandeha ary nividy an’ireo lamban-jaza sy paingotra rehetra, ary ny zavatra rehetra, vonona ho an’ilay zazakely, ary nanamboatra an’ireo bàn-kiraro i Saraha. Ary lasa ny taona sy taona. “Isaorana Andriamanitra, hahazo an’ilay izy izahay, na ahoana na ahoana. Marina izany.”

¹⁵⁸ “Nahoana, izy,” ho nilaza ny dokotera hoe, “eny, tsy afaka hahazo an’izany izy. Tsy afaka hahazo an’izany ianareo.”

“Ary aza miteny amiko. Hahazo azy izahay, na ahoana na ahoana. Izay ilay izy.”

¹⁵⁹ “Nanohitra ny fanantenana, kanefa nino tamin’ny fanantenana.” Lasa tanteraka ireo fanantenana, kanefa nino an’izany izy rehefa maty ny fanantenana, ho azy. Maty ny fanantenana ho an’ny fikarohana siantifika rehetra, ny loharanom-pahendrena rehetra. Lasa ny fanantenana, fa mbola nino an’izany foana izy. Inona izany? Ny finoana an’izany; ny finoana amin’ny fanantenana rehefa tsy teo ny fanantenana. Ham! Te-haharitra vetivety eo amin’izany aho. Ny finoana amin’ny fanantenana rehefa tsy misy fanantenana eo, kanefa mbola nino tamin’ny fanantenana foana izy. Hitanareo? Satria, hoy izy hoe, “Izy no niteny tamiko hoe, ‘Ho toy izany koa ireo taranany.’”

¹⁶⁰ Ankehitriny, andininy faha-19. “Ary satria tsy nalemy tamin’ny ‘fahendrena, fahalalana, nanana ny diploma many ve’”? [Hoy ny fiangonana hoe, “Tsia.”—Mpand.] Tsia.

...satria tsy nalemy tamin’ny finoana, (Ah! Eo ianareo izao.) dia tsy nihevitra ny tenany manokana ho maty izy ankehitriny, ...

¹⁶¹ Lasa ny fanantenana. Maty ny tenany. Henoy, manaraka:

...rehefa tokony ho zato taona izy, na koa...ny fahafatesan’ny kibon’i Saraha:

¹⁶² Maty ny fanantenana. Maty ny vatany. Maty ny kibon’i Saraha. Inona no nataony? Ny andininy manaraka, “Tsy nianahanhana izy.” Oh, oadray!

Tsy nianahanhana tamin’ny teny fikasan’Andriamanitra tamin’ny tsi-finoana izy (fahendrena); fa nahery tamin’ny finoana, nanome voninahitra an’Andriamanitra;

¹⁶³ Oh, oadray! Inona?

Ary resy lahatra tanteraka fa, izay efa nampanantenainy, dia hainy hatao koa.

¹⁶⁴ Ham! Tsy mampaninona na ahoana, tsy misy fandanjalanjana amin'izany, mihitsy. Izy dia mandray fotsiny ny—ny Teny ary mamikitra amin'Izany. Ankehitriny, raha *Ity* no Tenin'Andriamanitra, dia mino Azy ve ianareo? Noho izany dia nahoana no misalasala Teny iray an'Izany, teny fikasana iray an'Izany? Ahoana no ahafahanareo milaza fa *Ity* dia ampahany, ary *Ity* dia tsy tsara; ary *Ity* no *itsy*, maka an'izay tianareo? Tsy afaka manao an'izany ianareo. Na Izy rehetra no tsara na tsy misy iray tsara Izy. Marina. Noho izany, vantany vao hitanareo fa Izany no Fahamarinana, dia mifikira amin'Izany. Aza avotsotra Izy, tsy mampaninona ireo toe-javatra, ahoana no iezahan'izy ireo mandanjalanja hoe, “Nahoana, tsy afaka ianareo.” Aza, aza manao an'izany, mihitsy. Mijanònà tsara amin'Izany. Andriamanitra no nampanantena an'izany.

¹⁶⁵ Raha handeha haka ny toerako ho an'i Kristy aho ankehitriny, ka Omeny ahy ny Fanahy Masina, dia manambara Ny Fiaianany ao anatiko Ny Fanahiny. Amin'izay fotoana izay rehefa ho faty aho, dia miezaka i Satana, manao hoe, “Ankehitriny, hitanao, tsy nikambana tamin'ny rafipandaminana iray ianao.” Mijanònà tsara amin'ny Teny. “Ianao tsy nanao an'ity. Ianao tsy nanao an'itsy.” Tsy mampaninona *itsy*, tsy manana fandanjalanjana mikasika an'Izany i Satana. Izany no Tenin'Andriamanitra. Mijanònà amin'ny Teny. Hitanareo? Manary ny fandanjalanjana rehetra Izany. Hitanareo? Tsy manana fandanjalanjana mihitsy ianareo; mifikira fotsiny amin'ny Teny. Hitanareo?

¹⁶⁶ Ankehitriny, matoky Ny Teniny fotsiny ihany ny finoana. Hitanareo? Izany no Tiany hataon'izy ireo. Izany—izany, ankehitriny, dia manana an'ilay fototra ianareo ankehitriny. Izany marina tokoa no tian'Andriamanitra hataon'ny taranak'olombelona: ny matoky ny Teny tsirairay izay Nolazainy.

¹⁶⁷ Ary natoky ny betsaka tamin'Izany i Eva. Saingy ny zavatra kely anankiray izay nekeny, “Eny, raha lasa feno fahendrena aho, angamba—angamba tahaka an'izany ilay izy. Angamba tokony ho tahaka an'ity ilay izy.” Hitanareo? Noho izany dia teo mihitsy no nahaverezany ny fihazonany. Teo no nanombohany nilentika, teo mihitsy. Teo no nidinan'ny taranak'olombelona manontolo nankao am-pasana, nanomboka teo mihitsy, satria nisalasala Teny anankiray izy.

¹⁶⁸ Hoy ny sasany amin'izy ireo hoe, “Eny, mino aho fa *Ity* no marina. Mino aho fa *Its*y no marina. Mino aho fa afaka mamonjy Andriamanitra, saingy tsy mino aho fa manasitrana Izy. Mino aho fa ny Fanahy Masina, azo antoka, dia nilatsaka tamin'ny Andron'ny Pentekosta, saingy tsy misy toerana izay misy zavatra milaza fa nilatsaka ny Fanahy Masina, taorian'ny Pentekosta.”

¹⁶⁹ Oh, rahalahy! Tahaka an'izany no ilazan'izy ireo azy; miantso ny tenany hoe fiangonan'i Kristy. Hitanareo? "Manana ny endriky ny toe-panahy araka an'Andriamanitra, nefà mandà ny Tenin'izany." Hah! Ah-hah! Izay ilay izy. Hitanareo?

¹⁷⁰ Tsy maintsy mino ianareo. Aza mandanjalanja. Minoa. Aza manandrina hahazo fahendrena. Minoa fotsiny ny Teny.

¹⁷¹ Ny fahendrena dia miezaka mandanjalanja ary manolotra lâlana iray tsaratsara kokoa. Ankehitriny, izany marina tokoa no notenenin'i Satana tamin'i Eva. "Ankehitriny, tsy ho faty ianareo. Azo antoka tokoa fa tsy ho faty ianareo, satria Andriamanitra dia Andriamanitra tsara iray."

¹⁷² Andriamanitra tsara iray Izzy. Ary ny fomba tokana azoko ahatokisana Azy, mba ho Andriamanitra tsara iray, dia hijanona amin'Ny Teniny Izzy.

¹⁷³ Ahoana no ahafahanareo hanantena ahy ho marina nefà aho tsy marina? Raha miteny zavatra anankiray aminareo aho, nefà manao zavatra hafa, dia tsy azo itokiana ny teniko. Hitanareo?

¹⁷⁴ Na dia, ny manao Azy ho Andriamanitra tsara iray, dia satria niteny ny Teny Izzy, ary tokony hivelona amin'izany Teny izany isika. "Tsy ny mofo ihany no hiveloman'ny olona, fa ny Tenin'Andriamanitra rehetra, izay aloaky ny vavan'Andriamanitra." Noho izany, tsy maintsy mijanona amin'ity Teny ity Andriamanitra. Izany no manao Azy ho Andriamanitra tsara iray.

¹⁷⁵ Ankehitriny, raha hoy Izzy hoe, "Eny, hamela azy ireo hilamindamina amin'ity Aho. Izaho, hamela azy ireo hanao an'ity Aho. Eny, itsy dia mety tsara. Oh, Izaho, Izaho dia—Izaho dia hifindra eto," nahoana, wishy-washy iray Izzy, hitanareo; tsy Andriamanitra Izzy; Izzy dia—olona tsotra iray fotsiny Izzy. Hitanareo? Fa, mba ho Andriamanitra tsara iray, dia tsy maintsy mijanona amin'Ny Teniny Izzy. Izany no mametraka ny zanaka tsirairay... Raha hamela an'ity anankiray ity hijangajanga Izzy, ity anankiray hafa ity hisotro kely, ary—ary ity anankiray hafa ity afaka handainga kely, ity hafa ity afaka hangalatra kely, ary ity hafa ity afaka hanao—hanao an'ity; nefà avy eo hanao ahy hanaraka ny fitsipika mihitsy ve, mba hidirana?

¹⁷⁶ Manana lâlana anankiray Izzy, ary ny rehetra izay miditra dia miditra ao amin'izany vavahady izany. "Ety ny vavahady, ary tery ny lâlana. Tsy misy lo-to hiditra ao." Any amin'ny Apokalyps any, dia voalaza hoe, "Any ivelany ny mpanao ody rehetra, mpijangajanga, ary ny alika, sy ny sisa." "Sambatra ianareo izay manaraka ny Didiny rehetra, mba ahafahany hanana zò amin'ny Hazon'Aina." Marina izany. Lâlana anankiray no misy, an'Andriamanitra izany.

¹⁷⁷ Tsy mandanjalanja an'izany isika, tsy misy fomba hafa. Eny, hoy ny fiangonana Romana hoe, "Izahay no ilay Fiangonana. Ity—ity Baiboly ity dia tsy mitentina akory aza ny... Nahoana,

nahoana, Izany, ianareo tsy afaka . . ." Hoy ny Eveka Sheen hoe, "Ny manandrana miaina amin'Izany, dia tahaka ny mandeha ao anaty ranom-potaka." Hitanareo? Hitanareo? Ahoana no hanaovanareo an'izany? Hitanareo? Noho izany, raha marina ny azy, amin'izay fotoana izay dia diso ny Baiboly. Ny Baiboly no marina; izy no diso. Ankehitriny dia inona no holazainareo? Raha marina ny Tenin'Andriamanitra, dia na ny Eveka Sheen ilay izy na-na ny Baiboly. Tsy ny Eveka Sheen ihany, fa Rev. *Ranona-sy-ranona*, ary Dr. *Ranona-sy-ranona*, na *Ranona-sy-ranona*. Tsy ho miantso ny anaran'ilay lehilahy aho, raha tsy izy no nilaza an'izany tao amin'ny radio. Noho izany, izy no nilaza an'izany tao amin'ny radio, noho izany dia ataoko fa afaka miantso ny anarany aho. Dr. *Ranona-sy-ranona* sy *Ranona-sy-ranona*, nilaza an'izao-sy-izao ary *izao-sy-izao*. Ankehitriny dia iza no hinoanareo, Andriamanitra sa izy ireo?

¹⁷⁸ "Eny," hoy izy, "tsy tahaka an'Izao marina tokoa no dikan'Izany." Tahaka ny nanoratana Azy mihitsy no Dikany.

¹⁷⁹ Eny, izany ilay lainga voalohany an'ny devoly. Hoy izy tamin'i Eva hoe, "Izany marina tokoa dia midika an'izao. Azo antoka tokoa fa tsara loatra Andriamanitra ny hanao an'izany. Tsy ho faty ianareo." Fa maty izy ireo. Ary ho faty izy ireo, amin'ny fotoana rehetra. Tsy maintsy mifanaraka amin'ny Teny izany!

¹⁸⁰ Ny fahendrena dia miezaka haka ny—ny lèlana tsaratsara kokoa, ny lèlana moderina, ny lèlan'ny laza, ny . . . lèlana mora iray, mahita ny tenany mihodina.

¹⁸¹ Ankehitriny fotsiny, alaivo ny lehilahy iray eto, hifanaraka aminy angamba Andriamanitra. Ankehitriny, mihevitra izy fa handroso. Tsy maintsy manao ny vadiny hahitsy amin'ilay laharana izy. Tsy maintsy miala amin'ireo fetin-karany izy. Tsy maintsy miala amin'ny fandehanana any amin'ireo dihy izy. Tsy maintsy mamela ny volony haniry ny vadiny. Tsy maintsy mijanona amin'ny fanaovana lokon-tarehy izy. Tsy maintsy mijanona amin'ny fifohana izy, fisotroana. Tsy maintsy mivoaka avy ao amin'io fikambanana goavana izay misy azy io izy. Mandeha manetry ny tenany eo amin'ny alitara. Tsy maintsy mahatanty izy ka hantsoina hoe fanatic iray, holy-roller, Belzeboba, ny zavatra rehetra izay azo antsoina. "Ho mpivavaka aho, saingy handeha *eto* aho, hikambana amin'ity fiangonana *eto* ity. Tery loatra ianareo." Eo ianareo izao. Hitanareo? Misy fandanjalanjana iray eo, fandanjalanjana.

¹⁸² Ankehitriny dia ho tonga eo amin'ny teboka iray lehibe isika, afaka minitra vitsy, eo amin'izany. Hitanareo? Ahoana no hahafantaranareo hoe iza no marina sy diso, arak'izany? Hitanareo?

¹⁸³ Ankehitriny, miezaka ny hanao ny Teny hilaza zavatra iray, miezaka ny fahalalana. Fahalalana, fahendrena,

miezaka ny—ny handanjalanja. Mahita lèlana iray tsaratsara kokoa ny fahendrena. Tsy misy lèlana hafa afa-tsy ny lèlana'Andriamanitra. Ny fahendrena dia miezaka manondro, manao hoe, “Oh, eny, ankehitriny, fantatrareo, tsy afaka manao an’izany isika amin’ity fotoana ity.” Tsy maintsy ataontsika ilay izy, na ahoana na ahoana. Hitanareo? Miezaka hahita lèlana mora iray. Miezaka hanao ny Baiboly hilaza an’ireo zavatra izay tsy Lazainy.

Ankehitriny dia hoy ianareo hoe, “Oh, Rahalahy Branham, ankehitriny ianao dia . . .”

¹⁸⁴ Andraso vettivety fotsiny. Hiverina eo amin’ilay voa indray isika. Inona no noeza han’ny devoly hatao amin’ny fahendrena? Manao ny Tenin’Andriamanitra hilaza zavatra izay tsy Nolazainy. Marina izany. Niezaka izy ny nanao ny Tenin’Andriamanitra hilaza zavatra izay tsy Nolazainy. Noho izany dia tahaka an’izany no ahatongavany amin’izao andro izao, rehefa miezaka manao ny Tenin’Andriamanitra hilaza zavatra izay tsy Lazainy izy ireo.

¹⁸⁵ Eny, hoy izy ireo hoe, “Eny, ho teneniko aminao, Rahalahy Branham, tsy manana an’ilay fandikana tsara ianao.”

¹⁸⁶ Ny Baiboly no nilaza, hoe, “Tsy avy amin’ny fandikana manokana ny faminaniana.” Nahoana? Nahoana no tsy manana fandikana manokana izy? Nahoana? “Ny Tenin’ny Tompo dia tonga tamin’ireo mpaminany.” Adikan’ny mpaminany Izy. Tsy mety ho avy amin’ny fandikana iray, manokana. Ireo mpaminany noefa mandika Azy aminareo. Eto izany, voasoratra Eto mihitsy. Tahaka an’izany no natao haha-izy azy.

¹⁸⁷ Tsy maintsy manana zavatra ara-pototra iray Andriamanitra izay tsy maintsy hitsarana ny olona rehetra.

¹⁸⁸ Raha amin’ny alàlan’ny fiangonana izany, dia iza no marina? Saiky sivinjato amin’izy ireo, rafi-pandaminana sivinjato samihafa. [Mikohaka Rahalahy Branham—Mpand.] (Mamelà ahy.) Iza amin’izy ireo no marina? Ahoana no ahafantaranareo fa hiditra ianareo? Ahoana moa raha Metodista iray ianareo, ka ny Batista no marina? Ahoana moa raha Pentekotista iray ianareo, ka ireo Presbyterana no marina? Ahoana moa raha Katolika iray ianareo, ka ireo Loterana no marina? Ahoana moa raha Loterana iray ianareo, ka ireo Katolika no marina? Hitanareo?

¹⁸⁹ Tsy maintsy misy fototra iray any ho any. Noho izany raha ny Teny . . .

¹⁹⁰ “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra.” Hitanareo? Ny Teny tao amin’Andriamanitra. Andriamanitra Izany. Izany dia ireo Fisainany izay tao Aminy, isan’andro Tany. Ireo fisainan’Andriamanitra dia Mandrakizay tahaka an’Andriamanitra. Amena. Tsy ero-dronono izany, rahalahy. Hitanareo? Indro tonga ilay izy. “Ireo fisainan’Andriamanitra

dia Ny Teniny, tany amin'ny voalohany," izany hoe, "tao amin'ny Mandrakizay," ankehitriny, rehefa "ny voalohany" no nanomboka voalohany, ny fotoana. "Tamin'ny voalohany ny Teny, ireo fisainan'Andriamanitra, ary ny Teny tao amin'Andriamanitra, ary ny Teny dia Andriamanitra." Hitanareo? Ireo Fisainany no naha-izy Azy.

¹⁹¹ Izany dia ianareo, ihany koa. Izay fisainanareo no maha-izy anareo. Tsy mamparinonona izay ezaahanareo hiainana, amin'ny alàlan'ny zavatra hafa iray, ireo fisainanareo no maha-izy anareo. Mety mandeha ianareo, mihetsika tahaka ny olona mahafinaritra iray, saingy ao am-ponareo dia mpijangajanga iray ianareo ary na inona ilay izy. Izany no maha-izy anareo, ireo fisainanareo.

¹⁹² Ary ireo fisainan'Andriamanitra dia Ny Teniny izay niaraka Taminy sy tao Aminy, ary Andriamanitra Izany. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary io Teny io dia tonga nofo." Voaseho tao amin'ny vatan'olombelona iray ireo fisainan'Andriamanitra, "Tonga nofo, ary nonina teo anivontsika." Eo ianareo izao.

¹⁹³ Ankehitriny, raha manana Fiainana Mandrakizay ianareo androany, dia ao amin'Andriamanitra ianareo. Amin'ny alàlan'ny Tenan'Andriamanitra ao anatinareo, dia fisainan'Andriamanitra voaseho ianareo. Fioo! Noho izany, dia aza mihaino fandanjalanjana mihitsy, fandrao ho esorina ny satroboninahitrareo, omena ny iray hafa. Aza mandray fandanjalanjana, mihitsy. Inoy fotsiny izay nolazain'Andriamanitra fa ny Fahamarinana, dia mijanòna amin'Izany.

¹⁹⁴ Fandanjalanjana, amin'ny alàlan'ny fahendrena, miezaka manao ny Teny hilaza zavatra izay tsy Lazainy.

Ankehitriny dia hoy ianareo hoe, "Marina ve izany, Rahalahy Branham?"

¹⁹⁵ Eny, ndao isika hiverina amin'ny Genesisy fotsiny dia hahita. Ndao isika handeha ao amin'ny Genesisy, ny toko faha-3-n'ny Genesisy, ka hamaky ny—ny—ny andininy faha-4, hahita raha—raha miezaka manao ny Teny hilaza zavatra izay tsy maha-izy Azy ny fahendrena. Ny toko faha-3-n'ny Genesisy, ny andininy faha-4.

Ary hoy ny menarana tamin-dravehivavy hoe, Azo antoka tokoa fa tsy ho faty ianareo:

¹⁹⁶ Hitanareo ve izay atolony? Inona izany? Miezaka manao ny Teny hilaza zavatra izay tsy Lazainy. Hitanareo?

Hoy Andriamanitra hoe, "Ho faty ianareo."

¹⁹⁷ Fahendrena, araka ny nanoloran'i Satana taminy, nanao hoe, "Azo antoka tokoa fa tsy ho faty ianareo." Hitanareo? Miezaka manao ny Teny hilaza zavatra iray izy, hoe, "Tsy izany ilay izy."

¹⁹⁸ Izany no fahendrena amin'izao andro izao. Oh, rahalahy, toy ny ahoana no haharetantsika eo amin'izany! Ireo seminera, sekolin'ny teolojia, izany no tena akanin'izy ireo. Izany no fakan'ahitr'izy ireo, dia ny miezaka manao ny Tenin'Andriamanitra hilaza zavatra izay tsy Lazainy.

¹⁹⁹ Mihaika ny olona rehetra aho haneho amiko ny Fanelekem-pinoan'ireo Apostoly ao amin'ny Baiboly. Mihaika ny olona rehetra aho haneho amiko ny "fiombonan'ireo olo-masina" ao amin'ny Baiboly. Protestanta, Katolika dia samy mino an'izany. Mihaika anareo aho haneho amiko ny iray amin'ireo zavatra ireo, ao amin'ny Baiboly. Hitanareo? Izany no fakan'ahitry ny fahendrena miezaka mandanjalanja.

²⁰⁰ "Tsy ara-nofo ny fiadianay, fa mahery, manaisotra ny fandanjalanjana rehetra, hitanareo, mandrava an'ireo fiarovana mafy an'i Satana." Io zava-boahary lehibe, mihaingo, tsara tarehy io! Tsy malama vava iray; tsia, tsia, eo amin'ilay anatiny izany. Fa, ilay ivelany, dia indroa tsara tarehy ny fahotana. Fantatrareo, tsara tarehy ny fahotana.

²⁰¹ Firy ny lehilahy ato, sy vehivavy, izay mihoatra ny dimampolo taona? Atsangano ny tānanareo. Izaho... Tsy tokony hanontany an'ireo vehivavy aho. Saingy izaho... Manaiky ny fahamarinana isika rehetra. Te-hametraka fanontaniana iray aminareo aho. Hitanareo ve amin'izao andro izao fa indroa tsara tarehy ireo vehivavy, saiky, noho izy ireo taloha, amin'ny ankapobeny, ara-keviny manerana an'izao tontolo izao? Raha marina izany, dia atsangano ny tānanareo. Azo antoka. Indroa tsara tarehy noho izy ireo fahiny izy ireo.

²⁰² Mitadiava sary trrainainy vitsivitsy. Jereo i nenibe; ireo zipony lava; ny randram-bolony mihantona ao an-damosiny. Tsy tena mahasintona jerena izy.

²⁰³ Jereo ny anankiray moderina amin'izao andro izao. Akanjo manify kely, ka, ny bika tsirairay, tsy afaka mihetsika izy raha tsy manota. Mandeha, mitsingintsingina eny an-dàlambe, miaraka amin'ny lokon-tarehy rehetra sy fanosoran-tarehy Max Factor iray izay azony apetraka eo aminy, saiky. Manamboatra ny volony tahaka ny zazavavy kely iray. Manao zipo kely fotsiny eo, saiky, eo ambonin'ny lohaliny mihitsy, raha manana anankiray, mihitsy izy. Fa, jereo izy, tsara tarehy izy. Fantatr'i Satana hoe ahoana no anaovana an'ilay izy. Izy no mpanao ny hatsaran-tarehy, io karazana hatsaran-tarehy izay miteraka fahotana io.

²⁰⁴ Ny tany, izy tenany, dia kibo iray. Taiza no nametrahan'Andriamanitra an'ireo Voany? Aiza no apetraka ireo voa? Ao anaty kibo. Mametraka voa Andriamanitra. Ary inona no ataon'ny olona? Tahaka an'ireo devoly, ao anaty kibo, hanao ankizy iray simba izy raha vitany. Izany no nataon'ny devoly teto an-tany, manafangaro, manamboatra zava-boahary,

izay tsy izy. Tsaratsara kokoa amiko ny hamela an'izany; tsy ho tonga eo amin'ny sisa amin'ity eto ity mihitsy aho, izay nosoratako. Fantatrareo izay tiako lazaina. Izany no antony isian'ny famoronana simba iray vonona ny hariana. Namarana ny amin'izany Andriamanitra. Any ivelan'ny lamina tanteraka izao tontolo izao. Ratsy ny zavatra rehetra. Voaloto ireo ony. Voaloto ny rivotra. Maloto! Maimbo!

²⁰⁵ Indiana antitra iray, vao tsy ela akory izay, no nanao hoe, "Ry lehilahy fotsy hoditra, tsy te-ho velona intsony aho. Nahavita ny ady aho." Hoy izy, "Aiza ireo zazakeliko? Maty noana ve izy ireo? Aiza ny vadiko?" Hoy izy, "Talohan'ny nahatongavanareeo teto niaraka tamin'ny vehivavinareeo sy whisky, ary ny fahotana, dia niaina am-piadanana izahay. Taninay ity. Andriamanitra no nanome azy anay, fa ianareo no nanaisotra azy taminay. Handoa ny amin'izany ianareo, indray andro any."

²⁰⁶ Jereo ilay izy, amin'izao andro izao. Ireo tany efitra goavana, tsara tarehy sy tendrombohitra iparitahan'ny hamaimboana, fahotana, tavoahangin'ny whisky, boatin-dabiera. Ny toerana rehetra dia feno trano fisottoana sy hadalana. Reno, Nevada, io tany efitra lehibe any io, dia tsinontsinona afa-tsy fivarotantena. Izany ireo tanàna lehibe, hany ka na ny habakabaka sy ny rivotra iainana aza dia voaloto. Teo amin'izay nitomboan'ireo tendrombohitra tsara tarehy fahiny, ankehitriny dia tapaka miaraka amin'ireo karazan-javatra hafa rehetra izy. Eo amin'izay anirian'ireo hazo, dia tapaka izy ireo. Eo amin'ireo tany efitra, nikorian'ireo rano malalaka, dia voaloto izany. Izao tontolo rehetra izao dia hahazo ny—ny anjarany. Hiteraka ny zanany avy amin'ilay voa ny tany. Efa nosimbaina, nohon'ny fandrovitan'ny devoly azy, nanakorontana azy, azo antoka, ilay izy dia—dia famoronana nosimbaina. Hanary azy Andriamanitra ka hanomboka indray. Marina izany.

²⁰⁷ Avy taiza izany? Olona anankiray nino anankiray kely . . . tsy nino ampahany kely anankiray an'ny Tenin'Andriamanitra.

²⁰⁸ Misento ny tany manontolo. Milaza ny Baiboly, hoe, "Na dia ny natiora izy tenany aza dia misento ho an'io andron'ny fanafahana io, miandry ny fanehoana an'ireo zanak'Andriamanitra." Ireo hazo dia mitolona, foana. Ireo voninkazo dia miezaka mampamiratra ny lâlana ho an'ny . . . Fa, misento sy miantsoantso izy ireo, ary mahafantatra fa misy zavatra tsy mety ao. Nosimbaina! Tsy afaka miteraka an'io tanteraka io ilay kibo, satria nosimbaina izy. Maimbo ny tany. Mandro amin'ny râ tsy manan-tsiny izy. Izy dia manana . . . Izy dia tahaka ny . . .

²⁰⁹ Afaka milaza zavatra iray aho, mety ho tena mahitsy. Ilay izy dia—ilay izy dia—ilay izy dia maimbo. Hoy Andriamanitra hoe, "Maimbo izy," eo Anatrehany, tena maloto. Midira ao amin'ny trano fivoahana iray, ireo fivalanan-drano, ary maimbo fotsiny,

voaloto. Izany marina tokoa no fofonin'izao tontolo izao, ihany koa, tahaka ny ifofonan'Andriamanitra azy. Maloto, maloto ilay zavatra manontolo.

²¹⁰ Hanapoaka azy ho potipotika Andriamanitra. "Hamorona lanitra sy tany vaovao Aho," hoy Izy. Eny, tompoko.

²¹¹ Inona izany? Tsy niteraka Arivo taona iray ny kibony. Niteraka zavatra nosimbaina izy. Nahoana? Niezaka ho fahendrena.

²¹² Tsy manana na inona na inona manohitra an'i Florida aho. Tsy ianareo olona avy any Florida no tiako lazaina amin'ity. Fa rehefa niampita aho ka nandeha tany Florida voalohany, ary niverina nankany amin'ilay sisin-tanin'i Georgia, dia nitsangana tany mihitsy aho ka hoy aho hoe, "Amin'ny maha-teratany Amerikana iray, dia mamerina ny anjarako any amin'ireo Seminoles izay tompony aho." Nahoana, mikarakara tsara kokoa ny tokotaniny noho ny ikarakarako ny voloko izy ireo, volomborona maranitra ny zavatra rehetra. Manana jiro manerana azy rehetra ireo hazo palma. Ireo sambo lafo vidy goavana sy ny sisa, miezaka hitondra Arivo taona iray tsy misy fibebahana. Ho ahy, dia andiana tsinontsinona iray izany.

²¹³ An-tapitrisany mihoaatra, aleoko mihanika any British Columbia, any an-tampon'ny havoana iray, ka mijery any ampitan'ireo tendrombohitra izaynoforonin'Andriamanitra, ka tsy nokasihan'ny tànan'olona mihitsy. Izany tokoa.

²¹⁴ Mandeha mankany amin'ireto tanàna ireto aho, ireo trano goavana, izany, izany tsy, tsy mahatarika ahy. Halako io karazanjavatra io. Hitanareo?

²¹⁵ Saingy fantattro fa indray andro any, indray andro any, dia hovaina izany. Hiteraka ny zanany ory izy. Ny tany, hovaina izy, indray andro any. Eka.

²¹⁶ Ny finoana dia mino fa voasoratra izany, ary manao hoe, "Tsy manana kilema ny Teny."

²¹⁷ Efa mba nandre an'ireo mpitoriteny ve ianareo nanao hoe, "Eny, teneniko aminareo, ny—ny King James Version, na ity Revised Version ity, na ity eto ity, izany fotsiny dia—samihafa kely fotsiny izany. Raha ny marina, dia tsy midika an'Izany marina tokoa ilay izy"? Efa nandre an'izany ve ianareo? [Hoy ny fiangonana hoe, "Eny."—Mpand.] Oh, oadray! Nosimbain'izany izao tontolo izao. Hitanareo? Fa ny finoana tsy mino an'izany.

²¹⁸ Ny finoana dia mino, Andriamanitra iray izay afaka manao ahy, afaka mihazona an'ity Boky ity ao amin'ny lamina mba hivelomako. Raha hitsara ahy ilay Andriamanitra Izay nanao ahy, ka tsy afaka hihazona Ny Bokiny ao amin'ny lamina, amin'izay fotoana izay dia Andriamanitra iray tena mampalahelo Izy. Eo ianareo izao. Mino aho fa ny Teny tsirairay an'Izany dia ny Fahamarinana. Eny, tompoko. Inona no

ataon'izany, rehefa mino an'izany? Manome toeram-pitsaharana iray ho an'ny finoana izany ao anatin'Izany. Hitanareo? Tsy afaka ny tsy hino ianareo, hoe ity Teny ity dia voakorontana, amin'ny fomba rehetra. Tsy mantsy mino Azy arak'izay maha-izy Azy fotsiny ianareo.

²¹⁹ Raha miezaka mampiasa fahendrena ianareo, mba hilaza hoe, "Jereo eto ankehitriny. Tsy mitombina ny nilazan'Andriamanitra fa hanao zavatra iray tahaka an'izao izany." Fa tena nataon'Andriamanitra izany. Hitanareo? Marina izany. Ankehitriny, raha hoy ianareo hoe, "Eny, ankehitriny, raha Andriamanitra no nanao an'ity, raha naka ny ain'ny lehilahy iray Izy satria tsy Levita iray izy, ary nametraka ny tanganany teo ambonin'ny Fiara rehefa saiky nianjera Izy." Tsy mampaninona na lehibe toy ny ahoana izy, Nalainy ny ainy nohon'ny amin'izany.

²²⁰ Hoy Andriamanitra hoe, "Ireo Levita fotsiny, irery, no hikasika an'Izany." Nalainy izany. Izany no nahataitra an'i Davida, fantatrareo. Hitanareo? Levita iray, tsy nisy afa-tsy Levita iray no natao hikasika an'io Fiara io. Ary teo ilay Fiara, niverina avy hatrany ho an'ny fifohazana iray, nefo anankiray any ivelan'izany no nanandrana hikirakira ny Teny.

²²¹ Izany no maneho fa ilay voahosot'Andriamanitra irery ihany no natao hikasika an'ity Teny ity. Tsy manan-draharaoha hanodinkodina Azy ireo fanekem-pinoana sy anarampiangonana ireo. Ny Fanahy Masina irery ihany no manana zo amin'ity Teny ity, ary fahafatesana izany ho an'ny hafa rehetra hikasika Azy. Na, tsy hino ny iray amin'Izany, na hampianatra an'izany, "Dia samy hesorina, ny anjarany, hiala ao amin'ny Bokin'ny Fiainana." Aza mametraka ny tanganareo eo ambonin'Izany. Mialà lavitra an'Izany. Henoy. Inoy fotsiny izay Lazainy. Aza maka ny tenin'olon-kafa. Raiso izay Nolazainy. Mijanona tsara amin'ny Teny. Fahafatesana ny manao zavatra hafa amin'Izany. Ankehitriny, satria ilay izy . . .

²²² Inona no ataon'ny finoana? Mino an'Izany arak'izay maha-izy Azy fotsiny izy. Tahaka an'izany no nitehirizan'Andriamanitra Azy nanerana ny taona, ary ity Izany. Izany no Tenin'Andriamanitra, ho ahy. Manaja an'izany Andriamanitra. Izany dia manome finoana tanteraka iray ao amin'ny Fahamarinany.

²²³ Ahoana no mba ahafahanareo hanambady vehivavy iray raha io zazavavy tanora io no—no—no nihazakazaka ka nanao ny zavatra rehetra, ary niaina tamin'ny fivarotan-tena sy ny zavatra hafa rehetra? Ary—ary, kanefa, nandeha ianareo ka nahatratra azy tao amin'ny trano fivarotan-tena iray. Nivoaka, ary izy dia . . . Hoy izy hoe, "Eny, izaho dia—izaho dia hiezaka ny ho—ho zazavavy iray tsaratsara kokoa." Tsy afaka hanana finoana an'io vehivavy io ianareo. Hitanareo? Tsy afaka manao an'izany

ianareo. Ahoana no ahafahan'ny vehivavy iray hanana finoana an'ny lehilahy iray izay nanao an'ilay zavatra iray ihany? Tsy afaka hanorina ny finoanareo eo fotsiny ianareo. Tsy misy na inona na inona hanorenana eo. Hitanareo? Tsy afaka manao an'izany ianareo.

²²⁴ Ahoana no ahafahanareo hivoaka eto ka hanao hoe, “Indro ny lakana iray izay misy lavaka betsaka anatiny, ka hametraka gonim-bozaka vitsivitsy ao anatiny aho. Angamba, angamba izy dia—hahatanty an'ilay samonta izy, hiampitana an'ilay renirano”? Ary tsy tiako ny haka anjara eo amin’izany, nefo misy anankiray mipetraka eto izay voaorina tsara. Azo antoka.

²²⁵ Nahoana isika no haka teolojia nataon’olona iray miaraka amin’ny lavaka ao anatiny? Efa voaporofa izany fa diso. Hitanareo? Nefo, *eto* misy anankiray mipetraka eto, izay ny Tenin’Andriamanitra marina tokoa, Izay nahatanty ny samonta, nanerana ny tafio-drivotra mafy sy rivo-mahery. Nihazona mahatoky mihitsy arak’izay naha-izy azy izy. Hihazona foana izany. Eny àry.

²²⁶ “Ny lanitra sy ny tany ho levona,” hoy Jesosy, “fa Ny Teniko tsy ho levona.” Nahoana? Mandrakizay Izy ireo. Izy ireo no tany am-piandohana. Tonga tetra fotsiny Izy mba haneho ny Tenin’Andriamanitra. Izy no fanehoan’Andriamanitra. Naneho ny Tenany tamin’ny alàlan’Ny Zanany Andriamanitra.

²²⁷ Ireo rehetra ireo dia nanomboka tao amin’ny Genesisy, ilay tokon’ny voa, ary efa izany hatramin’izay. Hatramin’izay, efa teo amin’ny sehatra, efa ilay zavatra iray ihany izany, ady iray eo amin’ny fahendrena sy ny finoana, miady isan’andro. Noho izany, ny fahendrena dia avy amin’ny devoly ary ho an’ireo zanany.

²²⁸ Efa mba nahamarika ve ianareo? Efa nahita ondry ianareo rehetra. Efa nahita osy ianareo rehetra. Fa, fantatrareo, ny fibarareokan’izy roa ireo dia tena mifanakaiky, mila tena mpiandry ondry iray hiteny ny fahasamihafany. Apetraho eo ny osy antitra iray, avelao izy hibarareoka, hibarareoka. Avy eo dia mandehana eto ka apetraho eo ny ondry iray, ary avelao izy hibarareoka. Henoy izany. Maneno mitovy mihitsy izy ireo. Saingy ny tena mpiandry ondry iray no afaka mahatakatra an’io feo io.

²²⁹ Hoy Jesosy hoe, “Ny Ondriko mahalala Ny Feoko.” Hitanareo? Afaka miteny izy ireo raha osy iray ilay izy. Eny, Izy dia Ondry iray, Izy tenany. Ah-hah. Izy tsy... “Ny Ondriko mahalala Ny Feoko. Tsy hanaraka vahiny izy ireo.” Inona Ny Feony? Ity izany, ny Teny. Hitanareo? “Ny Ondriko mahalala Ny Feoko.” Hitanareo?

²³⁰ Tsy hamela olona iray izy ireo hilaza hoe, “Oh, ankehitriny, eto. Izaho dia miresaka, ny Feon’Andriamanitra, ihany koa. Ity dia milaza an’izao eo.” Fa izany dia, hitanareo, Satana. Ho

tonga eo amin'izany isika afaka kelikely fotsiny, hampandeha moramora an'izany ho anareo. Hitanareo?

²³¹ Ankehitriny, hitanareo ankehitriny fa ilay Teny voa dia tsy afaka hitombo ao anatin'ny rivotra iainana, arak'izany, an'ny fahalalana. Marina ve izany? Hitanareo? Vantany vao mifangaro amin'ny finoana ny fahalalana, dia maty eo no ho eo izy.

²³² Tonga i Eva ka nanao hoe, “Hoy ny Tompo Andriamanitra hoe: ‘Ny andro ihinanay an'izany, dia izany no andro ahafatesanay.’” Avy eo dia nijanona izy hahita izay ho lazainy.

²³³ Hoy izy hoe, “Fa, henoy, ry malalako, ianao zavatra kely maha-te-ho tia. Hitanao? Azo antoka tokoa fa ho an'ny tanjona iray no nanaovan'Andriamanitra anao. Fantatralo fa marina izany. Hitanao, vehivavy iray ianao, natao ho an'ity tanjona ity ianao. Izany ilay izy. Tsy fantatralo izany ankehitriny, saingy natao ho an'ity tanjona ity ianao. Oh, zavatra kely iray maha-te-ho tia ianao, ry malala. Ah-hah. Jereo ireo tånama kely tsara tarehy. Hitanao? Nahoana, azo antoka fa manaiky ianao. Azo antoka tokoa.”

“Saingy Izy no nilaza, fa raha izahay—raha nanao izahay, izahay dia ho ‘faty.’”

²³⁴ Hoy izy hoe, “Saingy, oh, mihevitra ve ianao fa ny Ray tsara iray, tia, Andriamanitra, dia hanao zavatra tahaka an'izany?” Inona no nataony? Nihaino fandanjalanjana izy, nandray ny fahendreny. Hoy izy, “Ilay izy dia hazo iray, mahafinaritra. Afaka maniry azy ny olona iray.” Ary lavo tamin'izany izy. Marina tokoa izany. Ary rehefa lavo izy, dia inona no nitranga? Tahaka ny hataony amin'ny vehivavy rehetra. Vantany vao lavo amin'izany ianareo, dia vita eo no ho eo ilay izy. Marina izany.

²³⁵ Ankehitriny, hitanareo, ilay voa izay nohazoniny, ary tokony ho lasa reny iray izy tamin'ny farany, araka ny sitrapon'Andriamanitra, amin'ny alàlan'ny Teny voambara iray. Tokony lasa reny iray izy tamin'ny farany. Saingy, tsy afaka niandry izy, niditra tao anatin'izany.

²³⁶ Ankehitriny, hitanareo, noho izany, vantany vao nanao an'izany izy, nanaiky ny fahendrena niaraka tamin'ny Teny, nefy ny fahendrena dia nifanohitra tamin'ny Teny... Raha mahazo ianareo, dia manaova hoe, “Amena.” [Hoy ny fiangonana hoe, “Amena.”—Mpand.] Hitanareo? Raha miaraka amin'ny Teny ny fahendrena, ka manaporofa fa miaraka amin'ny Teny, ary ny Teny dia mamokatra ny Tenany amin'ny alàlan'ilay zavatra iray ihany, amin'izay fotoana izay dia ny Teny izany. Fa raha manohitry ny Teny ny fahendrena, ka tsy miaraka amin'ny Teny, fa miezaka hahita zavatra hanampiana amin'Izany na hanaisotra avy amin'Izany, dia avy amin'ny devoly izany. [“Amena.”]

²³⁷ Ary ireo voan'ny Fanahy Masina an'ny Baiboly dia tsy afaka hitombo ao anatin'ny rivotra iainan'ny fahendrena. Mamono ny

seminera tsirairay ao amin'ny firenena izany. Mandondòna avy hatrany an'ireo lavaka eo amin'izy ireo izany, manindrona azy ireo, ka ny—miditra ny fitsarana. Marina izany. Manao tokoa izany, hitanareo, satria tsy afaka hitombo miaraka amin'ny fahendrena ny Teny, ny fahendren'izao tontolo izao. Tsy hanao an'izany.

²³⁸ Tokony nino ny Teny araka ny nanomezana Azy ho azy i Eva. Marina ve izany? Tsy tokony nihaino olon-kafa hilaza na inona na inona mikasika an'Izany izy; arak'izay nanomezana Azy ho azy fotsiny, tahaka an'izany no natao hinoany Azy. Tsy ho nisy fahafatesana iray, raha nino an'Izany izy. Marina izany.

²³⁹ Ary ny lehilahy iray na vehivavy iray izay handray ny Tenin'Andriamanitra araka ny nanomezana Azy ho antsika fotsiny, dia mihazona Azy araka ny nilazan'Andriamanitra Azy, Izany no Fiainana. Fa ny manafangaro an'izany amin'ny fahendrena iray an'ny rafi-pandaminana iray, dia maty eo no ho eo ianareo, tahaka ny nataony mihitsy tamin'ny voalohany. Izany ilay Voa. Tahaka an'izany, tahaka an'izany no Nihetsehany tamin'ny voalohany, tahaka an'izany no Hihetsehany amin'ny fotoana rehetra. Efa izany foana Izy. Raha avelan'Andriamanitra, dia ho porofointsika amin'ny alàlan'ny Baiboly izany, izao maraina izao. Izany ihany no fomba tokana Ahafahany hitombo, dia ny manasaraka ny Tenany miala amin'ny fandanjalanjana rehetra, na inona na inona hafa, ka mino ny Teny fotsiny.

Natao handray Azy araka ny nanomezan'Andriamanitra Azy ho antsika i Eva.

²⁴⁰ Ary efa nasehoko sy noteneniko taminareo fa mino aho fa Andriamanitra no nitahiry sy nihazona an'ity Baiboly ity, ary tahaka an'izany no nanomezan'Andriamanitra Azy ahy eto. Tsy mila fahendrena hafa aho. Tiako fotsiny ny fomba nilazan'Andriamanitra azy Eto.

²⁴¹ Ankehitriny, manantena aho fa tsy mandratra anareo aho. Fa raha nilaza ny Baiboly hoe izaho dia tsy maintsy "mibebaka," Izany dia midika hoe mibebaka; tsy hoe manao fivalozana, fa mibebaka.

²⁴² Nilaza ny Baiboly fa izaho dia tsy maintsy hatao batisa, amin'ny Anaran'i "Jesosy Kristy," Izany dia tsy midika zavatra hafa. Tsy midika izany hoe "Ray, Zanaka, Fanahy Masina." Izy no nilaza an'Izany.

²⁴³ "Eny," hoy ianareo, "Matio 28:19 dia nilaza hoe, 'Mananova batisa azy ireo amin'ny Anaran'ny Ray, Zanaka, Fanahy Masina.'" Izany marina tokoa ilay izy.

²⁴⁴ Ankehitriny, raha tsy marina izany, raha tsy manana an'ilay zavatra marina izy ireo, amin'izay fotoana izay ilay finoana izay nananan'i Petera, mba hanao batisa amin'ny Anaran'i Jesosy Kristy, ary ny sisa rehetra an'ny Baiboly, amin'izay

fotoana izay izy ireo dia nanana fa—fanambarana sandoka izay notahian'Andriamanitra. Mamerina Azy avy hatrany izany: tokony ho nitahy an'i Eva Izy tany amin'ny voalohany, arak'izany.

²⁴⁵ Ny anaran'ny “Ray, Zanaka, Fanahy Masina,” titra telo izany. Anarana anankiray ihany no misy. Tsy afaka hatao batisa amin'ny Anaran'ny Ray, Zanaka, Fanahy Masina ianareo raha tsy vita batisa tamin'ny Anaran'i “Jesosy Kristy,” satria izany no Anaran'ny Ray, Zanaka, Fanahy Masina. Ary voasoratra tahaka an'izany ny Baiboly manontolo. Ny olona rehetra ao amin'ny Baiboly, izay hany natao batisa, dia natao batisa tamin'ny Anaran'i “Jesosy Kristy.” Tsy misy olona ao amin'ny Soratra, hany natao batisa tamin'ireo titra ireo an'ny “Ray, Zanaka, Fanahy Masina.” Ary ny tsirairay avy izay natao batisa tamin'ny Anaran'i—i “Jesosy Kristy Tompo” dia natao batisa tamin'ny Anaran'ny Ray, Zanaka, Fanahy Masina.

²⁴⁶ Ny tsirairay avy izay natao batisa, amin'ireo titran'ny “Ray, Zanaka, Fanahy Masina,” dia tsy natao batisa tamin'ny anarana mihitsy; titra iray, tahaka ny hoe mpitoriteny, reverà, dokotera, inona koa; ray, zanaka, ary olombelona, vady. Titra!

Hoy ianareo, “Tsy manao fahasamihafana izany.”

²⁴⁷ Noho izany dia apetraho eo amin'ny sekinareo ny titranareo, fa tsy ny anaranareo, dia jereo hoe lasa aiza izany. Ah-hah. Hoy ianareo, “Soniaviko amin'ny anaran'ny mpikarakara tokantrano ity seky ity.” Eny, izany dia manana dikany mihitsy mitovy amin'ny hoe tsy mino ny Tenin'Andriamanitra nefá mipetraka eo anatrehanareo eo mihitsy ny fanambarana. Azo antoka fa hanao izany. Hitanareo? Azo antoka. Eny àry.

²⁴⁸ Ilay izy dia natao hino Azy araka ny nilazan'Andriamanitra Azy. Tsy mifanohitra amin'ny Tenany Izy. Raha mifanohitra Izy, dia tongava asehoy ahy. Ah-hah. Izy tsy mifanohitra amin'ny Tenany, mihitsy. Satana no mety mampifanohitra Azy aminareo, fa tsy afaka izy amin'ny Teny. Tsia. Noho izany, tsy hahatanty an'izany ny Teny. Tsia, tompoko. Izany no zavatra antitra, ary efa noeritreretina, saingy tsy mbola voaporofo mihitsy izany.

²⁴⁹ Ndao isika hanaraka an'ireo loharano roa ireo, na izay mety antsoinareo hoe rivotra iainana, ka hahita an'izay foronin'izy ireo. Ndao isika hanaraka azy ireo mandritry ny minitra vitsy. Rivotra iainana; ireo loharano roa ireo dia samy hamorona rivotra iainana.

²⁵⁰ Te-hanontany zavatra aminareo aho. Efa mba nandeha tao amin'ny fiangonana iray ve ianareo... Izaho—milaza an'ity ampanajana aho ankehitriny, ary miaraka... mba hanao hevitra iray fotsiny; Andriamanitra anie handrara. Efa mba nandeha tao amin'ny fiangonana iray ve ianareo izay tena madity ilay pasitera? Tahaka an'izany koa ilay fiangonana. Marina izany. Hitanareo? Inona izany? Izany ilay rivotra iainana izay nitondra

an'ilay izy. Mandehana mankany amin'ny toerana iray izay ilazan'ilay pasitera hoe, "Ankehitriny, andraso iray minitra, tsy misy izany karazana fahadalana izany. Tsy mino an'izany karazana fanasitrana avy amin'Andriamanitra izany aho, mikasika ny batisan'ny Fanahy Masina." Fantatrareo, hahita ny tsirairay avy ianareo, amin'izy ireo, ny fiangonana. Raha izy ireo no tsy . . .

²⁵¹ Raha misy voromahery iray ao anatiny ao, dia hivoaka izy, eo anivon'io andian'akoho io. Ah-hah. Azo antoka fa hivoaka. Ny fahamarinana marina tokoa. Hialàny izany. Hia. Hia. Azo antoka fa hiala izy. Tsy afaka mahatanty an'izany izy. Voromahery iray izy. Vorona namboarina ho an'ny lanitra izy, fa tsy tranom-biby iray. Eny, tomoko. Ankehitriny, eto izy.

²⁵² Ary mahita isika ankehitriny, fa, ireo rivotra iainana ireo. Ary midira ianareo na aiza na aiza ao amin'ny . . . ireo zavatra ireo, izay ampianarana ny finoana ao amin'ny fiangonana iray, fa hahita fiangonana iray ao amin'izany rivotra iainana izany ianareo.

²⁵³ Oh Andriamanitra! Mamelà—mamelà ahy haneho anareo an'ity, mba, ianareo, raha afaka mahita an'izany ianareo. Hitanareo? Mandehana . . . Izany no antony ahatongavan'ny olona eo anivon'ireo olo-masina eo amin'izay ivavahan'izy ireo, ireo mpino. Nilaza i Paoly fa tsy nahita finoana tao amin'ilay tanàna izy, i Timoty irery ihany, izay nitovy Finoana sarobidy tahaka ny nananany, fantatrareo. Mpanao anarampiangonana ny sisa amin'izy ireo. Hitanareo? Fa rehefa nuditra tao anatin'io rivotra iainana io izy, hitanareo, izy, mahita an'ireo zavatra miseho ianareo, izay noforonin'ilay rivotra iainana. Mahita olona mivelona amin'ny finoana ianareo rehefa miditra ao amin'ny toerana iray izay ilazana hoe, "Oadray, nahoana, marina ny Baiboly. Manasitrana Andriamanitra." Mandeha manerana ny fiangonan'izy ireo ianareo, dia mahita hoe, "Nahoana, teo am-pahafatesana tamin'ny homamiadana aho. Sitrana aho." "Jamba aho fahiny. Mahita aho."

²⁵⁴ Hoy ilay vahiny hoe, "Fooo! Oadray! Inona, ny tianao lazaina ve . . . ? Inona ny olana aminao?"

²⁵⁵ "Hasehoko anao eo amin'ny firaiketako. Tongava any antreno miaraka amiko. Tongava, hihinana sakafo miaraka amiko dia anehoako zavatra iray ianao. Manana firaiketana iray aho any. Ireo miara-monina amiko dia mahafantatra fa tao anatin'izany karazan-toerana izany aho. Nalemy aho, nandritry ny taona maro. Nivavahana aho." Hitanareo? Inona izany? Ity—ity Teny ity ao amin'io fiangonana io, io andiana mpino io, no namorona an'izany rivotra iainana izany.

²⁵⁶ Ankehitriny, ahoana ny Teny, ao amin'ny Fahatsorany kanefa ao amin'ny Fahafenoany, no hany hitombo ao amin'ny toerana iray izay analofan'ny fahalalana an'Izany ka manao hoe, "Tsy

mety ho marina izany”? Hitanareo? Tsy mety izany. Noho izany, eo amin’izay itoriana ny fahalalana avy amin’ny seminera iray, no ahafatesan’ireo zanaka.

²⁵⁷ Eo amin’izay itoriana ny finoana avy amin’ny Teny, no mahavelona an’ireo zanaka. Amena. Izany ilay fahasamihafana, ny Fiainana sy ny fahafatesana fotsiny.

²⁵⁸ Ilay zavatra iray ihany no nitranga tao amin’ny sahan’i Edena. Izany marina tokoa no nitranga tamin’izy ireo; rivotra iainana roa tany. Rehefa niala tamin’ilay Anankiray tsara i Eva, nankeo amin’ilay anankiray ratsy, dia maty izy. Hitanareo? Hanao an’izany ilay izy, isan’andro.

²⁵⁹ Noho izany, tsy afaka mijanona izy ireo. Raha manana an’izany karazana rivotra iainana iray izany ny fiangonanareo, oh, rankizy, raha te-ho velona ianareo, dia minoa ny Teny.

²⁶⁰ Ankehitriny, eto dia hanindrona kely izany ankehitriny. Ary tsy amin’ny fomba henjana no tiako anaovana azy. Izaho fotsiny... Fampianarana ity. Ianareo tsy maintsy, rehefa mikasika an’ireo toerana ireo ianareo, dia tsy maintsy manindrona sy mandoro, kely, hitanareo.

²⁶¹ Andraso ankehitriny. Tahaka ny mametraka marika amin’ny zanak’omby iray fotsiny. Halako ny nanao an’izany taloha, ny manisy marika zanak’omby iray; biby kely mampalahelo. Nihazakazaka izahay tany. Ary tsy fantatro raha efa mba nanao tora-tady zanak’omby iray ianareo, na tsia, ary—ary—ary—ary namatotra azy ireny. Fatoranareo ny tongony efatra, hitanareo, ampifanapahanareo ilay... Ary ilay zalahy kely mampalahelo! Mihazakazaka eo ianareo, maka an’io vy mahamay fanaovana marika io, mametaka an’izany eo aminy. Oh, rahalahy, toa nahatsiravina izany. Rehefa mitsangana ianareo, dia nanana fotoan’ny hazakazaka iray marina tokoa izy. Nihazakazaka sy nitsipatsipaka fotsiny izy, ary vazavaza sy horakoraka, ary manohy. Fa, teneniko aminareo, fantatr’izy ireo, manomboka amin’io fotoana io, hoe an’iza izy. Marina izany. Fantatr’izy ireo hoe inona—an’ny kijana inona izy. Tsy misy vazivazy mikasika an’izany arak’izany.

Noho izany, ndao isika hanisy marika. Ndao isika hanisy marika. Eny, tompoko.

²⁶² Rehefa nilaza izy ireo, fantatrareo, ilay... Ianareo, maro aminareo, no efa namaky na—na nihira an’ilay *Cowboy’s Meditation*, hitanareo. Ary ilay iray taona very lâlana, rehefa ampidirin’izy ireo izy, teo amin’ny farany tany, tao amin’ilay fanangonana; ilay iray taona very lâlana, dia nataon’izy ireo lasopy fotsiny izy, satria izy tsy nanana marika teo aminy, mihitsy. Ary noho izany dia mandeha mankeo amin’ny kijanany manokana ny sisa amin’izy ireo. Fa ilay sefon’ny fanangonana dia mahafantatra ny biby fiompiny, noho izany ianareo raha... Maharary ny marika.

²⁶³ Jereo ankehitriny. Afaka manaporofo ara-tsiansa i Satana, amin'ny alàlan'ny fahendreny... Ankehitriny dia hilalao an'ilay ampahany an'ny dokotera iray aho eto, mandrity ny minitra vitsy. Afaka manaporofo ara-tsiansa i Satana, amin'ny alàlan'ny fahendreny, fa ny tany izay homeny, mba hitomboan'ny taranak'olombelona, dia nanana vitamina. Azo antoka fa nanao izy. Afaka nanaporofo an'izany ara-tsiansa izy. Afaka manaporofo ara-tsiansa ny zavatra rehetra tiany ho porofoina izy ireo, saiky. Hitanareo? Azo antoka.

²⁶⁴ Izany dia nanana vitamina P, "fahafinaretana, laza." Izany no ao anatiny. Izany no ao anatin'ny tanin'ny fahendreny. Azo antoka. Azo antoka. Ny fahafinaretan'izao tontolo izao rehetra, ireo fampisehoana sarimihetsika rehetra, ireo dihy rehetra, ny rehetra, ny zavatra rehetra, "Mandrosoa. Mety tsara izany. Tsy handratra na inona na inona. Azo antoka." Hitanareo? Laza, "Oh, ianareo no fiangonana goavana indrindra izay misy ato amin'ny tanàna." Eny ary.

²⁶⁵ Izany dia nanana vitamina C tao anatiny, izay tondroiny ho "fisainana tsara." "Manao fandanjalanjana, hitanareo." Hia.

²⁶⁶ Izany dia nanana vitamina R tao anatiny, izay midika hoe "fandanjalanjana." Hia, afaka mandanjalanja izy. Saingy, hitanareo, tsy hety izany.

²⁶⁷ Izany dia nanana vitamina tsara, B, tao anatin, izay midika hoe "hatsaran-tarehy." Tsara tarehy i Satana. Tsara tarehy ny fahotana. Ary arakaraky ny mahalasa ny fahotana hitombo hatrany sy hatrany, no mahalasa ny fahotana ho tsara tarehy hatrany.

²⁶⁸ Trano tsaratsara kokoa firy no ananantsika amin'izao andro izao noho ny trano hazo? Impiry tsara tarehy kokoa izany? Impiry tsara tarehy kokoa ireo vehivavintsika amin'izao andro izao noho izy ireo taloha? Hitanareo? Impiry tsara tarehy kokoa i Florida, noho izay naha-izy azy ankehitriny, sy ny fomba namoronan'Andriamanitra azy? Hitanareo?

²⁶⁹ Manana hatsaran-tarehy izy. Firy no mahafantatra fa hatsaran-tarehy iray i Satana? Ary naniry ny hatsaran-tarehy izy, ka niezaka namorona hatsaran-tarehy, fanjakana tsara tarehy kokoa, sy ny sisa. Azo antoka. Fantatsika izany. Ao amin'ny hatsaran-tarehy i Satana.

Mariho ankehitriny. Nanana vitamina R izy, dia ny "fandanjalanjana."

Vitamina B, dia ny "hatsaran-tarehy."

²⁷⁰ Vitamina M, dia ny "moderina." "Oh, te-ho moderina ianareo." Alaivo fotsiny ny fahalalany dia jereo raha tsy mino an'io karazan-javatra io ianareo. Hitombo ao anatinareo mihitsy izany. Ho tonga eo amin'izay ipetrahanareo mihitsy io vitamina io.

²⁷¹ Mitsangana ny olona iray, manome anareo ny iray amin'ny fahalalany hoe, "Jereo ankehitriny, ry sakaiza. Hanao ahoana moa raha nalaitsika io katedraly lehibe, maha-te-ho tia eto io ka nanana hiakiaka betsaka, sy tomamy, sy fitenenana amin'ny fiteny tsy fantatra, sy hazakazaka mandroso-sy-miverina eo amin'ny gorodona, misy faroratra eo amin'ny vava tahaka ny alika romotra? Ary—ary inona no heverinareo ho lazain'ilay ben'ny tanàna, komitin'ny diakona, raha namela karazanjavatra tahaka an'izany hiditra ato isika?" Oh, azo antoka, moderina izany.

²⁷² "Mihevitra ve ianareo fa nitsangana eny amin'ny lâlambe ny olonay, miaraka amin'ny ampongatapaka eny an-tânany? Ary inona no hataon'izany raha ho tonga ireo anabavinay miaraka amin'ny volo goavana, lava mihantona midina? Ary mandeha eran'ny tanàna ny sisa amin'ireo vehivavin'ny fiangonana hoe, 'Jereo io. Jereo io.' Nahoana, ny filohan'ity fiangonana ity, na mety ho iza ilay izy, fantatrareo, 'Eny, jereo, jereo io. Mitovy amin'ny modely tranaindy iray izy, sa tsy izany? Vaky ny kodiara fanolony aoriana.'" Hitanareo? Fantatrareo, zavatra tahaka an'izany.

²⁷³ "Te-ho moderina izahay." Hitanareo? Izany no fahendren'ny devoly. Izay no ampaniriany. Izany ilay vitamina izay ao anatin'ilay tany, izay mivoaka ao anatin'ilay vokatra izay vokariny. Manohiza, ianareo Jezebela moderina. Eny àry. Moderina, tahaka an'ireo vehivavy amin'izao andro izao. Azo antoka. Oh, moderina. "Eny, ireo olona moderina indrindra an'ny tanàna no ho tonga ao amin'ny fiangonana." Azo antoka. Izany dia manana... Nahoana? Mitombo ao anatin'io vitamina moderina io izy ireo.

²⁷⁴ Vitaminin'ny fandanjalanjana, eny àry, mitombo ao anatin'izany izy ireo. Hitanareo? Izany ilay izy, fandanjalanjana. Fa vantany vao manomboka mitombo ao anatin'izany ianareo, dia maty amin'ny Teny ianareo. Tsy maintsy mandà ny Teny ianareo alohan'ny ahafahanareo ho izany. Hitanareo?

²⁷⁵ Ny fomba tokana izay ahafahanareo hany ho lasa mpanota iray dia ny mandà ny Tenin'Andriamanitra. Inona ny fahotana? Tsi-finoana. Tsi-finoana ny inona? Ny Tenin'Andriamanitra. Hitanareo? Tsy maintsy mandà ny Teny ianareo, aloha.

Ankehitriny, oh, manana eo amin'ny vitamina folo amboniny eo aho voasoratra eto.

²⁷⁶ Fa ity misy vitamina anankiray izay tsy nety noteneniny tamin'izy ireo. Nanana vitamina D izy tao anatiny tao. Izany no vitamina goavana indrindra tao anatiny tao, vokany, "fahafatesana." Hitanareo?

²⁷⁷ Izany no andian'olona tsara fitafy indrindra, moderina indrindra izay misy, fiangonana tsara tarehy indrindra, rafipandaminana goavana indrindra, hitanareo, moderina indrindra

izay nisy, tsara tarehy indrindra izay nisy, ireo zavatra mitombona indrindra azo lazaina. “Nahoana no tsy . . .”

²⁷⁸ “Raha nanao antsika ho Famoronanay Andriamanitra, dia nahoana Izy no hanameloka an’ireo vehivavy ireo noho ireo endrinys tsara indrindra, manana volo fohy? Nahoana Izy no hanameloka lokon-tarehy kely?”

²⁷⁹ Eny, nanana anankiray Izy ao amin’ny Baiboly izay nanao an’izany, ka Namahanany an’ireo alika izy. Noho izany dia eritrereto fotsiny ny amin’izany, hitanareo. Marina tokoa izany.

²⁸⁰ “Nahoana no hanao—nahoana Andriamanitra no hanao? Nahoana, oadray, tsy manantena antsika hiaina arak’ity Baiboly ity Izy.” Azo antoka fa manantena Izy. Niteny tamin’i Eva Izy fa izy dia tsy maintsy miaina . . . Na, niteny Izy . . .

²⁸¹ Jesosy no nilaza, hoe, “Ny Teny rehetra no iveloman’ny olona, ny Teny rehetra izay aloaky ny vavan’Andriamanitra.” Iza no nilaza an’izany? Jesosy. Marina ve izany? Hoy Izy hoe, “Raha nilaza zavatra hafa ny olona hafa iray, dia aoka izy ho mpandainga; Ny Teniny no ho marina.” “Ny lanitra sy ny tany ho levona, fa Ny Teniko tsy ho levona.” Eo ianareo izao.

Noho izany ny vitamina D dia mipetraka ao anatin’ny rangopohiny, moderina. Marina izany.

²⁸² Ankehitriny, fa, ny voa Tenin’ny Baiboly dia tsy afaka hitombo ao anatin’izany karazana tany izany. Ahoana no ahafahan’ny olona iray hiditra ao anatin’ny iray amin’ireo fiangonana moderina ireo ankehitriny? Tonga eo amboniny ny Fanahin’Andriamanitra, ka izy ireo—te-hiantsoantso izy ireo hoe, “Voninahitra ho an’Andriamanitra! Haleloia!”

²⁸³ Mba fantatrareo moa? Nahoana, hanao an’ilay mpitory teny hitelina ny toriteniny ianareo. Nahoana, teneniko aminareo. Izaho—toa hitako mihitsy izy manao hoe, “Ahm.”

²⁸⁴ Ary ireo vano rehetra eo ireo, manalava an’io tenda io eo, fantatrareo, mijery manodidina, mba hahita. “Eny, iza no nilaza an’izany?”

²⁸⁵ Noho izany, minitra vitsy, dia hilaza ilay mpitory teny hoe, “Jesosy Kristy, ilay Zanak’Andriamanitra.”

“Voninahitra ho an’Andriamanitra! Marina izany.”

²⁸⁶ “Ahm,” ireo diakona. Hah! Ianareo, eny am-baravarana ianareo, afaka minitra vitsy. Handroaka anareo avy hatrany izy ireo. Hitanareo?

²⁸⁷ Tsy afaka hitombo any ny Teny, tsy afaka hanao an’izany fotsiny. Tsia, tsy afaka hanao an’izany. Hitanareo? Tsy afaka fotsiny mihitsy Izy. Hitanareo?

²⁸⁸ Ary amin’izay fotoana izay dia tonga izy, mamafy ny poiziny eo an-tampon’Izany, miezaka hamono an’ilay tsimok’Aina ao anatinareo. “Ankehitriny misy andian’olona iray eto amin’ny

firenenena amin'izao andro izao, izay mino fa manasitrana Andriamanitra. Nahoana, mazava ho azy, fantatsika, ny fisainana mitombona dia maneho fa nanome antsika an'ireo dokotera Andriamanitra, mba hanasitrana."

²⁸⁹ Ankehitriny, manontania dokotera tsara iray, mato-tsaina raha mpanasitrana iray izy. Hiteny aminareo izy hoe, "Tsia, tomponko. Afaka manala nify iray aho, fa tsy afaka manasitrana an'ilay akanjonify izay nivoahany." Marina izany. "Afaka mametraka sandry iray aho, fa tsy afaka manasitrana azy." Marina tokoa. "Andriamanitra no Mpanasitrana." Hitanareo?

²⁹⁰ Ankehitriny, ahoana no mba hitomboan'ny zavatra iray ao anatin'ny karazan-javatra tahaka an'izany? Ahoana no mba ahafahan'ny Teny voa hitombo ao anatin'izany karazan-javatra izany? Tsy hitombo mihitsy. Tsy afaka hitombo ao anatin'izany karazana rivotra iainana izany Izy. Tsy afaka mihitsy tokoa.

²⁹¹ Fa ny finoana dia mitombo ao anatin'ny vitamina anankiray irery ihany. Vitamina anankiray ihany no ananany. Tsy tokony banana fangaro, mihitsy. Mitombo ao anatin'ny vitamina anankiray ny finoana, ny Teny izany. Izany no zavatra tokana izay ahafahan'ny finoana hitombo, dia ny Teny. Ary ny fomba tokana izay ahafahan'ny hitombo dia satria mino ny Teny izy, ary tsy maintsy mandray ny Teny rehetra izy ka mino fa marina Izany. Ary ny vitaminin'ny finoana dia tononina amin'ny literan-teny efatra hoe, A-i-n-a, "Aina." Manana vitamina L izy, manana ny finoana. Manana vitamina L ny finoana.

²⁹² Ny fahendrena dia manana vitamina P; vitamina R; fahafinaretana; ary vitamina fandanjalanjana; vitamina, ireo vitamina hafa rehetra ireo. Izy ireo, fi...fa....Manana an'izany rehetra izany ny fahalalana. Hitanareo? Manana an'izany rehetra izany ny fahendrena, mandanjalanja an'izany.

²⁹³ Fa zavatra anankiray ihany no ananan'ny finoana: Aina. Izay ihany no hijanona. "Ny Teniko dia Fiainana. Ny Teniko dia Fahamarinana. Izy no Teny, ny Lèlana, ny Fahamarinana, ny Hazavana." Eo fotsiny ihany no ihantonan'ny finoana. Izay ihany. Ary tsy handray an'izany. Fiainan'ny Fanahy Masina, Fiainana Mandrakizay, ao amin'izany no itomboan'ny finoana: Teny, Zoe, Fiainan'Andriamanitra Manokana. Izany no toerana tokana izay ahafahan'ny finoana miasa, dia rehefa mandre ny Teny ny finoana ary mino fa Izany no Tenin'Andriamanitra. Noho izany, ao amin'io Zoe io, no itomboany sy amokarany an'izay nolazain'ny Teny.

²⁹⁴ Andriamanitra, ahoana no Nanaovany an'izao tontolo izao? Mino ve ianareo fa tao amin'ny fisainan'Andriamanitra izao tontolo izao? Azo antoka, tao izy, tsy maintsy tao. Ahoana no Nanaovany azy? Nilaza fotsiny Izy.

²⁹⁵ "Aiza no Hahazoany an'ireo zavatra?" Ahoana no mba ahafahanareo handanjalanja miaraka amin'Andriamanitra,

manao hoe, "Andriamanitra, taiza no Nahazoanao an'ilay fitaovana, mba–mba hanaovana an'ireo vatomampy? Taiza Ianao?" Avy tamin'ireo entona izy ireo. "Taiza no Nahazoanao an'ilay entona, Tompo?" Hitanareo? "Ahoana no mba Nanaovanao ny rano? Inona ilay rangopohy? H₂O. Taiza no nahazoanao an'ilay hydrogène, oxygène?" Hitanareo? Izay ilay izy. Hitanareo? Tsy misy dikany fotsiny izany.

²⁹⁶ Inona no nolazain'Andriamanitra? Tao amin'ireo Fisainany izany. Ary ireo Fisainany dia Ny Teniny, talohan'ny naha-voaseho an'Izany. Noho izany rehefa nilaza ireo Fisainany hoe, "Aoka hisy," dia nisy izany. Izay ilay izy. Eo no ipetrahan'ny finoana.

²⁹⁷ "Tamin'ny...ny..." Hoy ny Hebreo 11 hoe, "Tamin'ny finoana no namoronana an'izao tontolo izao." Vita tamin'ny alalan'ny finoana izao tontolo izao. "Andriamanitra dia nanao an'izao tontolo izao avy tamin'ireo zavatra izay tsy hita." Tamin'ny finoana no nitenenan'Andriamanitra an'izao tontolo izao ho amin'ny fisiana, satria izany dia—izany dia Teny nomanina mialoha. Fa vantany vao Nolazainy izany, dia lasa fiainana.

²⁹⁸ Ankehitriny dia afaka milaza ianareo hoe, "Mino an'Izany aho, Rahalahy Branham." Ao am-ponareeo dia afaka mino an'Izany ianareo. Avy eo dia maneho an'izany hoe, "Mino an'Izany aho." Aza manova an'Izany intsony, mihitsy. Mijanòna tsara amin'Izany. Diniho hoe inona no maniry avy ao amin'izany. Hamokatra ny Teny izany, satria ny finoana izany. Hitanareo? Ny fahendrena mampanalavitra anareo. Ny finoana mitondra anareo mankeo amin'Izany. Hitanareo ve izany?

²⁹⁹ Mandrantsana ny fanekem-pinoana rehetra nataon'olona izany, mandrantsana ny sekoly fianarana rehetra, an'ny teolojia nataon'olona, mandavo azy ireo hangatsiaka mihitsy. Eo izy ireo, ny profesoran'izy ireo, D.D., Ph.D., L.L., Q.U.D., ary ireo lehilahy rehetra dia tsy maintsy mandeha any am-pianaranana ka mianatra psykolojia sy ireo zavatra hafa rehetra ireo. Zavatra anankiray ihany no avelany. Ahoana no anehoany ny tenany miaraka amin'ny psykolojia, sy karazan'akanjo inona no hanaovana, sy ahoana no tsy maintsy hanaovany "amena" tahaka an'izany fotsiny, ary, oh, fahadalana! Avelao ny...

³⁰⁰ Aoka hotarihin'ny Fanahy Masina. Ireo zanak'Andriamanitra dia tarihin'ny Fanahin'Andriamanitra, fa tsy fahendren'ny seminera. Fa ny Fanahin'Andriamanitra no mitarika an'ireo zanakalahy sy zanakavavin'Andriamanitra. Izany tokoa. Marina izany. Amena.

³⁰¹ Ankehitriny, dia avelao hivoaka ny fanekem-pinoana rehetra, ny sekoly fianarana rehetra, ny teolojia nataon'olona rehetra. Tsy mahagaga raha tsy afaka mino izy ireo; tsy misy na inona na inona ao anatiny ao mba hitomboan'Izany.

Hitanareo? Manana vitamina R izy ireo, fandanjalanjana, izay natao hariansika. Vitamina laza, vitamina fahafinaretana, “Tsy maintsy manana lalao kely iray fotsiny.” Karazana lalao inona? “Oh, mivoaka dia manao mamo kely iray, matetitetika, fantatrareo. Manana lalao kely iray fotsiny; tsy hanao fahasamihafana mihitsy izany.”

³⁰² Fantatrareo, ireo zavatra kely tahaka an’izany eo, izy ireo fotsiny dia io rehetra, io vitamina rehetra io. Hitanareo? Ary ahoana no mba hampitomboan’io karazana vitamina io Teny iray, izay mandà an’io vitamina io? Ahoana no hanaovanareo an’izany? Hitanareo? Mandà an’izany ny Teny. “Raha tia an’izao tontolo izao ianareo, na ireo zavatr’izao tontolo izao, dia tsy ao anatinareo akory aza ny fitiavana an’Andriamanitra,” hoy ny Baiboly. Hitanareo? Noho izany dia ahoana—ahoana ny an’Andriamanitra... Ahoana no hitomboan’ny Tenin’Andriamanitra eo ambanin’ny vitamina tahaka an’izany?

³⁰³ Mila vitamina anankiray ao anatin’ny tany izany hamokatra an’ilay voa. Tsy maintsy ho ao anatin’ilay karazana tany tsara izany. Ho tonga eo amin’izany isika, afaka kelikely fotsiny. Hitanareo? Tsy maintsy manana an’ilay karazana tany tsara, fa raha tsy izany dia tsy hampitombo an’ilay voa izy. Raiso ireo tany sasany, tsy hampitombo an’ity izany, fa hampitombo zavatra hafa iray. Tany feno fasika, vitamina samihafa, sy ny sisa, mampitombo zavatra sasany. Raha tsy izany, nahoana, raha tsy manana an’izany ianareo, dia tsy hampitombo azy fotsiny izany. Izay ihany.

³⁰⁴ Ankehitriny, ireo ahi-dratsy dia haniry saiky na aiza na aiza mihitsy, amin’ny karazan-tany rehetra. Tsy marina ve izany? Haniry na aiza na aiza mihitsy ireo ahi-dratsin’anaram-piangonana tranainy.

³⁰⁵ Fa, teneniko aminareo, rahalahy, raha te-hamokatra an’ireo vokatry ny Fiainana ianareo, dia tsy maintsy tonga avy amin’ny Teny izy. Marina izany. Marina izany. Azo antoka. Eny àry.

³⁰⁶ Manantena aho fa tsy mihazona anareo ela loatra, izao maraina izao. [Hoy ny fiangonana hoe, “Tsia.”—Mpand.] Hitanareo? Ankehitriny, aza... Hitanareo? Eny àry.

³⁰⁷ Tsy mahagaga raha tsy afaka mino izy ireo; tsy manana na inona na inona ivelomana izy ireo. Miresaka ny amin’izy ireo Jesosy ao amin’ny Matio ny toko faha-13 ary ny andininy faha-1. Ndao fotsiny isika hamadika eto ka hahita hoe ahoana no nilazan’i Jesosy mikasika an’izany, ireo zavatra izay resahantsika. Matio ny toko faha-13, ary ao amin’ny andininy faha-1.

Ary tamin’izany andro izany Jesosy dia nivoaka ny trano, ka nipetraka teo amoron’ny ranomasina.

Ary nisy vahoaka betsaka tafangona...teo aminy, noho izany dia niditra tao anatin'ny sambo iray izy, ary dia nipetraka; ary ny vahoaka betsaka nitsangana teny amin'ny morona.

Ary izy niteny zavatra tamin'izy ireo, ary niteny zavatra maro tamin'izy ireo tamin'ny fanoharana, nanao hoe, Indro, nivoaka ny mpamafy mba hamafy voa;

Ary rehefa avy namafy izy, ny voa sasany dia nilatsaka teny amoron-dàlana, ka tonga ny vorona ary nandany azy ireny:

Ny sasany nilatsaka teo amin'ny tany nisy vato, ka rehefa tsy nanana tany betsaka izy ireo: ary vantany vao nipoitra izy ireo, satria tsy nanana tany lalina izy ireo:

Fa rehefa nipoiska ny masoandro, dia may izy ireo; ary tonga...ary satria tsy nanana faka izy ireo, dia nalazo.

...ny sasany nilatsaka teny amin'ny tsilo; ka naniry ireo tsilo, dia nangeja azy ireo tanteraka:

...ireo hafa nilatsaka teny amin'ny tany tsara, ka namokatra sasany, namokatra voa, ny sasany avy zato heny,...enimpolo-...ary telopolo heny.

Izay manana sofina hihainoana, aoka izy hihaino.

³⁰⁸ Tsy fahendrena. “Sofina,” hitanareo, eny àry, “fandrenesana.” Eny àry.

³⁰⁹ Mariho. Nilaza Izy fa nivoaka ny sasany, rehefa nivoaka ilay Voa, nitory ny Teny.

³¹⁰ Ny sasany nilatsaka teny amoron-dàlana; tahaka ny rano eo an-damosin-ganagana fotsiny, milatsaka avy hatrany.

³¹¹ Ny sasany nilatsaka teo ambonin'ny tany nisy vatolampy, nisy vato, nanana vovoka kely fotsiny izy izay nitsoka teo. Ary nipoitra, saingy tsy nanana faka izy, tsy nisy toerana hametrahana ny fakany. Ankehitriny dia hanao kisarisary aho eto, ary manantena aho fa tsy mandratra fihetseham-po aho. Hitanareo?

³¹² Ny fiangonana Katolika izany. Nilaza izy ireo fa voaorina teo ambonin'ny vatolampy iray izy ireo. Hifanaraka amin'izy ireo aho. Azo antoka fa hifanaraka amin'izy ireo aho. Marina izany. Marina izany. Tsy misy tany eo ambaniny, mihitsy, tsy misy tany eo amboniny mba hitomboany. Nahoana? Izy tsy afaka namokatra ny.... Tsy afaka namokatra vitaminin'ny Baiboly izy ireo, satria tsy mino an'Izany akory aza izy ireo. Ny fotopampianaran'izy ireo dia dogma, marina izany, dogma Romana, tsy misy Teny ao anatiny, mihitsy. Hitanareo? Nilatsaka teo ambonin'ireo vatolampy; fahendrena ambony iray izany. Oh, rahalahy, teneniko aminareo, nanana fanao ambony iray izy ireo. ASEHON'IZY ireo ao amin'ny fomba iray an'ny psykolojia izany, sy

tranobe goavana be, ary akanjo tsara, toy ny hoe andriamanitra masina, ireo pretra sy ny zavatra hafa rehetra.

³¹³ Firy no efa nandre an'ilay fijoroana vavolombelon'io masera kely izay vao avy nivoaka io? Manana an'izany ve ianareo eto? Tiako alefa eto am-piangonana izany indray Alarobia hariva, ka tokony banana an'ilay fijoroana vavolombelona ny olona tsirairay eto. Nanaraka ahy nandrity ny ela be ny iray tamin'izy ireo. Ahoana izy ireo...

³¹⁴ Nandeha tany Mexico aho, ny tenako, ka nahita an'ireo lavaka sokay, ireo lavaka izay nisy an'ireo zazakelin'ireo masera; rehefa nahazo azy ireo avy tamin'ireo pretra izy ireo, ireo zazakely; teo amin'izay nandorana azy ireo tao anatin'ireo lavaka sokay ireo, ary ireo zavatra tahaka an'izany. Izany no nanao ny kominisma hipotra tany Mexico. Nopotehin'izy ireo io hadalana io. Izany no nanao ny kominisma hipotra tany.

³¹⁵ Aza matahotra ny kominisma mihitsy ianareo. Andriamanitra no mampiasa ny kominisma. Tsy mino an'izany aho. Avy amin'ny devoly izany. Fa alain'Andriamanitra ny devoly ka miverina avy hatrany, tahaka ny Nanaovany an'i Nebokadnezara Mpanjaka, ary tonga ka naka an'i Israely. Hitanareo? Hia. Diniho dia jereo raha tsy manaporofa an'izany ny Baiboly. Indray andro any dia hiditra ao anatin'izany isika. Andriamanitra mihitsy no nanangana azy, mba hamaly faty an'ireo zanak'Andriamanitra, teo amin'io janga antitra io. Izany marina tokoa no nolazain'ny Baiboly. Hia. Nanao hoe, "Handoro azy amin'ny afy izy ireo, ka ho tonga eo amin'ny fiafaran'ny fanamelohany izy." Izany marina tokoa no hitranga aminy, ihany koa. Io izy.

³¹⁶ Izany ilay anankiray izay nilatsaka teo ambonin'ireo vatolampy, tena tany kely fotsiny hany ka tsy afaka nitombo ilay zavatra. Maty izy. Noho izany, fahendrena ambony izany.

³¹⁷ Avy eo ny sasany dia nilatsaka teo amin'ny tanin'ny Protestanta, saingy, afaka kelikely, dia ilay fahendrena lehibe an'ireo anaram-piangonana goavana no nangeja azy, nangeja ny Fanahy. "Efa lasa ireo andron'ny fahagagana. Dr. Ranonasy-ranona no nilaza an'izao-sy-izao. Hitanareo? Tsy misy zavatra tahaka an'izany." Tanteraka mihitsy, nangeja ny rehetra. Nangeja ny inona rehetra? Nangeja ny Fanahy, ho an'ny fahendrena. Hitanareo?

³¹⁸ Nilatsaka tamin'ny andron'i Martin Luther ny Fanahy Masina. Nilatsaka tamin'ny andron'i John Wesley ny Fanahy Masina. Nilatsaka tamin'ny andron'ilay fiangonana Pentekotista voalohany ny Fanahy Masina. Fa inona no nataon'ireo anaram-piangonana? Niaraka tamin'ny fahendren'izy ireo, nangeja an'Izany. Nangeja inona? Ilay Voa. Inona ilay Voa? Ny Teny. "Izany tsy midika an'Izao. Izany dia midika an'ity, eo." Hitanareo? Izy ireo dia mahazo an'izany...

³¹⁹ Ankehitriny, lehilahy mahitsy fo maro avy amin'ireo mpitoriteny ireo, efa nihaona tamin'izy ireo aho, nipeetraka ary niresaaka tamin'izy ireo, teo amin'ny lohahevity ny batisa mihitsy aza sy zavatra maro. Nangataka olona iray aho ho tonga, niady hevitra an'izany. Hoy izy ireo hoe, "Rahalahy Branham, raha hanao an'izany izahay, dia handroaka anay ny fiangonanay."

³²⁰ Hoy aho hoe, "Iza? Iza no ambony aminareo, ny Tenin'Andriamanitra sa ny fiangonanareo?" Tsy ho lasa lavitra mihitsy ianareo, ao amin'io vovoky ny anaram-piangonana io. Hitanareo? Hitanareo? Eny àry. Raha mandà ny Teny izy, dia diso. Hitanareo? Izany no maneho fa fahendrena nataon'olona izany.

³²¹ Ankehitriny, voageja ireo Protestanta. Izany no nangeja ny Fanahy hivoaka avy tamin'izy ireo mihitsy, rehefa nanomboka nandray ny fahendrena izy ireo raha tokony ho ny finoana ny Teny; ny fahendrena ao amin'ilay rafi-pandaminana, ilay fahendren'ny rafi-pandaminana raha tokony ho ny finoana ny Teny. Izay rehetra mahazo an'izany, manaoava hoe, "Amena." [Hoy ny fiangonana hoe, "Amena."—Mpand.] Hitanareo? Finoana ao amin'izay ny—izay ananan'ny andian-dehilahy, an'ny Metodista, Batista, Presbyterana, Pentekotista, Evangelika, sy ny rehetra miaraka. Ary tsy ho ela dia tsy maintsy hamorona fikambanamben'ny fiangonana izy ireo, izay ho "ny sary ho an'ny bibidia." Ary banana an'ilay hery iray ihany izy ato amin'ity firenena ity, Apokalypsy 13:11, izay nananan'izy ireo tany; ary hiteraka fanenjehana iray an'ireo olo-masina, tahaka ny nataon'izy ireo tany amin'ny voalohany mihitsy, ilay—ilay fiangonana Romana. Hitanareo? Eo mihitsy no hahatongavany ankehitriny.

³²² Ary izany no antony amafazana ny Teny ankehitriny, hatraiza hatraiza hoe, "Mijanòna lavitra an'izany. Mivoaha avy ao amin'izany." Hitanareo?

³²³ Ankehitriny, ny fahendrena no nangeja azy. Ny fahendren'izy ireo manokana no manempotra ny Fanahy Masina hiala lavitra azy ireo. Mamelà ahy hanaporofo an'izany aminareo, ao amin'ny Baiboly, Apokalypsy, ny toko faha-3; izay vao avy nitetezantsika an'ireo taom-piangonana. Nosemporin'Ny Fianganany Jesosy, ary natao tany ivelany; niezaka nandondòna teo amin'ny varavarana, mba hiverina hiditra. [Mandondòna eo amin'ny polipitra Rahalahy Branham—Mpand.] Ah-hah. Izany marina tokoa no Voalazany hoe, "Mitsangana eo am-baravarana Aho ka mandondòna. Raha misy olona hangetaheta, raha hamela Ahy hiditra fotsiny izy, dia ho avy Aho." Saingy tsy nisy olona nanokatra ny varavarana. Hitanareo? Noroahan'izy ireo Izy. Inona izany? Izy ireo dia nanana ny... Nilatsaka teo amin'izy ireo ilay Voa. Hitanareo? Hitanareo?

³²⁴ Saingy ny sasany nilatsaka tao amin'ny lohasahan'ny fanenjehana. Ny voa sasany nandeha nankao anatin'ny lohasahan'ny fanenjehana. Ankehitriny, ao amin'ilay lohasaha no ahitanareo ny rano, ilay tany tsara indrindra. Rehefa maka olona iray ianareo izay efa nokapohina hany ka nokapohiny niala avy tao aminy ny teolojia rehetra, nihomehezana izy, noesoina izy, teo amin'izay nandalovany an'ireo fitotoambary ka nitoto an'izany rehetra izany niala taminy, mandrapahavonon'ilay vy hiasa, dia hahita ianareo fa misy hamandoana vitsivitsy manodidina eo. Marina izany. Tao anatin'ilay lohasaha, efa nariana tao anatin'ilay lohasaha io olona io, noroahan'ny rafi-pandaminany. Izy dia "ao anatin'ny fanarium-pako ambany," izany no iantsoan'izy ireo azy. Hitanareo? Tsy ireo fanarium-pako, fa "ilay lohasaha," no nampianarina antsika. Ao anatin'ny lohasaha ambany ao, fantatrareo, ao no maniry ny Lisy, ihany koa, fantatrareo. Ah-hah. Ah-hah. Marina izany, hitanareo, "Ao amin'ny lohasaha." Eny àry. Ny sasany nilatsaka tao amin'ny lohasahan'ny fanenjehana, fizahan-toetra mafy. Ny sasany tamin'ireo Voa ireo dia nilatsaka tao, lohasahan'ny fanenjehana, ireo fizahan-toetra mafy, nantsoina tamin'ny zavatra rehetra tahaka ny niantsoana an'ilay Lisy hoe, "Belzeboba," noesoina.

³²⁵ Fa ao anatin'io lohasaha io no misy an'ireo reniranon'ny rano. Salamo 1, nanao hoe, "Sambatra ny olona." Mamelà ahy hamaky an'izany fotsiny. Mamelà ahy haneho hoe inona no ao anatin'io lohasaha io. Inona, Salamo... Nihevitra aho fa tsy hanam-potoana, saingy haka fotoana fotsiny isika, hitanareo, hamakiana an'ity, hitanareo, mba banana an'ity eto ity. Hamaky an'ity isika ka hahita hoe inona io olona eto io, izay eo amin'izay nambolena azy mihitsy. Raha nambolena izy teo ambonin'ny... teo ambonin'ny vatolampin'ny tany efitra misy vovoka, izay tsy misy tany mihitsy, na nambolena tao amin'ny lohasaha izy? Eny àry.

Sambatra ny olona izay tsy mandeha eo amin'ny fisainana, ny fahendrena...

Amena! Amen! Amen! Amen!

...tsy mandeha eo amin'ny fisainan'ny ratsy fanahy, ...tsy mitsangana eo amin'ny lalan'ny mpanota, ...tsy mipetraka eo amin'ny sezà miaraka amin'ny mpaniratsira.

Fa ny lalàn'ny TOMPO no sitrany, ny Teny; ary ao amin'ny lalàna, Teny, no saintsaininy andro aman'alina.

Dia ho tahaka ny hazo izay ambolena eo amoron'ireo reniranon'ny rano izy,...

³²⁶ "Renirano." Inona izany? Ireo fanomezam-pahasoavana arapanahy sivy. Reniranon'ny "Rano" iray, Fanahy iray. Rano iray,

saingy avy amin'ny loharano sivy samihafa, reniranon'ny Rano. Hitanareo?

...reniranon'ny rano, izay mamoaka ny voany, vokatry ny Fanahy, amin'ny vanim-potoany; ny raviny koa tsy halazo; ary izay rehetra ataony, izany dia hambinina.

³²⁷ Hitanareo, ny sasany nilatsaka tao amin'io lohasaha teo io, izay misy an'ireo renirano ireo. Ary namoaka...Efa voamarikareo ve? Te-haka zavatra hafa iray aho. Inona no nataon'izany? Nilatsaka izy, tao anatin'ilay renirano... .

³²⁸ Tsy napetraka izy. Izy dia ho tahaka ny hazo iray izay “napetraka, nafindra avy tamin’ity nankany amin’itsy”? Izy dia “nambolena.” Inona? Voafidy mialoha. Io fisainan’Andriamanitra io, talohan’ny fanorenana an’izao tontolo izao, no nametraka azy tao. Hitanareo? Tsy naraikitra, tsy kisendrasendra; fa “nambolena,” voafidy mialoha (inona?) ho amin’ireo reniranon’ny Rano. Oh!

³²⁹ “Tsy halazo ny fakany.” Oh, haleloia! “Na dia maty aza izy, dia Izaho no hanangana azy indray amin’ny andro farany.” Marina izany.

³³⁰ Voafidy mialoha ho Eo izy, tsy kisendrasendra fotsiny. Voafidy mialoha hahazo an’ity Teny ity izy rehefa voafafy Izany. Ary ho eo mihitsy izy. Rehefa mitsatoka izany, dia eo izy. Nambolena izy, tsy natsatoka fotsiny. Nambolena tokoa izy. Marina izany. Fahasamihafana betsaka: manatsatoka tsorakazo iray, sy mamboly zavatra iray. Samihafa izany. Nambolena ilay Voa; nahita an'ireo Lavaky ny fakany manokana Izy. Rehefa manomboka miditra ilay Rano ka mamoaka ny Ainy, ny Fanahy, dia manomboka milaza izy... .

Hoy ianareo hoe, “Misy ireo fanomezam-pahasoavana arapanahy sivy.”

Hoy izy hoe, “Amena.”

“Jesosy, tsy miova omaly ary mandrakizay.”

“Amena.”

“Mbola manasitrana tahaka ny Nataony foana mihitsy Izy.”

“Amena. Amen. Amen.” Hitanareo?

³³¹ Nambolena teo amoron'ny renirano izy, renirano avy amin'ny lafiny rehetra, reniranon'ny Rano. Tsy mahagaga raha tsy mety malazo izy. Tsy mahagaga, nambolena izy. Ny sasany tamin'ireo Voa ireo dia nilatsaka teo. Tsy mety maty izy. Ao anatin'ilay onin'Aina mihitsy izy. Manohy mamokatra izy. Marina izany. Misintona ny Ainy avy ao amin'ireo renirano ireo izy, “renirano,” ny Testamenta Vaovao, ny Testamenta Taloha. Amen. Voafahana fotsiny, manohy hatrany mihitsy! Oh, rahalahy!

*Ho tia Azy ve ianareo? Amena!
Hidera Azy ve ianareo? Amena!
Hanompo Azy ve ianareo? Amena!
Amena! Amena!*

³³² Eny, tompoko. Eny, tompoko. Oh, tiako izany, ary ianareo? Eny.

...mamoaka ny, mamoaka an'ireo voany amin'ny vanim-potoany; . . .

³³³ Genesisy 1:11. “Mamoaka an’ireo voany.” Voa inona? Voan’ny inona? Ireo Voany. Voa inona? Ireo Voany Manokana. Inona ny voa? Ny Baiboly. Hitanareo? Ny rehetra amin’Izany dia eto. Ny voa, fitiavana, dia ato amin’ny Baiboly. Fifaliana, ato amin’ny Baiboly. Hery, Fanahy Masina, ireo zavatra rehetra ireo dia eto, fanasitranana avy amin’Andriamanitra, ireo teny fikasan’Andriamanitra, izany ireo voa. *Eto Izany.* Ary raha nambolena ao anatin’Ity izy, ity dia nambolena tao amin’ilay—ilay karazana tany tsara, ao amin’ny finoana. Inona no ataon’ny finoana? Manomboka mampitombo Azy ny finoana.

Amena!

Manomboka manetsika azy hiakatra. Hitanareo? Izay ilay izy; manetsika azy hiakatra. Azo antoka. “Ho tahaka ny hazo izay nambolena eo amoron’ny rano izy; mamoaka ny voany amin’ny vanim-potoany.”

³³⁴ Ankehitriny, dia karazana voa inona no hovokariny? Jaona 14:11, Jaona 14:11, hoy Izy, hoy Jesosy hoe, “Izy,” mino aho fa ny 14:12 ilay izy, “Izy,” hoy Jesosy, “Izay mino Ahy, ireo asa izay Ataoko no hataony koa.” Nahoana? Ilay Teny iray ihany no ao anatiny. Izy no Teny. Marina ve izany? “Ary raha mitoetra ao Amiko ianareo, ka Ny Teniko ao aminareo, dia angataho izay tianareo.”

³³⁵ Niresaka tamin-dRahalahy Evans iry aoriana iry aho, vao tsy ela akory izay. Tonga teto izy. Mamily fiara tena lavitra izy! Veriny ny fiarany. Nipetraka tany amin-dry Miller, namela ny fanalahidy tao anatiny, tonga ny olona iray ka nangalatra azy. Nanana ny zavatra rehetra izay nananany izy, tao anatiny. Tonga izy. Izy, izy sy Rahalahy Fred, ary Rahalahy Tom, ny sasany tamin’izy ireo, tonga tany an-trano. Ary nilaza . . . Eny, toy ny ankizy kely iray izy izay nesorina taminy ny vatomaminy; izy, voakaravasy tanteraka fotsiny, fantatrareo. Hoy izy hoe, “Tsy fantattro fotsiny izay hataoko.” Hoy aho hoe, “Eny, . . .”

³³⁶ Ankehitriny dia inona izany? Ankehitriny, tonga izy ireo, inona ilay zavatra voalohany? Araka ny Teny; mangataha amin’ny Ray. “Raha mitoetra ao Amiko ianareo, ka Ny Teniko ao anatinareo, dia angataho izay tianareo.” Inona? Mijanònà amin’ny Teny, mijanònà tsara fotsiny amin’ny Teny.

³³⁷ Hoy aho hoe, “Ndao isika hivavaka.” Nandohalika teo amin’ny gorodona izahay, ary nanomboka, nivavaka.

³³⁸ Ary raha mbola teo, nivavaka izahay, dia hoy aho hoe, “Ray, manatona Anao aho, amin’ny Anaran’ny Tompo Jesosy. Indro ny rahalahy iray izay mandany, miasa andro vitsy fotsiny isan-kerinandro. Ireo tânany, torotoro tanteraka, amin’ny fanamboarana an’ireo fiara simba sy ireo zavatra tahaka an’izany, mba hahazo vola hamiliana fiara efajato ka hatramin’ny dimanjato sy arivo maily isaky ny Alahady, mba ho tonga ao amin’ireo fivoriana. Manana andian’ankizy ho fahanana. Ny vidin’izany ho azy dia teo amin’ny, manodidina ny dimampolo na dimy amby fitopolo dolara isan-kerinandro, mba hanaovana an’izany dia izany, mba ahatongavana aty am-pianganana fotsiny. Hitanareo? Marina. Tonga eto izy, miezaka hihaino ny Teny, tahaka ny anandramanay miezaka hiady ho an’Izany.” Dia hoy aho hoe, “Ankehitriny, dia nisy olon-dratsy nangalatra ny fiarany.” Inona Izany? Hoy aho hoe, “Ankehitriny, Tompo, mivavaka Aminao aho, avereno aminy ny fiarany, amin’ny Anaran’i Jesosy Kristy.”

³³⁹ Inona no nataoko? Nametraka an’ity Teny ity aho, ity teny fikasana ity, teo anatrehan’Andriamanitra, nanisy tombokase an’Izany tamin’ny Anaran’i Jesosy, ary nandefa ny Teny. Nandeha teny amin’ny lâlana mihitsy Izany, tany lavitra tany, nahita ny toerana izay nanombohany; tahaka ny alika mpihaza eo amin’ny lâlan’ny bitro iray. Hitanareo? Indro tonga Izzy, teny amin’ny lâlana mihitsy, nidradradradra. Tonga tany, teo amin’ny antsasa-dâlana mankany Bowling Green, Kentucky. Inona no niseho? Nahita azy ny Teny.

³⁴⁰ Tamin’izay fotoana izay mihitsy no niseho ny fahitana iray. Nahita lehilahy iray aho, nanao lobaka mavo, mamily fiara, lehilahy tanora iray, Kristiana iray fahiny. Nandôna azy ny Teny. “Manao ratsy ianao.” Nahazo azy ny Teny. Nandefa Ny Teniny Izzy, hitanareo, hitanareo, ary nahatratra azy. “Ho tratra ao anatin’io ianao, indray andro any, ary ho azon’ny lalâna ianao nohon’ny fanaovana an’io. Miverena ka ento miverina ilay izy.” Azon’ny Teny izy. Efa Kristiana iray izy fahiny. Nahita azy nitondra an’ilay izy teto aho, nametraka azy teo amin’ny sisin’ny lâlambe.

³⁴¹ Hoy aho hoe, “Ankehitriny, rahalahy, raiso fotsiny mihitsy, ny lâlana anankiray eto, hahita ny fiaranao ianao. Miandrasy eto vetivety, na izany aza, mandra-pameriny azy. Ankehitriny, nanana fitehirizan-tsolika feno ve ianao?”

“Eny,” hoy izy.

³⁴² Hoy aho hoe, “Tsy hisy zavatra hanelingelina. Fa hisy antsasak’io solika io, satria nila antsasak’izany ilay izy, lany. Saiky teo amin’ny antsasa-dâlana nankany Bowling Green izy, saiky—saiky zato maily no andaniandy an’izany.”

³⁴³ Rehefa hitany ilay izy, dia tahaka an'izany no nipayrahany, izany marina tokoa. Inona izany? Nandeha ny Teny ka nahazo azy.

³⁴⁴ Niverina ka nilaza, tsy ela akory taorian'izany, dia nisy olona iray nividyi fiara iray taminy. Nitsoaka izy ka tsy naloany ilay izy. Hitanareo? Hoy izy, "Rahalahy Branham . . ."

³⁴⁵ Nieritreritra aho hoe, "Ilay lehilahy mampalahelo!" Nananany efajato dolara izy. Hoy aho hoe, "Mivavaka aho." Nalefako ny Teny. Nandeha ny Teny, nandeha teo amin'ny lalany, nahita azy.

³⁴⁶ Rehefa, nandeha izahay mba hahita an'ilay lehilahy. Izy, tsy Kristiana iray mihitsy, hitanareo, izy dia nanao—izy dia nanao . . . Nihomehy izy. Nangataka azy izy ireo, handeha any am-piagonana, indray mandeha. Hoy izy hoe, "Eny, raha mbola eo am-pitoriana ilay mpitoky teny, dia hitady mena volo tsara tarehy aho." Noho izany, hitanareo, ianareo tsy afaka hahita . . . Hia. Izany no—izany no—devoly izany, izany no, hitanareo. Noho izany dia tsy afaka namikitra teo aminy ny Teny.

³⁴⁷ Inona no nataon'ny Teny? Nanara-maso azy Izany. Hitanareo? Aza fotsiny . . . Nanohy nihazona fotsiny Rahalahy Welch, nanao hoe, "Ho mety tsara izany. Ho mety tsara izany." Nanenjika azy ny Teny. Hitanareo? "Raha mitoetra ato Amiko ianareo, ary Ny Teniko ao anatinareo, dia angataho izay tianareo." Hitanareo? Nanenjika azy ny Teny.

³⁴⁸ Ny zavatra voalohany fantatralereo, namily fiara ny iray tamin'ireo zananilahy, teto teny an-dàlana, ary teo ilay izy. Hitany tao anatin'ny fiara ilay lehilahy, nalainy ny nomeraony, nitatitra, nitatitra an'izany, tamin-dRahalahy Wood. Nantsoin'izy ireo ilay izy, hahitana hoe taiza no nisy azy. Tany Bowling Green izy.

³⁴⁹ Andriamanitra any An-danitra no mahafantatra, tsy nandre teny iray mikasika an'izany aho, tsy nahafantatra na inona na inona mikasika an'izany.

³⁵⁰ Ny Alahady lasa, herinandro lasa izay, tolakandro, rehefa nahavita nitory teny izahay teto, nandeha tany ary nanolo an'ireo akanjoko, ka vonona ny handeha any Florida, ho an'ny . . . na tany . . . Rahalahy Welch, ho an'ny favoriana an'io hariva manaraka io. Rehefa nidiitra tao anaty fiara aho, dia hitako io lehilahy io. Hoy aho hoe, "Rahalahy Welch . . ." Tsy afaka niteny taminy aho, ankehitriny. Izy no tsy maintsy nanao an'ilay hetsika, ny tenany, hitanareo, tahaka ny tsy maintsy nanaovan'i Meda ny fanapahan-keviny fotsiny teo. Hitanareo? Hoy aho hoe, "Handeha hankany Bowling Green isika."

Hoy izy hoe, "Eo amin'ny telopolo maily miala amin'ny lalana izany."

³⁵¹ Nandeha teny an-dàlana izahay. Nieritreritra aho hoe, “Oh, izy—izy, izy dia—ho azony ilay izy. Hitanareo? Ho azony ilay izy. Hitanareo? Tsy maintsy ho azony fotsiny ilay izy.”

³⁵² Nanohy nandeha izahay. Izaho sy Ranabavy Evans... Ary afaka kelikely, dia hoy izy hoe, “Fantatralo, Rahalahy Branham,” hoy izy, “efa donto saina ve aho?” Hoy izy, “Nilaza ianao hoe Bowling Green, vao teo.”

“Hia.”

³⁵³ Hoy izy hoe, “Fantatralo ve fa io lehilahy izay naka ny volako io, dia nandositra niaraka tamin’izany?”

“Eny.”

³⁵⁴ Hoy izy, “Any Bowling Green izy. Efa nieritreritra mikasika an’izany aho. Izaho fotsiny... Manana zavatra iray aho eto. Havadiko ilay izy, hahita hoe aiza no misy azy. Noho izany aho dia hamadika...” Hoy aho...

³⁵⁵ Hoy aho, “Inona no hataonao? Handeha ho any ve ianao, hahazo ny volanao?”

³⁵⁶ Ankehitriny, hitanareo, raha miteny aminy aho, amin’izay fotoana izay... Hitanareo, manana zavatra hatao izy, samirery. Hitanareo? Manana zavatra hatao izy. Tsy afaka niteny taminy aho. Raha niteny aho, dia ho nampijanona an’ilay fahitana teo no ho eo izany. Hitanareo? Noho izany aho dia tsy maintsy namela... Hitanareo? Mitovy fotsiny...

³⁵⁷ Nahoana Jesosy no nitsangana teo, nilaza tamin’i Maria sy Marta hoe, “Esory ny vato”? Nahoana, Andriamanitra Izy. Afaka nilaza Izy hoe, “Ry vato, aza misy intsony,” dia tsy ho teo izy. Fa tsy maintsy nanana zavatra hatao izy.

³⁵⁸ Nahoana Izy no nitsangana teo, njery ny fijinjana? Mino ve ianareo fa Izy no Tompon’ny fijinjana? Nilaza tamin’ireo Mpianany Izy hoe, “Mivavaha amin’ny Tompon’ny fijinjana, mba Handefasany mpiasa ao amin’ny Fijinjany.” Amin’ny teny hafa, “Mangataha Ahy hanao an’izay Hataoko.” Hitanareo?

³⁵⁹ Mpinamana isika. Isika dia—isika dia... Fianganana iray izany. Manana zavatra hatao isika, samirery. Manana zavatra hatao ianareo. Ity ny Filazantsara, fantattro Izy, fa raha mipetraka eo fotsiny ianareo ka tsy mitory Azy, dia inona no soa Hataony? Hitanareo? Manana zavatra hatao ianareo. Tsy maintsy manao ezaka iray ianareo. Ianareo manana... Hoy ianareo hoe, “Eny, mino aho fa afaka manasitrana Andriamanitra, saingy tsy fantattro fotsiny.” Mitsangàna ka avelao ity Teny ity ho lasa teninareo. Inoy Izy. Aza mandanjalanja Azy; inoy fotsiny Izy.

³⁶⁰ Hoy aho hoe, “Eny...” Fantattro, fa raha tsy nandeha izy, dia ho veriny ilay izy. Hoy aho hoe, “Raha izaho ilay izy, raha izaho ilay izy, dia ho nandeha naka ny volako teo no ho eo aho.” Ary nanao izy. Rehefa nosintoniny avy teo am-pandriana ilay

lehilahy, dia nanana vola vitsivitsy izy. Nantsoiny fotsiny ilay mpiara-monina, nanome ny sisa tamin'izany, naloany izany.

³⁶¹ Inona izany? Izany no Teny. Hitanareo, raha afaka mahita toerana iray Izy, dia afaka mihodina Izy. Ankehitriny, ilay zavatra iray ihany mikasika ny fanasitranana avy amin'Andriamanitra.

³⁶² Ankehitriny, ahoana moa raha ho nilaza Rahalahy Welch hoe, "Eny, tsy mihevitra aho fa handeha any; mihevitra fotsiny aho fa handeha amin'ilay lèlana hafa." Ahoana moa raha hoy io lehilahy io hoe, "Eny, tsy handeha any amin'izay tsy misy an'io fiara io aho"? Hitanareo? Tsy hitranga ilay izy.

³⁶³ Fa tsy maintsy mino ianareo. Tsy maintsy mino an'ilay izy ianareo. Ary izany dia... Amin'izay fotoana izay no miditra ao anatin'ny rivotra iainana an'ny finoana izany, ary tsy maintsy mamokatra an'izany. Tsy maintsy fotsiny. Oh, izany dia...

³⁶⁴ Efa mba nieritreritra ve ianareo mikasika, rehefa nitsangana tamin'ny maty ny olona iray, dia inona no mitranga? Efa mba nieritreritra ve ianareo, tany Finlande tany, tamin'ilay fotoana izay nitsanganan'io zazalahy kely io tamin'ny maty? Niala taminy ny fanahiny. Ankehitriny, tsy maintsy mivoaka ny Teny, hatrany amin'ny faritra tsy misy farany any, ka naka an'io fanahy kely io ary namerina azy avy hatrany. Ahoana no Ahafahany manao an'izany? Izany no Teny hoe, "Sitrano ny marary. Atsangano ny maty." Hitanareo? Ahoana no Hanaovany an'izany? Tsy maintsy tonga amin'ny alàlan'ny Teny iray voatondraka izany. Naneho an'ilay fahitana Izy, ary tsy maintsy mitranga izany. Nandry teo ilay zazalahy. Nipetraka teo ny zavatra rehetra araka ny fomba Nilazany azy mihitsy, roa taona tany aloha. Ary nandry teo izy. Izany no antony ilazako mikasika an'ilay bera izay nidina ny havoana, na inona ilay izy: tsy maintsy mitranga izany, tsy maintsy ho izany fotsiny. Hitanareo? Inona no nataon'IZany? Teny!

³⁶⁵ Hoy aho hoe, "Ray any An-danitra, tany an-tanindrazana, dia nilaza tamiko Ianao, teo amin'ny roa taona lasa teo izay, fa hitsangana amin'ny maty ity zazalahy kely ity. Noho izany, eo ambonin'ny fototry Ny Teninao, ny Fampanantenanao. Voalohany, hoy ny Teny hoe, 'Izao famantarana izao no hanaraka an'ireo izay mino.' Naniraka an'ireo Mpianatrao Ianao, Ianao, ka niteny tamin'izy ireo mba 'hanasitranana ny marary, hanangana ny maty, handroaka devoly.' Avy eo, tamin'ny alàlan'ny fahitana iray, dia naneho tamiko Ianao tany an-tanindrazana fa ity zazalahy kely ity dia... dia hiverina amin'ny fainana indray."

³⁶⁶ "Noho izany, ry fahafatesana, tsy afaka mihazona azy intsony ianao. Manana ny Tenin'ny Tompo aho."

³⁶⁷ Tsy izaho; tsy izaho no Teny. Izy no Teny. Hitanareo? Raha izaho no Teny... Olona Anankiray ihany no afaka ho ny Teny, Jesosy izany. Izy no Tenin'Andriamanitra voambara,

tamin'ny alàlan'ny fahaterahana ara-virijiny. Izaho mpivadika iray, hitanareo, izaho dia—izaho dia vokatry ny firaisansa iray teo amin'ny raiko sy reniko. *Ity dia tsy maintsy maty; ity dia izaho, hitanareo, ilay vatana izay tsy maintsy maty.*

³⁶⁸ Tsy tahaka an'izany, ny amin'i Jesosy. Izy no Teny. Izy dia teraka, ara-virijiny. Rahalahy, tsy misy vehivavy, lehilahy, na inona na inona hafa, nisy nidiран Taminy. Ilay vehivavy no fanakotrehana, marina izany, ary ninono ny nonony Izy, sy ny sisa. Mety ho efa marina ny mikasika an'izany. Saingy, mameл ahy hiteny aminareo, fa Andriamanitra Izy. Izany no nahai-Zy Azy. Tsy nisy fananahana mikasika an'izany, mihitsy. Tsy maintsy afaka tamin'ny fananahana Izy, mba hitondra Aina amin'ny alàlan'io Rà io; araka ny hahatongavantsika eo, afaka minitra vitsy. Ary avy eo, jereo, Izy no Teny.

³⁶⁹ “Fa ny Tenin’ny Tompo . . .” Tsy ireo mpaminany no Teny. “Fa ny Tenin’ny Tompo no tonga *tamin’ireo mpaminany*.” Tsy . . . Tsy izy ireo no Teny. Ny Teny no tonga *tamin’izy ireo*.

³⁷⁰ Tahaka an'izany no Ataony amintsika amin'izao andro izao. Rehefa tonga ho an'io zazalahy kely io ny Teny, dia inona izany? Fahitana iray. Inona izany ho an'ilay bera? Inona izany ho an'ireo zavatra hafa ireo? Ny rehetra, fahitana iray. Izany no Tenin’ny Tompo, tonga ho an'izany. Noho izany dia inona no ataony? Mihazona eo Izany.

³⁷¹ Ankehitriny, tsy maintsy voateny izany, aloha. “Ry fahafatesana, avereno izy. Amin'ny Anaran'i Jesosy Kristy, mandefa an'ity Teny ity aho.” Mahazo, tahaka ny Nahazoany an'io zazalahy izay nandeha teto nankany Bowling Green io, niaraka tamin'io fiara nangalarina io. Indro Izany mandeha *eto* ary mahazo indray. Inona no Ataony? Izany dia maka an'io—io fanahy kely io, mamerina azy eto avy hatrany, ary maneho azy ao amin'ilay vatana, araka ny nolazain'ny Teny fa Hataony mihitsy. Izay ilay izy. Inona no ataony? Finoana, fa tsy fahalalana.

³⁷² Hoy ianareo hoe, “Ndao jerentsika ankehitriny. Ny rivotra dia vita avy tamin'izao-sy-izao. Misy asidra betsaka. Misy entona betsaka. Misy hazavana kosmika betsaka. Azoko fantarina izany. Ary angamba raha izaho . . .” Oh, ianareo dia—ianareo dia . . . Mandany fotoana ianareo.

³⁷³ Tsy fahendrena; finoana! Tsy fahendrena; hiteny aminareo fa tsy mety ho vita izany. Ny finoana dia manaporofa fa vita ilay izy, hitanareo, marina izany, maneho fa Izy no tsy miova omaly, anio, ary mandrakizay. Eny àry.

Ndao isika handeha haingana ankehitriny. Tsy maintsy mandeha haingana isika.

³⁷⁴ “Mamokatra voa araka ny Karazany” Jaona 14 dia milaza, hoe, “Izay manao Ny . . . Izay mino Ahy, ireo asa, ireo famantarana izay Ataoko . . .”

Ankehitriny, hoy ianareo hoe, “Izany ve ireo famantarana izay Ataony?”

³⁷⁵ Niditra tao amin’ny trano iray izay nisy zazavavy kely iray Izy, ilay zanakavavy tokan’ny mpitoriteny iray, nandry; maty, nangatsiaka, hatsatra, nandry teo. Izy angamba efa maty ora maro talohan’ny Nahatongavany teo. Nampandrian’izy ireo teo amin’ny fandriana kely iray izy, vonona ny haka azy, hanosotra azy. Niditra tao amin’ilay efitra izay nisy azy avy hatrany Jesosy, tahaka an’izany. Nitoloko izy ireo ary nitomany tahaka an’izany. Navoakany izy rehetra ireo, nanao hoe, “Mivoaha avy eto. Mivoaha.” Hoy Izy, “Avia eto, Petera, Jakoba, ary Jaona. Fantatro fa mino ianareo.” Nilaza tamin’ilay ray hoe, “Nino ianao, fa raha tsy izany dia tsy ho nitady Ahy ianao.”

Dia hoy ilay reny hoe, “Tompo, mino aho.” Hitanareo?

Hoy Izy, “Mijoroa eto.”

³⁷⁶ Nijery Izy. Nitsangana teo ny zazavavy kely—kely iray. Hoy Izy, “Talita,” izany hoe, “tovovavy.” Haleloia! Tsy nila nivavaka Izy. Izy no Teny. Ah-hah.

³⁷⁷ Tsy mila mivavaka aho, raha afaka mahita an’ilay fahitana, satria efa natao vonona ny Teny. Tsy maintsy mivavaka aho, mba hahazo ny Teny, hahazo an’izay lazain’Andriamanitra. Avy eo dia afaka miteny Azy aho, rehefa avy mahazo an’izay Nolazainy.

³⁷⁸ Fa Izy no Teny. Amena. “Ry tovovavy, hoy Aho aminao hoe, mitsangàna.” Nanarina azy, tamin’ny tanana. Izay ilay izy. Hitanareo? Oh, oadray!

³⁷⁹ Izany no fanehoana. “Mamoaka ny karazany.” Hoy Jesosy hoe, “Izay mino Ahy, ireo asa izay Ataoko no hataony koa.”

³⁸⁰ Noho izany, ireo, hitanareo, ireo zavatra rehetra an’ireo anaram-piangonana ireo sy ny sisa, izy ireo no mampiditra an’ireo karazan-javatra ao anatin’ny fivangongoam-palotoana sy fahotana, tahaka ny nananan’ny kibon’ny tany an’ilay famoronana fotsiny. Marina izany. Oh, oadray! Ahoana no ahafahan’izany hitranga? Ahoana no ahafahan’ny Tenin’Andriamanitra marina hitombo eo amin’ireo mitapabolo, mpanao sorta, mifoka sigara, mpandeha any amin’ny filalaovana kanety be, mpikambana amin’ny fiangonana? Ahoana no ahafahan’ny hanao, nefo vahoaka betsaka tia, -mpitady fahafinaretana tahaka an’izany, no mitangorona sy tia an’ireo karazan-javatra tahaka an’izany, ary tia an’izao tontolo izao? Ahoana no ahafahan’ny fitiavana an’Andriamanitra hiditra? Ahoana no ahafahan’ny Voan’Andriamanitra hitombo ao anatin’ny karazana tany tahaka an’izany? Tsy hahazo faka mihitsy Izy. Tsy hitondra Aina ho an’izany mihitsy Izy. Handry eo ambonin’ireo vatolampy tranainy feno vovoka ara-anaram-piangonana ireo Izy ary ho lò, fa tsy hitondra Aina izany. Eny, tompoko. Eny, tompoko.

³⁸¹ Mpitady-fahafinaretana, “Tia fahafinaretana mihoatra noho ny fitiavana an’Andriamanitra.” Mahatsiravina! Kanefa, manan-tsaina izy ireo. Indroa manan-tsaina noho ilay—noho ilay kilasy hafa izy ireo. Azo antoka. Manan-tsaina, nianatra, mpitady-fahendrena, tahaka an’i Eva fotsiny, ary nahazo an’ilay fatra iray ihany izay azony izy ireo, marina tokoa. Izany no Fahamarinana.

³⁸² Ahoana no ahafahan’ny lisy iray ho velona, Voan’ny lisy iray ho velona sy hitombo, nefä maniry eo ambonin’ny rano izy, mitombo ao anatin’ny iray amin’ireo anaram-piangonana feno vovoka ireo? Ahoana no ahafahany hanao an’izany, nefä maniry eo ambonin’ny Rano izy. Ny Rano dia ny Fanahy. “Manana endriky ny toe-panahy araka an’Andriamanitra izy ireo, nefä mandà ny herin’ny Fanahy.” Hitanareo? Na dia milatsaka eo amin’izy ireo aza ny Teny, dia tsy afaka mitombo Izy. Tsy afaka mitombo Izy. Tahaka ny Teny teo amin’i Eva fotsiny, fa tsy afaka nitombo Izy. Nahoana? Nanaiky fahendrena izy, ny fahendren’i Satana. Tonga eo amin’izy ireo ny Teny. Milatsaka eo amin’izy ireo ny Teny. Azo antoka, milatsaka Izy. Eny, tompoko. Mitombo... Izy, hilatsaka eo amin’izy ireo Izy. Afaka mihaino ny Teny voatery izy ireo.

³⁸³ Efa mba hitanareo ve ireo olona mipetraka ao ampiangonana, tsy hanao hetsika iray mihitsy izy ireo? Mitory amin’ireo vehivavy aho mikasika ny volo tapaka; taona sy taona, no lasa, mbola manana volo tapaka foana izy ireo. Miresaka amin’ireo lehilahy mikasika ny fifohana aho, ireo vehivavy mikasika ny fisotroana; manohy misotro mihitsy izy ireo, na izany aza. Tahaka ny mandraraka rano eo amin’ny lamosin-ganagana fotsiny. Tsy manana toerana hitomboana Izy. Hitanareo? Ilay izy dia io fitadiavana-fahafinaretana tranainy io, laza hoe, “Eny, avelao aloha ny sisa amin’ireo vehivavy hanao an’izany, avy eo dia hanao aho.” Tsy ahoako izay ataon’izy ireo. Andraikitareo ny manaraka ny Tenin’Andriamanitra. Marina izany. Hitanareo?

³⁸⁴ Na dia milatsaka eo amin’izy ireo aza ny Teny, dia tsy afaka mitombo Izy. Ny fahendren’i Satana, hitanareo, noho izany dia lasa vovoka ara-anaram-piangonana fotsiny ilay izy. Tsy afaka mino ny Hebreo 13:8 izy ireo, izy rehetra dia mirehareha amin’ny fahendrena, tsy misy na inona na inona Hitomboany. Hitanareo? Ahoana no ahafahan’izy ireo hino ny Hebreo 13:8 hoe, “Jesosy Kristy ilay tsy miova omaly, anio, ary mandrakizay”? Tsy afaka hanao an’izany. Hitanareo?

³⁸⁵ Oh, milaza izy ireo fa mino an’Izany. Oh, teneno amin’izy ireo Izany, hoy izy ireo hoe, “Azo antoka, mino an’Izany izahay.” Noho izany dia asehoy ahy ny vokatr’izany. Avelao aho hahita an’izany. Avelao aho hahita an’izany vita. Avelao aho hahita an’ilay fiangonana izay itorianareo, manao an’izay nataon’izy

ireo tao amin'ilay Fiangonana apostolika voalohany arak'izany, izay nino ny Teny.

³⁸⁶ Ahodinareo ny batisanareo. Ahodinareo ireo porofonareo. Ataonareo mety amin'ny karazana fanekem-pinoana iray izany; raha tokony handray ny Teny, hamela ny Teny hitondra ny Voany manokana. Manao karazan-javatra iray izay tsy maintsy ataonareo ianareo, mba hitondra porofo iray an'Izany aminareo. Ary afaka mandika ny porofo tsirairay izay tianareo aseho i Satana. Azo antoka, afaka izy, afaka tokoa izy. Saingy tsy afaka mamokatra ny Teny izy. Izany no zavatra anankiray izay mandoro azy. Tsy afaka manao an'izany fotsiny izy. Eny, tompoko. Oh, hia.

³⁸⁷ Ankehitriny dia jereo i Kaina sy Abela. Samy tso-po izy roa. Kaina dia nitondra, tamin'ny alàlan'ny fahendreny, araka ny renim-piangonany, Eva. Izany no reniny. Firy no mahafantatra fa Eva no renin'i Kaina? Azo antoka. Eny àry. Tahaka ny reniny, dia naka ny fandanjalanjana izy, hitanareo, ny fahendrena, ny fahendreny manokana. Fanatitra iray tsara tarehy; nanana an'ireo voninkazo izy. Nanana ny voankazon'ny saha izy. Hoy izy, "Eny, ankehitriny, azo antoka tokoa, hitanao," hoy izy, "Andriamanitra . . ." Ilay izy dia tahaka ny nolazain'i Satana fotsiny tamin'i—tamin'i Eva hoe, "Azo antoka tokoa, azo antoka tokoa . . ." "Azo antoka tokoa fa handray ny fanatitro Andriamanitra. Nanorina alitara iray maha-te-ho tia aho. Nataoko tena tsara tarehy izy. Tena voaravaka izy."

³⁸⁸ Tahaka ny haha-izy an'ity Paska ity fotsiny, handany an-tapitrisany dolara izy ireo, manerana ny firenena, mba hametraka voninkazon'ny Paska eo amin'ny alitara sasany. Tsy natao ho an'ny voninkazo ny alitara; ho an'ny fanatitra izany. Hitanareo? Izany dia maneho fotsiny an'io fanahy trrainainy iray ihany an'i Kaina io, hitanareo, ilay devoly trrainainy—trrainainy ihany hatrany Edena. Hitanareo?

³⁸⁹ Inona—inona no nitranga? Nieritreritra i Kaina hoe, "Azo antoka tokoa . . ." Fantatrareo fa tso-po ilay lehilahy, satria izany dia nidika Fiainana na fahafatesana, ho azy.

³⁹⁰ Ary, ireo olona ireo, aza mihevitra fa mpihatsaravelatsihy izy ireo. Tso-po izy ireo. Hoy ianareo hoe, "Noho izany, afaka ho tso-po ve izy ireo nefä diso?" Azo antoka. Afaka maka arsenika ny lehilahy iray, mihevitra am-pahatsoram-po fa maka menaka castor izy na zavatra, zavatra hafa. Hitanareo? Tso-po; tsy manao an'ilay izy izany. Ilay izy dia Fahamarinana, fa tsy fahatsoram-po. Fahamarinana!

³⁹¹ Ireo vehivavy any Afrika any ireo, dia manao fanatitra ny zaza keliny ho an'ireo andriamanitra, ireo voay. Tso-po tahaka an'izany ve ianareo? Tsia. Firy amin'izy ireo no mitsangana, ireo Sinoa, manapaka ny taolany, ho an'ireo andriamaniry ny lakozia! Ary ahoana ny amin'ireo Mohometana sy any, ary ireo

mpanitsaka-afô? Ary mametraka an'ireo zavatra, oh, manisy lelam-pitana ny nofo, ao amin'ny vavan'izy ireo, ary manjaitra ny vavan'izy ireo.

³⁹² Ary ny sasany amin'izy ireo dia mametraka tsorakazo iray... Manana sarivongana iray aho any, sarivongana kely iray, ny fomba anaovany fanatitra ho an'ny andriamaniny, mihevitra fa handeha any An-danitra izy. Mametraka tsatokazo iray ao anatin'ny vavany ny mpisorona iray, mandrakotra azy manodidina ny lohany, amin'ny rojo iray; tonga, mametraka ny tânany aoriany, mamatotra ny tongony amin'ny rojo. Izy dia tsy afaka misotro, miteny, mihinana, na inona na inona hafa, mandra-pahafatiny.

³⁹³ Mahita Kristiana manao fanatitra tahaka an'izany ve ianareo? Tsy hino ny Fahamarinana akory aza ianareo, ny Teny. Hitanareo?

³⁹⁴ Ankehitriny, "Hatsaran-tarehy," hoy izy, "azo antoka tokoa fa handray Andriamanitra. Jereo hoe tsara tarehy toy ny ahoana ny alitarako."

³⁹⁵ Hitanareo ve io fanahy iray ihany io amin'izao andro izao, an'ny fahendrena? "Eny, raha manorina an'ity anaram-piagonana lehibe ity isika, dia azo antoka tokoa fa handray antsika Andriamanitra." Tsy handray afa-tsy Ny Teniny Izy. Tsia. Hitanareo?

³⁹⁶ "Eny," hoy izy ireo, "ankehitriny, jereo, Rahalahy Branham, raha izahay—raha mamoaka mpitoriteny maro tahaka an'izao izahay isan-taona. Ny fandaharan'ny misioneranay, tamin'ny taon-dasa, dia nihoatra ny iray hetsy dolara." Mety ho tena tsara mihitsy izany, rahalahy, saingy maty ianareo mandrapahafantatrareo an'ity Teny ity ka manatona Azy. Marina tokoa izany.

³⁹⁷ "Nahoana, Rahalahy Branham, ny fiangonanay! Mihevitra anao ho iza ianao, ati-doham-boanjo kely iray fotsiny eo?"

³⁹⁸ Marina izany. Ankehitriny, marina tokoa izany. Marina izany. Fa, na inona na inona aho, dia avelao aho hijanona amin'ity Teny ity. Hitombo ao anatin'ny zavatra iray Izy, indray andro any. Hitanareo? Mijanòna fotsiny amin'ity Teny ity, tsy mampaninona na inona ilay izy. Tsy manana afa-tsy ity tabernakla kely eto ity isika. Izay ihany no ilaintsika, amin'ity fotoana ankehitriny ity mihitsy, toerana iray fotsiny hipetrahana, satria miandry an'i Jesosy ho tonga isika.

³⁹⁹ Tsy mila anaram-piagonana goavana be isika handaniana an-tapitrisany isan-taona, eo amin'ireo tranobe sy ireo zavatra tahaka an'izany; ary ny olona miezaka mitory ny Teny, mijaly any, tsy manana na inona na inona ho hanina, ary ireo zavatra tahaka an'izany. Inona ny olona amin'ireo olona? Ilay izy ve tsy... Oh, toy ny hoe afaka mifoha ny olona.

⁴⁰⁰ Saingy, ny olona rehetra izay afaka manaiky ny Katolisima, dia afaka ny ho jamba tanteraka mba hanaiky ny zavatra rehetra. Hiteny ny Fahamarinana aminareo aho. Ny olona rehetra izay hamela an'izany hidina ao amin'ny tendany, dia afaka—afaka... “Lehilahy hendry,” tsy mahagaga, hoy ny Baiboly hoe, “na dia ireo mpanjakan’ny tany aza dia nijangajanga taminy.” Ary ireo lehilahy hendry, fahalalana, hitanareo, ary manao an'izany izy ireo, ireo pretra, lehilahy manan-tsaina. Oh, ry lehilahy, miresaka ny amin'ny hoe nianatra ve ianareo? Ry tovolahy, tsy maintsy banana taona, sy taona, sy taona, sy taona izy ireo.

⁴⁰¹ Milaza izy ireo fa tsy miaina miaraka amin'ireo masera ireo. Noho izany dia te-hanontany zavatra aminareo aho. Nahoana àry izy ireo no tsy lasa momba? Ah-hah. Ah-hah. Ah-hah. “Izy ireo no Ampakarina, io eo io. Ireo masera no Ampakarina. Ary itsy no Mpampakatra, mazava ho azy, hitanareo.” Marina izany. Mamera Lehibe no manakenda an'ireo zazakely ka mametraka azy ireo ao anatin'ilay lavaka sokay. Tsy mino an'izany ve ianareo? Henoy ny tena anankiray, efa tao, mijoro vavolombelona an'izany. Hoy izy, “Avia ankehitriny, aoka hisambotra ahy ny lalàna.”

⁴⁰² Ary hoy izy ireo, “Hanao an'ilay zavatra iray ihany izay nataon’izy ireo tany Rosia izahay, ilay zavatra iray ihany izay natao tany Mexico. Hapoakanay midanadana io zavatra io, rehefa tonga any amin'ny governemanta izany.”

⁴⁰³ Saingy ahoana no hanaovanareo an'izany ankehitriny nefá manana ny lehiben’izany mihitsy isika ao anatin'ilay governemanta? Hitanareo? Hitanareo? Izany hoe tsy maintsy tanteraka ity Teny ity hoe, “Nandrafitra sary iray izy ireo eto, ho an’io bibidia izay mipetraka eo io. Ary izy ireo dia miaraka miombona sy manome fahefana ho an’io bibidia io, mba hiteny.” Oh, rahalahy, hitsangana eo mihitsy ity Teny ity. Tsy ny kominisma no hanapaka, fa ny Romanisma. Ah-hah.

⁴⁰⁴ Ankehitriny henoy ity eto ity. Hoy i Kaina hoe, “Azo antoka tokoa fa handray ny fanatitro Izy.” Saingy karazana inona? Hoy izy hoe “Nanao fanatitra iray aho.” Fa karazana fanatitra inona ilay izy? Fiainan-java-maniry: voly, voninkazo, legioma. Fiainan-java-maniry, (inona?) tsy misy fijaliana ao amin'izany, tsy misy sazy.

⁴⁰⁵ Tsy te-hijaly ny olona. Izay ilay olana amin’izao andro izao. Tonga izy ireo, tonga mihitsy izy ireo ankehitriny ary mino an’ity Teny ity, raha toa ka tsy voatery hivoaka ny fiangonany izy ireo, raha toa ka tsy voatery ihomehezana izy ireo, esoina. Tsia. Mila fiainan-java-maniry izy ireo, karazana fahendrena iray. “Eny, ity fiainana ity dia tsara mihitsy tahaka an’Itsy.” Tsy izany ilay izy. Hasehoko anareo hoe avy aiza izany, afaka iray minitry fotsiny, raha sitraky ny Tompo.

Fa, “Abela, tamin’ny finoana.” Voninahitra!

⁴⁰⁶ Kaina, tamin’ny fahendrena, dia nanao hoe, “Azo antoka tokoa fa hanaiky an’ity Andriamanitra. Ity ny alitara iray. Manana fiangonana iray aho.” Izany no fiangonana iray, alitara iray, toeram-pivavahana. Eny àry. “Manana alitara iray aho. Hivavaka tso-po mihitsy tahaka ny rahalahiko aho. Ary manana zavatra iray tsara tarehy aho eto ho an’izany. Azo antoka tokoa fa hanaiky an’izany Andriamanitra.” Izany ilay zavatra iray ihany izay notenenin’ny devoly tamin’ny reniny; ilay lainga iray ihany, fahendrena.

⁴⁰⁷ Ankehitriny, Abela. Hoy ny Hebreo 11 hoe:

Tamin’ny finoana no nanoloran’i Abela ho an’Andriamanitra fanatitra iray tsara kokoa noho ilay an’i Kaina, . . . izy na dia efa maty aza, dia mbola niteny ihany.

⁴⁰⁸ Hitanareo? “Abela . . .” Tamin’ny inona? Fahendrena ve? Tamin’ny teolojia ve? “Tamin’ny finoana no nanolorany ho an’Andriamanitra fanatitra iray tsara kokoa.” Tamin’ny finoana ny inona? Tamin’ny finoana ny inona? Tamin’ny . . . Taiza no nahazoany ny finoany?

⁴⁰⁹ Teo, ny rainy sy ny reniny fotsiny, izy sy ny rahalahiny tsy iray ray, ahoana marina no hampety an’izany? Taiza no nahafahany—nahafahany nahazo an’izany? Tao amin’ny inona no nananany finoana? Finoana tao amin’ny zava-maniry ve, finoana tao amin’ity ve? Tsia, tompoko. Nanana finoana tao amin’ny Teny izy. Satria, tiany ho fantatra hoe nahoana izy no tany ivelan’ny saha. “Nahoana izahay no voaroaka?”

⁴¹⁰ Tokony ho nilaza i neny hoe, “Satria nihaino ny laingan’ny devoly aho. Satria ity zazalahy eto ity dia teraka tahaka an’izao-sy-izao, izany no antony nandroahan’Andriamanitra anay.”

⁴¹¹ “Eny,” hoy izy, “tsy afaka hanatona eo amin’ny vavahady akory aza aho. Misy Kerobima iray eo, miaraka amin’ny sabatra, miambina an’io Hazon’Aina io.” Noho izany, tamin’ny finoana!

⁴¹² Hitanareo, tamin’ny fahendrena, no nanoloran’i Kaina, fantatrareo, tsy nahafantatra ny Teny, fa eritreritra fotsiny, tamin’ny fahendrena. Nanamboatra toerana tsara iray izy, ary nanamboatra azy ho tsara sy tsara tarehy.

⁴¹³ Fa, “Abela,” tsy nisy olona niteny taminy, ankehitriny, zazalahy iray fotsiny, “tamin’ny finoana no nahitany fa tsy fiainan-java-maniry ilay izy; ilay izy dia resaka arapanahana iray, tamin’ny alàlan’ny rà.” Eo ianareo izao, rahalahy. Mitsambikina eo an-tampon’Izany, indray mandeha.

⁴¹⁴ Amin’ny finoana no mbola ahitan’ireo Zanany an’izany. Tsy nampianatra an’izany tamin’ny alàlan’ny fahendrena iray mihitsy Izy ankehitriny. Tsy tonga amin’ny alàlan’ny fahendrena

izany. Tonga amin'ny alàlan'ny finoana izany. Hoy ny Baiboly hoe, "Abela, tamin'ny finoana."

Inona no natolony? Rà, avy amin'ny aina velona, aim-biby.

⁴¹⁵ Biby isika, ny tenantsika. Biby mafana rà isika. Marina tokoa izany. Karazana ambony indrindra, ilay biby ambony indrindra, saingy miaraka amin'ny fanahy ao anatin'ao. Izany no aina.

⁴¹⁶ Mariho ankehitriny. Tamin'ny finoana no nahitan'i Abela ny fanambarana, ny fahitana, ary nitondra rà velona, nikoriana izy, satria tao anatin'ilay rà ny aina.

⁴¹⁷ Ny aina dia ao anatin'ny tahon'ny—an'ny voninkazo. Ary fiainan-java-maniry izany, izay tsy manana fihetseham-po. Nanantena aho fa hilentika izany.

⁴¹⁸ "Abela, tamin'ny finoana," nijanona tamin'ny Teny. Tamin'ny finoana, fa tsy tamin'ny fahendrena. "Tamin'ny finoana no nahitany fa fananahana ilay izy, rà." Avy amin'ny lahy ny selan-drà. Ny lehilahy no manana ny selan-drà ao anatin'ny tsirin'aina. Ilay hemoglobina no rà, izay tonga avy amin'ny alàlan'ny lahy. Ary fantatr'i Adama fa tsy paoma, sy paiso, ary ovy, na inona ilay izy, no namoaka azy ireo tao amin'ny sahan'i Edena, izay nahatonga ny fahotana. Fananahana ilay izy, rà, ka namerina nanolotra rà izy. Tamin'ny finoana no nanaovany an'izany, fa tsy tamin'ny fahendrena.

⁴¹⁹ Ahoana no ahafahan'ny lehilahy iray, amin'ny alàlan'ny fahendrena, hahazo an'izany, nefä ny Baiboly manontolo sy ilay Fianganan'Andriamanitra manontolo dia miorina eo ambonin'ny fanambarana Masina, amin'ny finoana? "Eo ambonin'ity vatomby ity no Hanorenako Ny Fianganako." Hitanareo?

⁴²⁰ Hah! "Oh," hoy izy ireo, "azo antoka, mino an'Ity izahay." Noho izany dia aiza ilay Fiainan'i Kristy ao anatin'ireo fanao ireo? Aiza ilay Fiainan'i Kristy? Faharoa... Tianareo ve ny handray naoty an'ireo Soratra ireo. Hitanareo? Aiza ilay Fiainan'a? Raha... Hoy izy ireo hoe, "Eny, mino izahay. Mino izahay. Mino izahay." Raha mino ianareo, amin'izay fotoana izay...

⁴²¹ Hoy Jesosy hoe, "Izao famantarana izao no," tsy hoe angamba izy ireo, "hanaraka an'ireo izay mino izy ireo." Hoy Jesosy hoe, "Raha mino Ahy ny olona iray, ireo asa izay Ataoko, dia hataony koa izy ireo. Izay mino Ahy, ireo asa izay Ataoko no hataony koa."

⁴²² Tsy hilalao eo fotsiny izy. Hataony izany. Ahoana no ahafahan'izany hitranga? Satria, ilay tena Aina izay tao amin'i Kristy mihitsy, no ao anatinareo. Tsy hamokatra fahendrena mihitsy izany; tsy hitombo ao anatin'izany izy. Tsy maintsy handà ny fahendrena izany, mba handraisana ny—ny finoana.

Finoana ao amin'ny Teny, fa tsy fahendrena ao amin'ny Teny.
Finoana ao amin'ny Teny!

⁴²³ Satana dia manana fahendrena betsaka ao amin'ity Teny ity noho ny rehetra, ireo mpitoky teny rehetra apetraka miaraka, ireo pretra sy ny rehetra.

⁴²⁴ Manana fahendrena betsaka, saingy tsy afaka hanana finoana izy. Ny finoana no hanao an'Izany ho velona. Ny finoana dia hanao azy hibebaka, hanao azy hanalavitra ny rafipandaminany. Ham! Manana fahendrena izy, noho izany dia mijanona fotsiny amin'izany izy. Eny àry.

⁴²⁵ “Fa tamin’ny finoana no nahitan’i Abela fa hetsika arapananahana iray ilay izy, ka nanolotra rà izy, ilay ainan’ny rà, ka noraisin’Andriamanitra izany.”

⁴²⁶ Ankehitriny, ao amin'ny Timoty Faharoa 2, 3, dia voalaza fa ny... Tonga amin'izy ireo ny Teny ankehitriny. Hilatsaka eo amin'ny tany ratsy Izany. Hitanareo? “Manana ny endriky ny toe-panahy araka an’Andriamanitra izy ireo, nefà manda ny heriny,” herin’ny Fanahy. Timoty Faharoa 3, raha mandray naoty an’izany ianareo. Eny àry. “Manana ny endriky ny toe-panahy araka an’Andriamanitra.”

⁴²⁷ Ireo famantaran’ny Fanahy Masina an’ny Fiainana Mandrakizay, lavin’izy ireo Izany. “Tsy tokony hiteny amin’ny fiteny tsy fantatra ny olona. Tsia. Tsy misy izany karazana fanasitranana avy amin’Andriamanitra izany, batisan’ny Fanahy Masina. Ho an’ireo apostoly izany karazan-javatra izany.” Manana ny endrika!

⁴²⁸ Paoly no nilaza, naminany an’izany. “Amin’ny andro farany, ireo fotoana farany, dia hiseho ireo zavatra ireo.” Tsy tamin’ireo andro ireo. “Ary milaza mazava ny Fanahy hoe: amin’ny andro farany, ireo andro farany, dia hiala amin’ny Finoana ny sasany,” ary ireo zavatra rehetra ireo. Hitanareo? Io ilay izy, “Manana ny endriky ny toe-panahy araka an’Andriamanitra.”

⁴²⁹ Ankehitriny, ahoana no ahafahan’ireo famantaran’ny Fanahy Masina an’ny Fiainana Mandrakizay hitombo ao anatin’io vovoka ara-pivavahana io, izay tsy misy Fanahin’ny rano, mihitsy? Hitanareo? Tsy afaka hitombo ao anatin’ireo sahan’ny fialam-boly ara-anaram-piangonana, sy fahendrena, ary sangisangy. Ahoana no ahafahan’ireo famantarana sy fahagagan’ilay Andriamanitra velona hitombo ao anatin’ny—ny vehivavy iray tsy manana fahamaotinana tsotra mba hihetsika tahaka ny ramatoa iray? Te-hanontany anareo an’izany aho. Ahoana no ahafahan’Izany hitombo ao anatin’ny lehilahy iray izay hitsangana eo amin’ny polipitra iray ka, nohon’ny tapakilan-tsakafo iray tsy misy vidiny na sitraka ara-anaram-piangonana iray, dia handingana ny Fahamarinan’Andriamanitra? Ahoana ny ahafahan’ireo

famantarana ara-panahy hanaraka an'izany? Tsy afaka hanao an'izany.

⁴³⁰ Ahoana no ahafahany—ahoana no ahafahan'Izany hitombo ao anatin'ny mpitoky teny iray izay hitondra ny anaram-pianganany eo, hanaboridana azy ireo, eo amin'ny morona eo? Ary teto indray hariva, tany amin'ny toerana anankiray izay vao nandalovako omaly hariva, tao amin'ny paroasy anankiray, ary nanana dihy mikotaba goavana iray tao anatin'ny tao, fahadalana, ahoana no ahafahan'ny vokatry ny Fanahy hitombo ao anatin'ny toerana iray tahaka an'izany? Eo ambonin'ny vatolampy arapivavahana iray izany, marina izany, fa tsy ao anatin'ny lohasan'ny fanenjehana, mba hihomehezana sy ho esoina.

⁴³¹ Miasa mafy ilay lisy. Tsaroanareo ny toriteniko vao tsy ela akory izay, taona vitsy lasa izay, teo amin'ny Atoa. Lisy. Miasa izy. Eo, hoy Jesosy hoe, “Ahoana izy . . . miasa, tsy mamoly koa, kanefa Lazaike aminareo: fa Solomona, ny voninahiny rehetra, dia tsy nitafy tahaka ny anankiray.” Ahoana fa mitaritarika io lisy io, mba hanao ny tenany ho tsara tarehy, (ho an'ny inona?) mba hizara fotsiny. Ilay mpandalo, mitroka, manimbolo an'ilay fofo-manitra. Manidina miditra ao anatin'ny fony avy hatrany ilay renitantly ka misintonia an'ilay tena tantely mihitsy avy ao aminy. Omeny maimaim-poana izany. Miasa, mba hanao an'izany.

⁴³² Haleloia! Izany no tena lehilahin'Andriamanitra iray, Pasitera Lisy, Rev. Atoa. Lisy, eny, tompoke, izay miasa amin'ny Teny, mandry amin'ny tavany ka miantsoantso an'Andriamanitra hoe, “Andriamanitra, tsy mety hitako hoe aiza no hifanaraharan’ity eto, eto. Tsy maintsy tonga amin'ny alàlan'ny Teny izany.” Rehefa hitanareo izany, ka Andriamanitra no manome an'izany ho anareo, amin'izay fotoana izay dia mandehana maimaim-poana. Tsy ny hanao asam-pitoriana goavana iray hoe, “Raha manome antoka ahy an’arivony dolara betsaka ianareo, dia ho avy aho.” Fa, maimaim-poana hoe, “Raha i Timbuktu izany na aiza ilay izy, Andriamanitra, izay Tianao hamafazako an'ilay Voa, dia homeko maimaim-poana Izany.” Haleloia!

⁴³³ Hoy Jesosy hoe, “Solomona, tao amin'ny voninahiny rehetra, dia tsy nitafy tahaka azy.” Hoy Izy, “Diniho ny lisy.”

⁴³⁴ Lehilahy kely mampalahelo, tsy maintsy niaritra tahaka ny zavatra rehetra, mba hahazo an'izay azony, ary nihomehezana sy nesoina. Ary ilay ara-pivavahana goavana rehetra dia nandroaka azy, ka miantso azy amin'ny karazana anarana maloto rehetra. Fa mijanona tsara amin’ity Teny ity izy, miasa, andro aman’alina, mandry ao anatin'ny lohasaha iray. Inona? Izy dia—ao amin'ny toerana iray izy izay ahafahany misintonia avy ao amin'ireo “reniranon’ny Rano.” Miasa, (ho an'ny inona?) mba

hizara an'izany. "Mahazo maimaim-poana ianareo, manomeza maimaim-poana." Eny, tompoko. Oh, oadray!

Ahoana no ahafahany hitombo ao anatin'io saham-bovoka eo ambonin'io vatolampy ara-pivavahana io?

⁴³⁵ Ireo zanak'i Kaina dia fahendrena, siantifika. Diniho ireo zanak'i Kaina ankehitriny raha miakatra izy ireo. Ndao isika handinika azy ireo iray minitra. Ireo zanak'i Kaina, inona izy ireo? Mpanorina, mpamoron-javatra, olon'ny siansa malaza. Nanana fahendrena izy ireo. Hitanareo? Izy ireo—izy ireo—nanorina tranobe mihitsy aza izy ireo, ary nanamboatra vy, sy nanakambana karazan-javatra niaraka. Siantifika izy ireo, nanan-tsaina, nianatra, ary mpivavaka.

⁴³⁶ Fa inona no novokarin'io vokatry ny fahendrena io? Fahafatesana, ho an'ilay taranaka manontolo, rehefa nilatsaka ireo fitsaran'Andriamanitra. Marina ve izany? Inona no nataon'ilay—inona no nataon'ilay vondrona? Namokatra fahafatesana. Na dia, tao amin'ny fahendreny sy ny fananantsainy rehetra aza, dia inona no nitranga? Maty izy ireo. Ny tsirairay avy tamin'izy ireo dia levona tamin'ny fitsaran'Andriamanitra. Marina ve izany? Andriamanitra no niteny an'izany. Nanan-tsaina izy ireo, nianatra fatratra, namiratra, mpivavaka, tena tsara. Nanan-tsaina, nianatra, niankina tamin'ny fahendreny, nefà namono an'ilay taranak'olona manontolo.

⁴³⁷ Ilay zavatra iray ihany no ataon'izy ireo izao ankehitriny izao, ireo baomba atomikany sy ny sisa, ka ireo siantifika manan-tsaina sy ny sisa no—no handringana an'ilay taranaka manontolo. Manana fandatsahana izy ireo izao ankehitriny izao. Izany dia—izany dia... Mandoro ny masonareo mihitsy ianareo, manome anareo homamiadana, ny zavatra rehetra. Namotsotra betsaka an'izany izy ireo, ao anatin'ny ranomasimbe, tsy afaka mahita azy ireny intsony akory aza izy ireo. "Rehefa avotsotra izany, dia handringana an'izao tontolo rehetra izao," hoy izy ireo. "Ho may ny olona, ao amin'nynofony manokana."

⁴³⁸ Tsy mahagaga, hoy ny Baiboly hoe, "Ary ny vorona eny amin'ny habakabaka no hihinana ny nofon'ireo kapiteny," sy ny sisa; lò, nohon'ny fandatsahana, ny zavatra hafa rehetra.

⁴³⁹ Manao an'izany izy ireo, ny tenany, ny fahendreny manantsaina. Izany no nanao ny fahafatesana ho tonga: fahendrena manan-tsaina. Aoka ho tsotra, minoa ny Tenin'Andriamanitra, dia mivelòma. Raiso ny fahendrenareo, dia matesa. Eny àry. Ilay fijinjana, ilay andro farany, levona izy ireo.

⁴⁴⁰ Eny, ireo zanak'i Abela dia nanetry tena, mpiompy, mpiandry ondry; pasitera, fantatrareo. Mpiandry ondry, mpiompy, nanetry tena, tsy nihambo ho manan-tsaina, fa nijanona fotsiny tamin'ny Teny izy ireo. Inona no novokarin'izy ireo tamin'ny andro farany?

Mpaminany iray. Namokatra izany. Mpaminany iray, ho an'ny inona? Ireo famantaran'ny andro farany.

⁴⁴¹ Rehefa nitsangana teo amin'io varavarana io i Noa, nanorina an'io sambofiara io, dia hoy izy hoe, "Ho avy, ny orana." Nantsoina hoe fanatika iray izy, saingy mpaminany iray izy. Amena. Inona no nataony? Nitondra famonjena ho an'ireo izay nino, ary ireo izay te-ho afa-mandositra. Izany no novokarin'ilay taranaka manetry tena, tsy nianatra, izay nino tamin'ny finoana. Ireo hafa dia nino tamin'ny fahalalana, namokatra fahafatesana izy ireo, ho an'ilay taranaka manontolo. Inona no natao-inona no nataon'ilay manetry tena tamin'ny finoana? Namokatra famonjena, mpaminanin'ny Tompo iray, izay nanome azy ireo famantarana iray hoe teo ny andro farany.

⁴⁴² Mihevitra ve ianareo fa hino an'izany ilay nianatra? Manakentrona ny orony ary lasa, manao hoe, "Avy aiza ilay orana? Porofoy amiko ara-tsiansa fa misy rano eny ambony eny." Ireo siantifika ireo, andiana mahay ny rehetra manan-tsaina, miezaka, manaporofa ara-tsiansa fa tsy misy Andriamanitra. Manandràma!

⁴⁴³ Rehefa nalaina *ity* sary *ity*, dia izany no nanala azy ireo avy hatrany teo amin'ny sezaboriny izay nipetrahan'izy ireo. Tsy nety nahazo izy. Hoy izy ireo, "Misy karazana Hazavana iray izay namely an'ilay fitaratra boribory." Io ny fitaovana siantifikan'izy ireo manokana, naka sary an'Izany, ilay fakan-tsary. Tahaka ny nolazain'i George Lacy, hoy izy hoe, "Tompoko," hoy izy, "tsy haka psykolojia ity fakan-tsary ity. Namely an'ireo fitaratratra boribory ilay Hazavana. Teo Izany." Hoy izy, "Inona Izany, tsy afaka miteny aminao aho, fa eo Izany." Hoy izy, "Hanoratra ny anarako eo amin'izany aho." Nanoratra izy. Ary manana an'izany ianareo, ny tenanareo. Eny, tompoko. Ny FBI izany. Hitanareo?

⁴⁴⁴ Ny Andriamanitsika, amin'ity andro farany ity, dia tsy mamela vato anankiray tsy voakodia, fa ny Asehony dia hoe tsy afaka haharitra ity izao tontolo izao ity. Manohy mitombo ny fahendrena sy fahalalana, mitsoriaka mankeny amin'ny habakabaka tahaka ny lalitra, ary-ary ireo fiaramanidina haingam-pandeha, ary miady ao ambanin'ny rano. Ary ireo karazana risoriso rehetra, sy miaina ao anatin'ny fahotana, miezaka manorina zavatra izay hiaro azy ireo.

⁴⁴⁵ Zavatra tokana ihany no misy: mitsangana eo amin'ny Varavarana'ilay Sambofiara ny fahamarinan'Andriamanitra. Iza ilay Varavarana? Hoy Kristy hoe, "Izaho no Varavarana'ny valan'ondry." Mamaky ny lahateniko aho. "Ny Ondriko hihaino Ny Feoko. Tsy hanaraka vahiny izy ireo." Tsy hanodina anankiray hiditra ao anatin'ireo rafi-pandaminana any ireo ianareo. Hivoaka avy ao amin'izany izy, azo antoka tahaka an'izao tontolo izao. "Hitondra azy ireo avy ao amin'ny vala Aho,

ary Izaho no hitarika azy ireo. Handeha eo alohan'izy ireo Aho." Amena. "Ho fantatr'izy ireo fa Izaho izany. Tsy misy olona afaka handeha tahaka Ahy, tsy misy olona afaka hanao an'ireo zavatra izay Ataoko," hoy Izy. Amena.

⁴⁴⁶ "Raby, fantatray ankehitriny fa avy amin'Andriamanitra Ianao, satria tsy misy olona afaka hanao an'ireto fahagagana izay Ataonaо ireto raha tsy Andriamanitra no momba azy." Hitanareo? Marina izany. Fiaiken'i Nikodemosy. Izay ilay izy.

⁴⁴⁷ Namokatra mpaminany iray io taranaka manetry tena kely io. Ary io mpaminany io, tamin'ny andro farany an'ireo zanak'i Abela, dia namokatra mpaminany iray izay naneho an'ireo famantaran'ny andro farany sy nanome fampitandremana.

⁴⁴⁸ Saiky mitovy ihany ankehitriny, heveriko. "Izay manana sofina hihainoana, aoka izy hihaino izay lazain'ny Fanahy amintsika."

⁴⁴⁹ Noho izany, hitanareo, ilay Voa Tenin'ny Fiaianana dia tsy afaka hitombo ao anatin'ny karazana rivotra iainana an'ny fahendrena. Tsy afaka hanao an'izany fotsiny izy.

⁴⁵⁰ Nanana finoana ny Teny i Mosesy sy Josoа. Ireo hafa dia te-handihy sy nanaboridana an'ireo vehivavy; Kora, (naоana?) tamin'ny alàlan'ny fahendreny Egyptiana. Tsy nila an'izany i Mosesy.

⁴⁵¹ Jereo ireo Koran'izao andro izao, manao lèlana mora, mandihy, fety mandritry ny alina manontolo; ireo vehivavy: volo tapaka, akanjo fohy, ny zavatra rehetra. "Tsy manao fahasamihafana. Mety tsara izany." Tsy mety tsara izany. Ny Teny no milaza fa tsy tsara izany. Marina izany. Ilay zavatra iray ihany. Hitanareo?

⁴⁵² Na dia natao batisa aza ny tsirairay avy tamin'izy ireo, ny tsirairay avy, natao batisa i Kora sy ny rehetra, izany no maneho fa misy indray io karazana ara-pivavahana io.

Hoy ianareo hoe, "Natao batisa ve izy ireo?"

⁴⁵³ Korintiana Voalohany 10:1 hatramin'ny 2. Ndao vakantsika fotsiny izany. Isika... Fantatro fa efa tara izao, saingy tsy ho may ny sakaf. Mety haharitra ela kely ity sakaf ity, raha hanohy hamahana antsika fotsiny ny Tompo. Hitanareo? Korintiana Voalohany 10. Jereo eto ankehitriny. Korintiana Voalohany 10:1 hatramin'ny 2, no ananako. Ankehitriny, manana ny Korintiana Faharoa aho. Korintiana Voalohany 10:1 hatramin'ny 2.

*Ary koa, ry rahalahy, tsy tiako –tsy tiako ianareo
tsy hahafantatra, ahoana fa ny... ny razantsika rehetra
dia teo ambanin'ny rahona, ary izy rehetra namaky ny
ranomasina;*

*Ary ny rehetra dia natao batisa ho amin'i Mosesy tao
amin'ny rahona sy tao amin'ny ranomasina;*

⁴⁵⁴ Nahazo an'ilay batisa iray ihany izay nananan'ny sisa tamin'izy ireo i Kora. Fa inona no tiany natao? Avelao handihy fotsiny ireo vehivavy, ary nisotro divay kely izy ireo ka manana fotoana kely, aboridano izy ireo sy ijangajangao, ary manàna an'izany. Fantatrareo fa ny Baiboly no nilaza fa nanao an'izany izy ireo. Nalainy ireo vehivavy ireo ka naboridany, ary nanao azy ireo handihy, sy ireo zavatra tahaka an'izany. Dia lasa tezitra tamin'izy ireo i Mosesy. Tsaroanareeo ve ilay fotoana? Nahoana? Nanana an'i Dr. Kora izy ireo teo, izay nanana fahendrena. Hoy izy hoe, "Hitondra anareo hiverina any Egypta aho." Tany no tian'izy ireo, ihany koa.

⁴⁵⁵ Fa, Rahalahy Mosesy, rehefa tonga izy, dia hafa ilay izy. Nijanona tamin'ity Teny ity izy sy Josoa. Nanome teny fikasana iray Andriamanitra; nijanona tamin'izany izy ireo. Eny àry.

⁴⁵⁶ Ireo hafa dia tia nandihy sy nanala ny akanjony, ary avy amin'ny, nohon'ny fahendren'i Kora. Ary natao batisa izy rehetra, iray.

⁴⁵⁷ Isiraely sy Moaba. Oh, izaho fotsiny...ianareo...efa notetezikò izany, indray mandeha. Tsy raisintsika izany. Tsy maintsy mandeha haingana aho. Eny àry. Isiraely sy Moaba, fantatrareo hoe ahoana izany tany. Ny anankiray, tena tsara mihitsy, ny anankiray niaraka tamin'ny fahendrena, anarampiangonana goavana be. Ilay anankiray hafa, kely, tsy anarampiangonana.

⁴⁵⁸ Noho izany, indray andro; eto no ahatongavako ankehitriny alohan'ny hamaranantsika. Indray andro, ireo loharano roa lehibe ireo, na hery, dia nihaona ho an'ny fampisehoan-kery iray mikasika ny Tenin'Andriamanitra.

⁴⁵⁹ Ankehitriny dia ho tonga eo amin'ilay tampony isika. Afaka miverina isika. Afaka maka roa ambin'ny folo aho. Afaka mitsangana eto mandritry ny herinandro iray aho, nefo tsy hikasika ny savaivon'izany akory, ahoana fa afaka manaporofoto an'izany eo mihitsy aho, an'izay resahako. Fa manantena aho fa azonareo ilay izy. Hitanareeo?

⁴⁶⁰ Indray andro, dia tonga teo amin'ny fampisehoan-kery iray ilay izy. Tonga teo amin'ny fampisehoan-kery ny fahendrena sy ny finoana. Nihaona Jesosy sy Satana. Marina izany. Nihaona Jesosy sy Satana. Ireo hery lehibe roa ireo, fahendrena sy fahalalana, tonga teo amin'ny fampisehoan-kery. Hitanareeo?

⁴⁶¹ Ankehitriny, izy roa ireo dia samy nampiasa ny Teny. Marina ve izany? Oh, rahalahy, lasa tsara ity, amiko. Hitanareo? Aza diso an'ity, ankehitriny. Oh! Manaova hoe, "Andriamanitra, sokafy ny foko." [Hoy ny fiangonana hoe, "Andriamanitra, sokafy ny foko."—Mpand.]

⁴⁶² Izy roa ireo dia samy nampiasa ny Tenin'Andriamanitra, ilay Baiboly iray ihany. Fa tsy hety amin'ny fantsona tsy miova fo Izany. Azo antoka fa tsy hety Izany. Tsy hety tokoa Izany. Izy roa

ireo dia samy nampiasa ny Tenin'Andriamanitra. Fa Satana dia nampiasa an'Izany avy tamin'ny fahalalan'ny loha, hitanareo, ny fahalalan'ny loha, ka tsy nety Izany.

⁴⁶³ Manana Soratra iray aho eto. Tsy mampaninona anareo ve raha vakiako izany? [Hoy ny fiangonana hoe, "Tsia."—Mpand.] Ndao raisintsika ny Hebreo, ny toko faha-4, haingana mihitsy, iray minitra fotsiny. Tiako ny hamaky an'ity. Toa tena tsara mihitsy ity amiko, eto mihitsy, Hebreo 4. Ary ndao alaintsika ny Hebreo 4, ary manomboka, 1 hatramin'ny 2.

*Koa aoka isika hatahotra, fandrao, teny fikasana
iray navela ho antsika... mba hiditra ao amin'ny
fitsaharany, toa tsy hahatratra an'izany ny sasany
aminareo.*

*Fa tamintsika no nitoriana ny filazantsara, tahaka
ny tamin'zy ireo: saingy tsy nahasoa azy ireo ny teny
voatory, tsy nifangaro tamin'ny (fahalalana, fahendrena
ve?) finoana azy ireny... finoana tao amin'ireo izay
(inona?) nandre azy.*

⁴⁶⁴ Afaka manana ny Teny rehetra ianareo, afaka mahafantatra an'ity Teny ity manomboka amin'ny A ka hatramin'ny Z ianareo, fa tsy hety ho anareo mihitsy Izany. Efa mba nahita lehilahy nandray an'ity Teny ity ve ianareo ka nanandrana hanao Azy ho mety, nanao hoe, "Rahalahy, voninahitra ho an'Andriamanitra"? Tsy hety fotsiny izany. Tsy afaka miadaladala amin'ny Teny ianareo. Tsia, tsia. Tsia, tsia. Tsy mampaninona izay lazainareo, ny Teny dia manambara ny Tenany. Tsy mampaninona izay ihamboanareo, ny Teny no mijoro vavolombelona. Marina izany.

⁴⁶⁵ Ankehitriny, nahafantatra ny Teny i Satana. Fantany manomboka amin'ny A ka hatramin'ny Z Izany. Eny, mba fantatrareo moa? Heveriko, raha nanana diploma ma iray izy, dia ho nanana titra betsaka hameno pejin-taratasy efatra na dimy izy hoe, "Dr., Rev., Loholona, Ph., L.L., Q.D.," ny alfabeta rehetra amin'ny fomba rehetra. Ho tato amin'ity Baiboly ity ny diploma many. Fantany ny Teny tsirairay an'Izany. Azo antoka fa fantany. Hitanareo? Noho izany, hoy Satana hoe, "Ankehitriny, fantatro ny Teny." Fantattro fa nahafantatra ny Teny izy rehefa nanatona an'i Eva. Noho izany, nanana an'Izany tamin'ny alalan'ny fahalalan'ny loha izy, saingy tsy nety Izany.

⁴⁶⁶ Jesosy dia nahafantatra an'Izany tamin'ny finoana, tao amin'ny fanambaran'ny Tenin'Andriamanitra tao amin'Ny Fiainany Manokana voafidy mialoha. Voninahitra! Manantena aho fa milentika lalina ao am-ponareo izany. Fantattr'i Jesosy hoe Iza Izy. Satana nanontany. Fantany fa Zava-boaharin'Andriamanitra iray voafidy mialoha Izy, ka Andriamanitra Izy tenany no voaseho tao Aminy. Tsy Izy no nanao an'ireo asa. Ny Ray izay nitoetra tao Aminy izany. Amena.

⁴⁶⁷ Avelao ny devoly hanidina miaraka amin'ny teolojiany rehetra. Jesosy; fantatr'i Satana Izany. Nahafantatra ny Teny izy. Ankehitriny, afaka nanonona ny Soratra izy, ry tovolahy, tahaka ny Baiboly iray mandehandeha mihitsy. Afaka nanonona an'Izany mihitsy tahaka an'izao izy. [Manapoapoaka ny rantsantanany imbetsaka Rahalahy Branham—Mpand.] Hitanareo?

⁴⁶⁸ Fa nippetraka tsara Jesosy, satria Fantany izay Nitsanganany. Fantany fa voafidy mialoha Izy, "ho ilay Zanak'ondry voavono talohan'ny fanorenana an'izao tontolo izao." Fantany fa Izy io Olona io. Oh! Oh, rahalahy! "Izay manana sofina, aoka izy hihaino." Fantany fa voafidy mialoha ho an'izany Izy, ary tahaka an'izany no Nahafantarany ny Teny. Hitanareo? Ary nety Izany. Azo antoka.

⁴⁶⁹ Satana nahafantatra an'Izany tamin'ny fahendrena. Tsy nahomby izany. Nanonona an'ilay Teny iray ihany izay notononin'i Jesosy izy, ilay Baiboly iray ihany. Nanonona avy tao amin'ny Salamo izy. "Izy no hanome... Voasoratra hoe," hoy Satana hoe, "Hanome baiko an'Ireo Anjeliny Izy mikasika Anao, fandrao amin'ny fotoana rehetra dia hampidôna ny Tongotrao amin'ny vato Ianao. Izy ireo no hitondra Anao."

Hoy Izy hoe, "Fa voasoratra hoe koa . . ." Oh! Hitanareo?

Nahafantatra an'Izany tamin'ny fahalalana Satana.

⁴⁷⁰ Jesosy nahafantatra an'Izany tamin'ny fahatsapana. Fantany tamin'ny alàlan'ny fanambarana Izany. Fantany fa Izy io Zanak'Andriamanitra izay ho tonga amin'izao tontolo izao io. Fantany ny Toerany. Fantany fa ho an'izany tanjona izany no Nahaterahany teto amin'izao tontolo izao. Ary izany no antony nahafahan'ny Tenin'Andriamanitra niasa tamin'ny Alàlany, satria Fantany izay naha-izy Azy. Voninahitra! Azonareo ve ilay izy hatreto? Fantany izay naha-izy Azy.

⁴⁷¹ Satana, teo ankilan'izany, fantany izay naha-izy azy. Ary fantany fa tsy nanan-drahahaha izy, niaraka tamin'ny fahendreny, mikasika ny Teny, satria ny Teny dia Andriamanitra. Azonareo ve ilay izy?

⁴⁷² Ankehitriny, raha fantatr'i Jesosy hoe Iza Izy... Zava-boahary iray voafidy mialoha an'ny fotoana Izy. Mino an'izany ve ianareo? Jesosy, ilay vatana, Fantany fa Izy no Teny voafidy mialoha, ilay Tenan'Andriamanitra izay tsy maintsy hitsangana tamin'io andro io, mba ho Fanatitra ho an'ny fahotana. Ary Fantany ny Fahavalony. (Araka ny notoriako, Alahady vitsy lasa izay.) Fantany ny Fahavalony; ary Fantany hoe Iza Izy. Noho izany, tonga miaraka ireo hery lehibe roa ireo, ny fahalalana sy ny finoana. Fantatr'i Jesosy hoe Iza Izy.

⁴⁷³ Satana dia nahafantatra tsara ny Baiboly tahaka an'i Jesosy, saingy tsy nety Izany ho an'i Satana. Hitanareo?

⁴⁷⁴ Tsy mampaninona na fahalalana firy no anananareo, tsy hety izany. Ankehitriny, ento miverina mankany amin'ny iray amin'ireo anaram-pianganana goavana izany. Eritrereto izany, iray minitra. Hoy izy ireo hoe, "Eny, manana ny Teny izahay." Avelao aho hahita an'izany miasa. Ianareo Katolika, milaza ianareo fa ianareo no manana ny tany am-boalohany. Ndao jerentsika izany. Asehoy ahy ireo asanareo, tsy misy ny . . . Na, asehoy ahy ny asanareo, amin'ny, na, tsy misy ny finoanareo, dia hasehoko anareo ny ahy, amin'ny alàlan'ny finoako. Hitanareo? Jereo izay nolazain'ny Teny.

⁴⁷⁵ Afaka mamboly voa iray ve ianareo nefo izy tsy maneho izay maha-izy azy, raha mitombo izy? Afaka mamboly voan-katsaka iray ve ianareo nefo tsy mamokatra katsaka, raha mitombo izy? Afaka mamboly ovy ve ianareo nefo tsy mamokatra ov y? Afaka mamboly voninkazo ve ianareo nefo tsy io karazana voninkazo io? Hitanareo?

⁴⁷⁶ Noho izany, raha voafafy ianareo, ka ny Voan'Andriamanitra no ao anatinareo, dia tsy maintsy hamokatra an'Izany Izy. Hoy Jesosy hoe, "Hanao an'ireo Asako izy, raha mino Ahy." Raha milaza izy fa mino an'Izany, ka tsy manaraka azy ireto, dia mpandainga iray izy. "Izay mino Ahy, ireo asa izay Ataoko no hataony koa; mihoatra noho izany mihitsy aza, satria Aho mankany amin'Ny Raiko." Nahoana, matanjaka Izany! Raha tsy midòna fotsiny eo amin'ny toera-malama izy ireo ka mikorissa, mankeo amin'ny vatolampy iray any ho any! Milatsaka ao amin'ny lohasaha fotsiny izy ireo mba tsy ahafahan'ireo rivotra hitsoka Azy, ary tsy afaka mahazo Azy ireo vorona, hitombo Izy.

⁴⁷⁷ Afeno ao am-ponareo Izy. Hoy Davida hoe, "Ao am-poko no anafenako ny Lalànao," mba tsy hisy anaram-pianganana afaka hanaisotra Azy, tsy afaka maka Azy ireo vorona. "Manana Azy aho miafina eto. Misaintsaina Azy aho, andro aman'alina. Voasoratra eo amin'ireo tolanam-pandriako sy hatraiza hatraiza Izy ireo. Manana Azy ireo aho, manana Azy ireo voafatotra eo amin'ireo rantsan-tànako. Izy ireo dia ao amin'ny . . ."

⁴⁷⁸ Ary hoy Jesosy hoe, "Ny anaranareo dia eo amin'ny felan-Tànako." Noho izany, ahoana, ahoana no hanadinoana an'izany? Tsy mety. Ankehitriny, eny àry.

⁴⁷⁹ Noho izany, raha naharesy an'i Satana teo amin'ny finoana Jesosy, nahafantatra hoe Iza Izy, Izy dia Zava-boahary iray voafidy mialoha. Vonona ve ianareo? [Hoy ny fiangonana hoe, "Amena."—Mpand.] Ahoana ny amin'ilay Ampakarin'i Jesosy Kristy voafidy mialoha ankehitriny? Mino ve ianareo fa voafidy mialoha ny Ampakarin? Ilay Ampakarin'i Kristy voafidy mialoha ankehitriny, ilay Fiangonana, ilay Teny Voa, miaraka amin'ny zavatra rehetra izay nampanantenain'Andriamanitra fa hapetraka ao amin'ilay Fiangonana, ao Anatiny izao ankehitriny izao. Ao Anatiny izany ankehitriny. Ao amin'ny lamina ny

zavatra rehetra. Efa nomena ny Fanahy Masina. Efa voafafy ilay Voa. Efa namiratra ireo Hazavan'ny hariva. Ny famantaran'i Sodoma, izay nampanantenain'i Jesosy, dia eto, ary Malakia 4. Fianganana iray voafidy mialoha!

Oh, ry devoly!

⁴⁸⁰ Ry Fianganan'Andriamanitra velona, eto sy eo amin'ny horonam-peo, ihany koa, fantatraloreo ve izay itsangananareo? Fantatraloreo ve fa nantsoin'Andriamanitra ianareo, ka ny Fanahy Masina no manjaka ao am-ponareo, ary tena misy aminareo ny Tenin'Andriamanitra tsirairay? Oh, rahalahy! Ahoana no hitsanganan'i Satana hanohitra an'izany? Ahoana no hisakanany an'izany tsy hitombo? Ahoana no hisakanany an'ireo famantarana ireo tsy hanaraka an'Izany? Nahoana, afaka manipy azy ireo ao am-ponja ianareo. Izy ireo, raha afaka ianareo, tsy ahoako izay ataonareo, efa voasedra tamin'izany izy ireo. Lò tao am-ponja izy ireo. Namahanana ny liona izy ireo. Notsofaina nisasaka izy ireo. Notorotoroina ho potipotika izy ireo. Tsy afaka mamono an'Izany ianareo, marina, Fianganana iray izay voafidy mialoha. "Ireo izay Fantany mialoha," tahaka ny Nataony tamin'i Jesosy, "no Nantsoiny. Ireo izay Nantsoiny, no Nohamarininhy. Ary ireo izay Nohamarininhy, no efa Nomeny voninahitra, voafidy mialoha."

⁴⁸¹ Ary ankehitriny, amin'ny andro farany, miaraka amin'ny voa voafafy tsirairay; ny zavatra rehetra ao amin'ny lamina, izao tontolo izao ao amin'ny laminy, ny fotoana voalamina, ilay Fianganana ao amin'ny Laminy, ilay Voa, ireo Hazavan'ny hariva, ireo famantarana araka ny Nolazainy hoe, "Tahaka ny tamin'ny andron'i Sodoma." Anjelin'Andriamanitra iray, ny Fanahy Masina, nidina, nihetsika, nanao an'ireo famantarana izay Nataony tamin'izany. Malakia 4 no nampanantena fa Izy dia handefa, amin'ny andro farany, an'izay Nampanantenainy. Ary hitantsika eto mihitsy izany rehetra izany. Aiza? Aiza?

Amena! Amená! Amená! Amená! Amená!

Tianareo ve Izy? Amená!

⁴⁸² Azo antoka, eto mihitsy amin'ny andro farany, Fianganana iray voafidy mialoha, mahafantatra an'izay itsanganan'izy ireo, voafafy Voa, ny Fanahy Masina ao anatin'ilay Fianganana. Satana, tandremo tsara.

⁴⁸³ Inona no nitranga? Iray minitra fotsiny ankehitriny. Inona no nitranga, miaraka amin'ny zavatra rehetra izay nampanantenaina an'Izany, na dia ireo teny fikasan'ny Malakia 4 mihitsy aza?

⁴⁸⁴ Inona—inona no nataon'i Satana rehefa nifanena tamin'i Jesosy izy? Nanatona Azy izy, niaraka tamin'ny hery arapivavahana rehetra izay nananany. "Izaho dia mahafantatra ny Teny, ihany koa," nanatona Azy. Io vovoka ara-anaram-pianganana izay nananany io! Atsipitsika eo aminy Izany; saingy

tsy nanana Aina mihitsy. Tena nitsoaka izy! Niala haingana mihitsy noho ny nahatongavany izy. Nahoana? Nidònà tamin'io Tariby zato lavitrisa volta teo io izy. Nandoro ny volony izy. Niala teo Aminy izy. Nanalavitra Azy izy, satria nanana volta tao Anatiny io Tariby io.

⁴⁸⁵ Tsarovy, Satana dia nanana tariby iray, ihany koa. Fa, tsy mampaninona na varahina tsara toy ny ahoana aza ilay tariby, tsy nanana aina izy tao anatiny, maty izy. Tsy hihetsika izy. Ilay tariby iray ihany.

⁴⁸⁶ Ny anankiray nahazo hery avy tamin'ilay Dynamo, ary ilay hafa tsy nanana fifandraisana, mihitsy. Marina izany. Izany no antony hampety an'Izany ao amin'ny vazy iray voafidy mialoha. Izany no antony hampety ny Teny ao amin'izay Ifandraisany. Mifandray aiza, amin'ny anaram-pianganana ve? Tsia, tompoko. Prizy maty iray izany, "Manana ny endriky ny toe-panahy araka an'Andriamanitra, mandà ny heriny." Fa mifandray amin'ny Teny, izay tsy ho levona mihitsy, ary afaka hamokatra an'ilay hery iray ihany izay Nananany. Eo no misy an'izany. Voninahitra!

Amena! Amená!

Tianareo ve Izy? [Hoy ny fiangonana hoe, "Amena."—Mpand.] Hanompo Azy ve ianareo? ["Amena."] Amená. Azo antoka.

⁴⁸⁷ Tsy miraikitra amin'ny rafi-pandaminana iray, fa miraikitra amin'ilay—ilay—ilay—ilay Dynamo eto. Rahalahy, teneniko aminareo, mety Izany eto, satria miraikitra Izany, ilay Teny iray ihany.

⁴⁸⁸ Moaba dia niraikitra, ihany koa; ary Isirael dia izany, ihany koa. Tsy nanana afa-tsy andiana fanekem-pinoana sy mpaminany sandoka iray i Moaba.

⁴⁸⁹ Fa Isirael dia nanana vatolampy nokapohina iray, menarana varahina iray, Andry Afo iray, haleloia, ireo famantaran'Andriamanitra velona. Amená. Marina tokoa izany. Nety Izany. Nahoana? Teo amin'ny finoana Izany. Eny, tompoko. Tsy teo amin'ny fahalalana, fanekem-pinoan'olona iray; fa teo amin'ny finoana ny Teny, ny Teny Izy tenany. Tonga avy amin'ny Teny ny Fiainana. "Ny Teniko dia Fiainana." Io herin'aratra io dia tonga amin'ny alàlan'ny Teny.

⁴⁹⁰ Niala teo Satana, haingana mihitsy. Tsy tena nahavita soa ny vovoka teolojikany teo. Tsy nanana herin'aratra tao anatiny ny taribin'i Satana. Fanekem-pinoana maty izany. Tsy hanana izany. Tsy hanana herin'aratra izany.

⁴⁹¹ Ankehitriny, hitanareo, ilay tariby iray ihany izany. Jesosy nampiasa ny Tenin'ny Ray; Satana nampiasa ny Tenin'ny Ray. Satana dia Satana. Jesosy dia Andriamanitra, izany ilay fahasamihafana, izany no Marina. Ny anankiray dia fanekem-pinoana, ary ilay Iray hafa dia ny Teny. Ny Iray dia Marina,

ary ilay iray hafa dia sandoka. Ny Iray hamokatra an'izany; ilay iray hafa tsy afaka mamokatra an'izany. Azonareo ve ilay izy? Ilay karazana tariby iray ihany, ankehitriny, marina tokoa izany, ireo tariby iray ihany. Hebreo 2, vao avy nananantsika, na, Hebreo 4:2, vao avy nananantsika izany. Hitanareo? Tahaka, ara-anaram-piagonana, tahaka ny lazain'ireo anaram-piagonana, amin'ny alàlan'ny fahendrena. Hitanareo? Ireo anaram-piagonana, amin'ny alàlan'ny fahendrena, dia milaza an'izao: "Efa lasa ireo andron'ny herin'aratra."

Tianareo ve Izzy? Amena!

Hanompo Azy ve ianareo? Amena!

Mino Azy ve ianareo? Amena!

Amena! Amena!

Mino Azy aho. Eny, tompoko. *Amena* dia midika hoe "ho tanteraka anie izany."

⁴⁹² Tompo, ny fivavako, izao maraina izao, dia raiso ny mpino tsirairay ato ka sintony hankao amin'ilay herin'aratra izy. Oh! Apetraho ao aminy ny Fiainana, aoka izy hampimonomonona sy hampamiratra ny voninahitr'Andriamanitra. Eny, tompoko. Alefaso ilay herin'aratra.

⁴⁹³ Fantatrareo ve izay inoako? Efa voafafy ilay Voa (Mino an'izany ve ianareo?) ho an'io Fiagonana lehibe io. Tahaka ny efa nametrahana an'ireo tariby nanerana ny tranobe iray mihitsy, efa notsapain'ny Teny ny prizy tsirairay, oh, oadray, notsapain'ny Teny ny fivoahana tsirairay. "Aza heverina ho hafahafa rehefa tonga ireo fizahan-toetra mirehitra. Mba hitsapana anareo izany."

⁴⁹⁴ Misy fitselarana kely eo, hanao lamasy izany, hanapoaka ny fanapihana manontolo. Tsy mila azy ireny ao amin'Ny Fiagonany Andriamanitra. Tsy hisy fanapihana hipoaka na fiozibla hipoaka amin'ny andro farany. Tsia, tompoko.

⁴⁹⁵ Miverina Izzy ary maningina azy ao anatin'ao mihitsy. Eny, tompoko. Eny àry. Mihantona eo amin'ny toerany ny jiro rehetra. Ny zavatra tokana, dia miandry an'ilay Tompo eo handefa an'ilay fanapihana. Marina izany. Eny, tompoko. Ao amin'ny Teny! Azo antoka. Mety hisy izao ankehitriny izao izany, rahalahy. Raha mila fanasitranana ianareo, dia kasiho fotsiny ilay fanapihana. Izay ihany no tokony hataonareo, raha manana tena tariby iray ianareo. Raha ny lamasinareo... "Raha mipetaka amin'ny lamasy ny tadinareo, sy ireo fifandraisana, ihany koa, very tao amin'i Jesosy, dia miteny aminareo an'izay hatao." Amena. Marina izany.

⁴⁹⁶ Ankehitriny, hoy ny fahendrena ara-anaram-piagonana hoe, "Efa lasa ireo andron'ny fahagagana." Tsy misy herin'aratra ao anatin'ireo tariby.

⁴⁹⁷ Fa ny finoana dia mahafantatra tsaratsara kokoa. Tsapan'izy ireo izany. Hitan'izy ireo fa mety izany. Fantatr'izy ireo fa

mirehitra izany. Fantatr'izy ireo izay ataon'izany. Ny finoana no herin'aratra, ny herin'aratra, Fanahy.

Ary ny fahendrena dia ireo fanao ara-anaram-piagonana.

⁴⁹⁸ Nanandrana naka fanahy an'i Jesosy i Satana, hiala amin'ny finoana ny Tenin'ny Ray. Ity no nataony. Niezaka izy ny naneho Taminy an'ireo rafî-pandaminany lehibe, goavana arapivavahana an'ny tany. Fa tsy afaka naka fanahy Azy izy. "Avia ka mikambâna amin'ny ahy. Hataoko eveka eo amin'izy rehetra ireo ianao."

⁴⁹⁹ "Voasoratra hoe . . ." hoy Jesosy. Eny, tompoko. Tsy afaka naka fanahy Azy i Satana. Tsia, tompoko. Any ambonin'izany Izy. Fa, Jesosy no Teny. Ny Finoany ny fahalalana ny Tenany, hoe Izy no Teny.

⁵⁰⁰ Tahaka an'i Mosesy mihitsy. Nahoana, fantatr'i Mosesy hoe iza izy. Fantatr'i Mosesy fa mpanompon'Andriamanitra izy, nahafantatra fa nantsoin'Andriamanitra izy. Fantany izay hataony. Izany no antony tsy natahorany an'izay nolazain'i Satana. Niezaka naka fanahy azy i Satana, nampahatahotra azy hiala amin'izany. Fa, tsia. Fantatr'i Mosesy izay nitsanganany. Marina izany.

Ankehitriny dia tsy maintsy mandeha haingana aho. Mandingana hatrany aho, pejy aorian'ny pejy, eto.

⁵⁰¹ Paoly. Zavatra anankiray izay tiako ahatongavana eto, alohan'ny hamaranana. Nanao an'ilay izy mazava tamin'ny ampanan'ny Ampakariny izay hatolony Paoly. Paoly no hanolotra ny ampanan'ny Ampakarina. Mino an'izany ve ianareo? Nanao an'ilay izy mazava tamin'ny ampanan'ny Ampakariny Paoly izay hatolony an'i Jesosy Kristy amin'ny andro farany, mikasika ny fahendrena sy ny finoana.

⁵⁰² Ndao isika hamaky kely fotsiny. Tiako ianareo hamadika ao amin'ny Korintiana Voalohany, ny toko faha-4. Korintiana Voalohany, ny toko faha-4, hamaky fotsiny isika. Ary hamarana fotsiny isika afaka fo-fotoana vitsy, raha sitrakny Tompo. Korintiana Voalohany, ny toko faha-4, ary tiako ny hamaky ny andinin faha-18 hatramin'ny faha-20. Eny àry. Eto isika izao.

*Ankehitriny ny sasany dia mirehareha, toy ny hoe—
toy ny hoe tsy ho avy any aminareo aho.*

*Fa ho avy aminareo faingana aho, raha sitrakny
Tompo, ka ho fantatro, tsy ny fitenin'ny iray amin'ireo
izay mirehareha, fa ny hery.*

⁵⁰³ Fantatrareo, izany dia nila . . . Ankehitriny, izany dia ilay fiangonana Romana izay nanomboka tonga, tao mihitsy, nanomboka tonga. Hitanareo? Fantany izay . . . Fantatrareo, hoy ny Baiboly hoe, "Niala tamintsika izy ireo, satria tsy isantsika," hitanareo. Marina izany.

Fa ny fanjakan'Andriamanitra dia tsy amin'ny teny, fa amin'ny hery.

⁵⁰⁴ Hitanareo, “Tsy amin’ny Teny.” Milaza fotsiny hoe, “Eny, izaho, nianatra aho, rahalahy. Manana fianarana betsaka noho ny hany anananaao aho. Izaho dia—pretra iray aho. Izaho dia....” Tsy misy na inona na inona idiran’io amin’Izany. Tsy midika mihoatra ny hoe ianareo dia “kisoa,” na zavatra hafa; hitanareo, hitanareo, tsy misy idirany amin’Izany. Hitanareo? Ny devoly dia nanana fahalalana betsaka, ihany koa. Hitanareo? Eny àry. Hitanareo?

Fa ny fanjakan'Andriamanitra dia tsy . . . teny, fa . . . hery. Hitanareo?

Inona no tianareo arak’izany? ho tonga aminareo miaraka amin’ny tsorakazo iray ve aho, sa amin’ny fitiavana, sa amin’ny . . . fanahin’ny fahalemem-panahy?

⁵⁰⁵ Ankehitriny, ny toko faha-2. Tiako ny hamarana an’ity, iray minitra fotsiny, arak’izany, alohan’ny hamaranantsika. Ny toko faha-2; avadiho ilay pejy. Ndao isika hanomboka amin’ny faha-1 mihtisy eto. Ankehitriny diniho izany, Paoly, izay teneniny amin’ilay Ampakarina ankehitriny. Hanolotra an’ity ampahana Ampakarina ity amin’i Kristy izy, ary tiany hahafantatra izy ireo. Ankehitriny, tsarovy, ho nanana karazana manan-tsaina iray i Paoly. Nanan-tsaina izy, izy nanana, saingy izy “dia tsy maintsy nanadino an’izany,” hoy izy. Nanana an’ireo karazana diploma sy fianarana izy, saingy tsy maintsy nanadino an’izany, ankehitriny, jereo, mba hianatra an’i Kristy.

Ary izaho, ry rahalahy, rehefa tonga tany aminareo aho, tonga, tsy tonga tamin’ny fiteny marevaka na . . . fahendrena. Hitanareo? Izaho tsy tonga niaraka tamin’ny fahendrena, nilaza taminareo ny filazan'Andriamanitra.

⁵⁰⁶ “Izaho no Dr. Ranona-sy-ranona, ary manana ny rehetra aho. Izaho no . . . Nampianarina tao amin’ireo seminera ve izahay, *izao-sy-izao*”? Tsia, tsia. Hoy i Paoly hoe, “Tsy tonga tany aminareo tahaka an’izany aho, niaraka tamin’ny fahendrena.” Ankehitriny, ary inona . . .

Inona no lahateniko? Ny Fahendrena Manohitra Ny Finoana. Hitanareo?

⁵⁰⁷ “Tsy tonga tany aminareo tamin’ny fahendrena aho,” hoy i Paoly, “nanome anareo ny filazan’Andriamanitra tamin’ny alalan’ny fahendrena, nanao hoe, ‘Jereo eto ankehitriny. Hoteneniko aminareo. Efa nianatra tao amin’ny seminera izahay fa efa lasa ireo andron’ny fahagagana. Mianatra ao amin’ny seminera izahay fa ireo zavatra ireo dia tsy midika marina tokoa an’Ity.’” Hoy izy hoe, “Tsy tonga tahaka an’izany aho, rahalahy.” Ankehitriny dia inona no nolazainy?

*Fa ninia tsy hahafantatra zavatra teo anivonareo aho,
afa-tsy Jesosy... ary izy voahombo.*

*Ary (raha) niaraka taminareo tamin'ny fahalemena
aho, sy tamin'ny tahotra, dia tamin'ny fahoriana be no
niarahako taminareo.*

*Ary ny teniko sy ny toriteniko dia tsy tamin'ireo
tenin'ny fahendren'olona mahataona, . . .*

⁵⁰⁸ Hah? Tahaka ny nolazain'i Booth Clibborn hoe, "Akory?" Iza no nandòna arak'izany?

Tsy tonga tany aminareo niaraka tamin'ny fahendren'ny seminera iray aho, fa tamin'ny fanehoan'ny *Fanahy sy ny hery*:

Mba ny (f-i-n-o-a-n-a) finoanareo tsy hiorina amin'ny fahendren'olona, fa amin'ny herin'Andriamanitra.

⁵⁰⁹ [Misioka Rahalahy Branham—Mpand.] Amena. Mino an'izany ve ianareo?

Mba tsy iorenan'ny finoanareo amin'ny fahendren'ny rafi-pandaminana iray, fa amin'ny herin'Andriamanitra.

⁵¹⁰ Finoana ny herin' Andriamanitra! Ny fanantenanareo dia tsy . . .

⁵¹¹ Ireo loharano roa ireo dia efa niady hatrany Edena; ny finoan'Andriamanitra manohitra ny fahendren'i Satana. Andriamanitra dia efa nanaporofo, tao amin'ny taona rehetra, fa tsy hifangaro Izany. Tsy maintsy sarahina Izany, mba hitombo.

⁵¹² Ankehitriny, haingana mihitsy, mamele ahy hamelatratra an'izany fotsiny—teny iray na roa, eo amin'ny tsirairay avy, haka zavatra vitsy fotsiny izay nosoratako eto.

⁵¹³ Esao sy Jakoba dia tandindona iray tanteraka: izy roa ireo, mpivavaka; izy roa ireo, kambana.

⁵¹⁴ Esao no tandindona ara-pivavahana. Lehilahy iray izay nanan-tsaina izy. Izy dia nanana—nanana fitondrantena tsara sy ireo zavatra tahaka an'izany, saingy tsy nisy nilàny an'io fizokiana io.

⁵¹⁵ Jakoba dia tsy niraharaha an'izay tsy maintsy hataony, mba hahazoany fotsiny an'ilay fizokiana. Ary raha mbola niaraka foana izy ireo, dia tsy afaka namokatra. Marina ve izany? Ny iray dia nanohitra an'ilay hafa.

⁵¹⁶ Azonareo ve ilay izy? Amena. "Mivoaha avy eo anivon'izany. Aoka hisaraka," hoy Andriamanitra. "Ary aza mikasika an'ireo zava-malotony. Handray anareo Aho." Hitanareo?

⁵¹⁷ Tsy maintsy nanasaraka ny tenany tamin'ny rahalahiny ara-anaram-pianganana i Jakoba talohan'ny hany nitahian'Andriamanitra azy. Niteny an'ilay zavatra iray ihany tamin'i Abrahama Andriamanitra.

Isiraely; sy Moaba.

⁵¹⁸ Nitsangana teo anoloan'i Mikaia ireo mpaminany efajato an'i Isiraely. Ary nanasaraka ny tenany tamin'izy ireo i Mikaia, ka nandray ny Tenin'ny Tompo, ary niverina niaraka tamin'Izany.

⁵¹⁹ Mosesy, sy Kora, ilay zavatra iray ihany, tsy hifangaro. Tsy maintsy nisaraka izy ireo. Marina ve izany?

⁵²⁰ Abrahama; sy Lota. Lehilahy iray mpivavaka i Lota, tandindon'ilay fiangonana ara-pototra. Fa raha mbola niaraka tamin'i Abrahama foana i Lota, dia nivahiny nandrity ny taona maro niaraka taminy izy. Fa Izy dia...Tsy ho nitahy azy Andriamanitra mandra-pankatoavany Azy tanteraka ka nanasaraka ny tenany tamin'i Lota, ilay fiangonana ara-anaram-piangonana. Noho izany, vantany vao nanasaraka ny tenany i Abrahama ka nivoaka, mba handeha irery, dia hoy Andriamanitra hoe, "Ankehitriny, Abrahama, mitsangàna. Mijere any atsinanana, andrefana, avaratra, atsimo." Hoy izy, "Anao daholo izany." Fa tsy nanao an'izany Izy raha tsy nanasaraka ny tenany tanteraka izy. Marina tokoa izany.

⁵²¹ Tsy afaka nitahy an'i Seta Andriamanitra raha tsy nanasaraka azy tamin'i Kaina Izy. Nanisy marika an'i Kaina Izy ary nandefa azy nankany amin'ny tanin'i Noda. Ary Kaina, niaraka tamin'ny fahendreny nanan-tsaina, dia lasa siantifika sy ny zavatra hafa rehetra, namboly an'izany vokatra izany. Ary i Seta, teo ambanin'ny fahamarinany, sy ny fitiavany ary ny finoany ny Tenin'Andriamanitra, dia namokatra vokatra iray izay namokatra mpaminany iray izay nampitandrina amin'ny andro farany, marina izany, namonjy ny mpino tsirairay. Fa ny fahendrena dia namotika ny tsirairay avy tamin'izy ireo. Izy ireo, ny tsirairay avy, dia maty. Ny tsirairay avy, tsy mampaninona na diplaoma sy psykolojia firy no nananan'izy ireo, ny zavatra hafa rehetra, levona tao amin'ireo fitsaran'Andriamanitra izy ireo.

⁵²² Ary ny zavatra rehetra any ankoatry ny Fanahin'Andriamanitra marina, nateraka indray, izay mino ny Teny tsirairay an'Ity ka mijoro tsara eo amin'Izany, dia ho levona ao amin'ireo fitsaran'Andriamanitra. Rehefa mahita ireo mpanao twist kely ireo mandeha eny an-dàlambe ianareo, ary io hadalana rehetra io, sy manao hadalana tahaka an'izany, dia tsarovy, tsy inona izany afa-tsy fonom-basin'ny fitsarana. Ho lò izany. Tsy maintsy ho lò. Natao ho lò fotsiny. Ry vehivavy, mifohaza.

⁵²³ Manana fijoroana vavolombelona kely aho, saingy tsy manam-potoana hitenenana azy, an'ny ramatoa kely iray tetu vao tsy ela akory izay, any California. Namily fiara teny an-dàlana aho, niandry ny ho antsoina tao amin'ilay tranolay. Nandeha teo, kely fotsiny...Ilay izy dia—mahafa-baraka ilay izy. Tsy isalasalana, zazavavy kely iray tsara tarehy. Ary

nandeha teo izy, niolanolana, nanao an'io satroka cowboy kely io, baoty sy haingo mihantona, niolanolana teny an-dàlana. Nisioka azy ny lehilahy tsirairay, ary nikopakopaka, izy rehetra ireo tahaka an'izany.

⁵²⁴ Nieritreritra aho hoe, “Tokony nijanona fotsiny aho, raha tsy mpitory teny iray. Teo i Meda, ho nijanona aho. Hanao hoe, ‘Jereo, ranabavy, te-hiteny zavatra aminao aho. Mety ho tsara tarehy ianao. Afaka manaporofa an’izany ianao. Hitanao? Mety afaka manao an’ireo hisatry ny fiara hikorisa ianao, ary miolanolana eto, ary hisioka tahaka ny amboadia ireo zazalahy, ny zavatra rehetra. Fa indray andro any, io vatana kely io, dia ireo kongona sy olitra no handadilady ao anatin’ka handany azy. Ary angamba ho tahaka an’izany izy afaka enina herinandro manomboka izao, lò, mipetraka ao anatin’ny fasana iray. Fa io fanahy izay ao anatinao io, mihinana eo amin’io fitsiriritana io, dia hiaina ao anatin’ny helon’ny devoly mandritry—mandritr’ireo taona ho avy.””

⁵²⁵ Mosesy; sy Kora. Lota; Abrahama. Jaona Mpanao-batisa; sy ireo mpamory hetra. Jesosy; sy ireo fiangonana ara-anaram-piangonana tamin’ny Androny. Hitanareo? Finoana; fahendrena.

Eny, afaka nitsangana ireo mpisorona ireo, nanao hoe, “Izahay . . .”

Hoy Izy hoe, “Eny.”

“Izahay manana an’ity. Oh, ny razanay, izahay nanao an’izao-sy-izao.”

⁵²⁶ Hoy Izy, “Eny. Ianareo, miaraka amin’ny fombafombanareo, dia nanao ny didin’Andriamanitra ho tsy nisy fiantraikany, mampianatra didin’olombelona ho Foto-pampianarana.”

⁵²⁷ Hoy izy ireo, “Eny, iza moa Ianao, mba hampianatra anay? Avy tamin’ny sekoly inona Ianao?”

⁵²⁸ Hoy Izy hoe, “Ireo asa izay Ataoko, no manambara Ahy. Raha tsy manao an’ireo asan’ny Mesia Aho, amin’izay fotoana izay dia aza mino Ahy. Fa raha manao an’ireo asan’ny Mesia Aho, amin’izay fotoana izay dia fantaro, minoa an’ireo asa.” Hoy Izy, “Izy ireo no manambara Ahy. Raha tsy manao an’ireo asa Aho, amin’izay fotoana izay dia aza mino an’izany.”

⁵²⁹ Izy dia nanana an’ireo ara-anaram-piangonana ireo, ihany koa, tany aoriane tany, niaraka tamin’ny fahendren’izy ireo. Jesosy nanana finoana. Finoana ny inona? Izay naha-izy Azy: Zanak’Andriamanitra. Hitanareo? Eny àry.

⁵³⁰ Masindahy Martin; niaraka tamin’ilay fiangonana Romana, tamin’ny andron’ny fanavaozana. Fa ny tiako lazaina dia rehefa, izy ireo, rehefa talohan’ny nidiran’izy ireo tao amin’i Roma mpanompo sampy, rehefa nanomboka lasa fiangonana Romana izy. Nitsangana teo i Martin ary nanohitra an’io dogma an’io

fiangonana Katolika io; nanao famantarana, sy fahagagana, ary zava-mahagaga. Ary—ary ireo fiangonany, izy rehetra ireo, dia niteny tamin'ny fiteny tsy fantatra, sy naminany, ary ireo zavatra lehibe. Ary niaraka taminy ny herin'Andriamanitra. Nanangana ny maty izy ary nanasitrana ny marary, sy ny zavatra hafa rehetra. Ary teo io fiangonana Katolika io tany, nanohitra azy tahaka an'izany, ary niezaka ny handoro azy, sy ny zavatra hafa rehetra. Inona izany? Fahendrena; finoana. Mitovy ankehitriny.

⁵³¹ Ndao isika hihaino ny famehezana an'izany rehetra izany. Zakaria 4:6 no hamaranako, eto mihitsy. Hoy ny Baiboly hoe, “Tsy amin-kery, tsy amin’ny fahatanjahana, fa amin’Ny Fanahiko, hoy ny Tompo. Tsy amin’ny fahendrena, tsy amin’ny fahalalana, tsy amin’ny fanononana, fa amin’Ny Fanahiko no Hanomezako (inona?) hery Ny Teniko.” Ireo mpianatra no namafy an’Izany tao amin’izy ireo, avy eo dia tonga ny Fanahy mba hanome hery ny Teny. Hitanareo? “Tsy amin-kery, tsy amin’ny fahatanjahana, tsy amin’ny fahendrena, tsy amin’ny fahazoana, tsy amin’ity, tsy amin’itsy, fa amin’Ny Fanahiko no Hanomezako hery Ny Teniko. Amin’Ny Fanahiko, hoy ny Tompo.” Ny Ranon’ny Tenin’ny finoana no manome hery ny Tenin’Andriamanitra ary manao Azy hiasa.

⁵³² Iza no handresy? Ilay izy dia toy ny hoe, izao ankehitriny izao, mazava ho azy, io fahendrena io no ho mety. Saingy, tsy hety izany. Tsy hety izany.

⁵³³ Ilay izy dia toy ny hoe, izao ankehitriny izao, io Fiangonana kely izay mino ny Tenin’Andriamanitra feno io dia—dia ao amin’ny havitsiana tokoa. Fa aza manahy. Hoy ny Baiboly hoe, “Aza matahotra, ry Ondry vitsy. Sitraky ny Rainareo ny hanome anareo ny Fanjakana.” Ah-hah. Marina izany. Hitanareo? Ary aza matahotra. Mijanòna ao amin’ny finoana fotsiny. Mijanòna tsara amin’ny Teny. Aza miala amin’ny Teny. Mijanòna amin’ny Teny.

Tianareo ve Izzy? Amena!
Hanompo Azy ve ianareo? Amena!
Hino Azy ve ianareo? Amena!
Amena! Amena!

Ndao isika hihira an’izany.

*Tianareo ve Izzy? [Mihira ny fiangonana hoe,
“Amena!”—Mpand.]*
Hanompo Azy ve ianareo? Amena!
Mino Azy ve ianareo? Amena!
Amena! Amena!

Tianareo ve Izzy? Amena!
Hanompo Azy ve ianareo? Amena!
Hino Azy ve ianareo? Amena!
Amena! Amena!

⁵³⁴ Oh, tiako Izy! Ary ianareo? Inona izany? Amin'ny finoana, fa tsy amin'ny fahendrena! “Amin’ny finoana no namonjena antsika.” Marina ve izany? “Tsy amin’ny fahendrena, tsy amin’ny fahalalana; amin’Ny Fanahiko, hoy ny Tompo.”

⁵³⁵ Ankehitriny dia aoka Izy ireny hilentika ao anatin’ity Fianganana ity. Io tariby varahina io, mpitondra iray izany. Ankehitriny, ny tariby alimo dia tsy mpitondra iray. Hitanareo? Tsy izy izany. Tsia. Ny fantsona fingotra iray dia tsy mpitondra; famonosana iray izany. Ny hazo dia famonosana iray. Tsy mila famonosana isika. Manana be loatra an’izany isika ankehitriny, ary manao fonony. Noho izany isika—isika mila... Mila mpitondra isika, lehilahy sy vehivavy nateraka indray izay mino ny Tenin’Andriamanitra.

⁵³⁶ Ankehitriny, dia inona no nolazain’ilay Dynamo? “Angataho amin’ny Ray ny zavatra rehetra amin’Ny Anarako, Hataoko izany.” Ary inona no ataonareo? Atsatohy ny prizy.

Amena!

⁵³⁷ Marina ve izany? Atsatohy fotsiny ny prizy, izay ihany no tokony hataonareo, dia tonga mikoriana avy hatrany eo amin’ilay tady ny herin’aratra.

⁵³⁸ Inona no mitranga? Manomboka mitombo ny Teny. “Ary ho tahaka ny hazo iray izay nambolena eo amoron’ireo reniranon’ny rano izy; tsy halazo ireo raviny; izay rehetra ataony dia hambinina. Tsy tahaka an’izany ny ratsy fanahy.”

⁵³⁹ “Tsy tahaka an’izany ny ratsy fanahy.” Ankehitriny, aza milaza hoe, “ilay mpanota,” ankehitriny. “Ny ratsy fanahy,” hitanareo, izany ilay anankiray izay mihambo ho, ary ratsy fanahy amin’Izany, hitanareo. Marina izany. “Tsy tahaka an’izany ny ratsy fanahy. Tsy afaka hitsangana ao amin’ny fitsarana miaraka amin’ny marina izy ireo.” Tsia, tompoko. Tsy afaka tokoa izy ireo.

⁵⁴⁰ Noho izany, tonga ny fotoana. Voafafy ilay Voa, na izany aza, ireo izay voafidy mialoha. “Voafidy mialoha” no fomba tokana any. Afaka maka ny Apokalypsy 12 aho, izao ankehitriny izao, sy 13, ka hanaporofa an’izany aminareo, ireo fotsiny. Ny Baiboly dia nilaza, hoe, “Io antikristy izay tonga teto ambonin’ny tany io dia hamitaka ny rehetra,” (a, 1 roa), “ny rehetra izay eo amin’ny tavan’ny tany, miaraka amin’ireo anaram-piagonana sy fanekem-pinoana ireo. Hamitaka ny rehetra eo amin’ny tavan’ny tany izy, ny tsirairay avy amin’izy ireo, afa-tsy ireo izay voafidy mialoha talohan’ny fanorenana an’izao tontolo izao.” Noho izany, rahalahy, tsy afaka hanao na inona na inona mikasika an’izany ianareo. Mivazavazà fotsiny hoe, “Amena.” Oh, oadray! Tiako izany. Eny, tompoko.

*Tianareo ve Izy? Amena!
Hanompo Azy ve ianareo? Amena!
Mino Azy ve ianareo? Amena!
Amena! Amena!*

⁵⁴¹ Tiako ianareo hizatra an'izany kely fotsiny eto, ianareo rehetra. Tiako izany hira izany, ary ianareo? Izany no hiranay tany Phoenix, tamin'ny favoriana. Oh! Tiako izany. Tiako izany. Ndaio isika hihira an'izany indray.

*Tianareo ve Izy? Amena!
Hanompo Azy ve ianareo? Amena!
Hino Azy ve ianareo? Amena!
Amena! Amena!*

⁵⁴² Eny, afaka manohy mandeha fotsiny ianareo, fantatrareo. “Hanompo Azy ve ianareo?” Ary manohy mandeha fotsiny izy ireo, hatrany sy hatrany. Oadray! Tany Phoenix tany no nanombohanay an'izany; toy ny hoe nandrovitra an'ilay toerana ho potipotika izahay. Eny, tompoko. “Amena! Amena! Amena!”

*Tafatsofoka ao anatin'izany ve ianareo izao
maraina izao? Amena!
Ahodino ilay fanapihana. Amena!
Mahazo an'ilay herin'aratra ianareo. Amena!
Amena! Amena!*

*Ankehitriny dia hitombo Izany. Amena!
Hitondra voa. Amena!
Haneho an'Izany ianareo. Amena!
Amena! Amena!*

⁵⁴³ Oh, tsy mahafinaritra ve izany? Amena. Tena mahafinaritra izany. Miala tsiny nihazona anareo rehetra teto, ity fotoana rehetra ity, saingy manana jobily iray fotsiny aho, ny tenako, fotoana iray mahafinaritra fotsiny. Eny àry.

Amin'ny Alahady heriny, ankehitriny, ny olona rehetra izay manodidina . . .

⁵⁴⁴ Ankehitriny, handeha hankany amin-dry Rahalahy Littlefield aho ankehitriny, mba hanaparitaka Teny kely, angamba haka ny sasany amin'ity Teny eto ity ary hanaparitaka an'Izany any eo anivon'izy ireo, fiangonan'Andriamanitra, tahaka an'izany. Ary hiresaka fotsiny eo amin'ny zavatra izay noresahako teto aho angamba. Mazava ho azy, tongasoa ianareo mba ho tonga. Fa manana fiangonana bitika kely izy ireo any, mametraka dimanjato sy arivo. Vao avy notokanako izany, ary teo amin'ny taona vitsy lasa teo izay. Ho tery izany. Saingy nampanantena an-dRahalahy Littlefield aho. Rahalahy sarobidy iray izy. Ary mihazona ny fampanantenany ny lehilahy iray raha vitany. Raha sitrakny Tompo, dia handeha any aho.

⁵⁴⁵ Hisy fiangonana eto amin'ny tabernakla. Ianareo olona tongava eto amin'ny tabernakla eto mihitsy, izay manodidina sy ny sisa, ka afaka. Tongava avy hatrany.

⁵⁴⁶ Ary avy eo, amin'ny Alahady manaraka, dia tsarovy, ho eto Rahalahy Arganbright ankehitriny miaraka amin-dRahalahy Rowe. Azo antoka fa hankasitraka an-dRahalahy Rowe ianareo. [Elanelana tsy voaraki-peo—Mpand.] Eny àry.

⁵⁴⁷ Ndao averintsika amin-dRahalahy Neville ny fotoana ankehitriny, hahita an'izay hoteneniny amintsika ankehitriny. Ny Tompo hitahy anareo.



NY FAHENDRENA MANOHITRA NY FINOANA MAG62-0401
(Wisdom Versus Faith)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 1 Aprily, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org